

南  
社  
叢  
選

貫成署



南  
社  
林  
取  
選

民國十三年春  
安吳朱貫成



上海图书馆藏書

南社叢選

國學社印行



A541 212 0016 5445B



## 南社選叢汪序

中國之革命文學。自庚子以後。始日以著。其影響所及。當日之人心。爲之轉移。而中華民國於以形成。此治中國文學史者。所必不容忽也。近世各國之革命。必有革命文學爲之前驅。其革命文學之采色。必爛然有以異於其時代之前後。中國之革命文學亦然。核其內容。與其形式。固不與庚子以前之時務論相類。亦與民國以後之政論。絕非同物。蓋其內容。則民族民權民生之主義也。其形式之範成。則涵有二事。其一。根柢於國學。以經義史事諸子文辭之菁華。爲其枝幹。其一。根柢於西學。以法律政治經濟之義蘊。爲其條理。二者相倚而亦相扶。無前者。則國亡之痛。種淪之戚。習焉已忘。無繇動其光復神州之念。無後者。則承學之士。猶以爲君臣之義。無所逃於天地之間。無繇得聞主權在民之理。且無前者。則大義雖著。而感情不篤。無以責其犯難而逃死。無後者。則含孕雖富。而論理未精。無以辨析疑義。力行不惑。故革命文學必兼斯二者。乃能蔚

然有以樹立。其致力于前者。則有國粹學報南社集等。其不懈於前者。而尤能致力於後者。則有民報等。舉此爲例。凡當時革命之文字。勿論爲單行本爲月刊爲日刊。皆可類推焉。革命黨人所以能勇於赴義。一往無前百折而不撓者。恃此革命文學。以自涵育。所以能一變三百年來奄奄不振之士氣。使卽於發揚蹈厲者。亦恃此革命文學以相感動也。中華民國成立以來。十有二年矣。治未可致。而亂且日甚。說者有謂由於革命文學之徒事興奮以致僨張者。愚則以爲士氣委靡如此。患不興奮耳。何僨張之足云。士之大患。在於見利害太明。好議論人長短。而不務實踐。此小人無忌憚之資也。惟拙樸勇毅之革命文學。始足以矯而正之。故愚於今日。惟革命文學不能普及之是懼。且將努力以增益其所不能。使革命文學。不惟普及。且日以進步焉。此誠革命黨人應有之責也。南社諸子。以氣節文章相尙。其在當日。皆能皎然不欺其志。比年以來。喪亂弘多。遂稍稍有變節者。譬之於樹。枝葉黃落。亦新陳代謝之常。執此以訾其根。

本。適。自。承。其。慎。而。已。嗟。夫。死。者。已。矣。其。精。神。所。寄。存。於。文。字。常。能。發。其。光。燄。以。爲。後。人。導。其。猶。生。存。者。則。負。中。華。民。國。之。重。以。前。趨。不。達。其。所。蘄。之。境。必。不。蹶。然。以。止。庶。幾。所。謂。死。者。復。生。生。者。不。愧。者。歟。老。友。胡。樸。安。爲。南。社。叢。選。既。成。屬。爲。之。序。因。以。所。感。質。之。樸。安。以。爲。何。如。中。華。民。國。十。二。年。十。月。汪。兆。銘。精。衛。謹。序。



## 南社叢選傳序

歲戊申。松陵陳佩忍。柳亞盧。倡南社於海上。余與甯太一。自長沙應之。初不過數十人。泊辛亥光復。海上之會。號稱極盛。社籍所錄。亦纔及二百人耳。先是社中方以激勵國人爲幟志。又嘗脅於清吏之羅織。則瘦其祠。隱其旨。以求抒其志之所鬱結。而一通其道。於述往思來之旨。容有當焉。昧者不察。至有以明季遺老相譏者。蓋未審作者之志。無足怪也。清社旣屋。海內之士。颯發雲起。人奮筆。家振響。通都大邑。率有日報。以相鼓吹。則又多爲南社人士所萃。互引并進。聲應氣求。不二年間。而社籍幾及千人。其文辭務爲蹈厲奮發。不可一世。如日初出。震金炫采。然於憂深慮微之旨。未嘗不三致意也。屬大盜當國。欺時竊帝。威暴陵轢。士或以鬻。而吾社斷軀瘕。獄逃名遁迹。不爲威屈利疚者。蓋頂趾相望。而劉歆揚雄之倫。不與焉。則數年來。砥礪氣節之效也。顧徵應旣廣。其來無方。華士驚名。習爲標榜。雜蕭艾於蘭茝。薦申椒以糞壤。遂至門戶相軋。意氣相



傾始以齟齬終之離異。推厥本始。其失也濫。滋世詬病。亦有由已。邇年以還。白浪西來。士不悅學。輕去其故。而新是謀。環顧舊人。慮皆哀樂中年。易生厭倦。社事不斬。蓋亦幾希。佛說因緣。生住異滅。例之社事。已庚甫生。元二則住。丁戊漸異。今乃滅之。是憂中興之圖。抑其有待。蓋通國之憂。而非徒吾社之憂也。安吳胡子樸安。瘁學鞠教。甄文綜獻。感故舊之凋落。綿往迹於未湮。乃就社集所刻。綜之別之。爲南社詩文詞選若干卷。僕昔有斯志。顧以荒學未能而廢。今猶耿耿。集社刻者。柳子亞盧之力爲多。嘗見其每集稿成。皆朱絲闌。親端書。偏左。其右逐字圓規。光黑萬珠。曾不少苟。歲已未。雲間姚石子主社。余寓居海上。與編二十一集。但取草藁參錯付印而已。胡之勤。不必如柳。而甄綜芟削之功。則過之。是南社得柳而大。得胡而長也。盪襟西冷。歸次滬濱。文讌從容。出此索序。展卷見甯生爲之涕賈。其繼甯爲鬼者。又不知幾何人也。至如僕者。少作雕蟲。已成夙悔。惡札盈帙。一無可忻。而胡子且過存之。則適貽斯集之玷而已。中華民國

國十二年初秋三日。醴陵傅熊湘序於長沙寓廬之古薔薇下。明日寄。




## 南社叢選柳序

中華民國紀元前三年。余與陳巢南諸子。始創南社。迄今十五載矣。高岸爲谷。深谷爲陵。一時國運之變遷。人才之代謝。均有不勝今昔感者。約而言之。可分爲三期焉。自己酉至辛亥爲第一期。時則胡燏方張。士氣彌奮。西臺慟哭。人謳臯羽之歌。智井沈書。家抱所南之史。一時澤畔行吟。山陬仗劍。不少慷慨義俠之士。迄乎革命軍興。而建牙開府。與夫參贊帷幄者。率多吾社俊流。是曰醞釀時期。不啻全盛矣。自壬子至丙辰爲第二期。新邦初建。想望太平。顧周寶丹首義。淮上。身死而仇未復。海內已竊竊然憂之。有刑賞不明之憾。其後賊凱盜國。誅鋤異己。逆謀未露。先隕遯初。虐斃將銷。猶殘英士。而寧太一楊性恂陳勒生周仲穆仇蘊存范鴻仙程韻蓀吳虎頭姚勇忱諸君子。並斷頭瀝血。白首同歸。幾幾乎舉吾社之良而盡殲之。是曰摧殘時期。然青燐碧血。抑足蔚爲國光焉。自丁巳至癸亥爲第三期。洪憲附逆。涇渭始淆。元兇天戮。小醜繁孳。安福政學。

靡不有吾社之敗類。甚至賄選獄成。名列丹書者。赫然一十九輩。而其他反顏事賊奔走僞庭者。猶不與焉。彼其之子。豈不口仁義而筆孔孟。然廉恥道喪。抑又何說。此則吾社之大辱。雖傾西江之水。不足以洗之。縱蔡幼襄流血於夔巫。易梅僧橫尸於楚市。一薰而百蕪。寧堪相抵哉。是日墮落時期。蓋哀莫大於心死已。曠觀前史。幾復清流。臥子瑗公勿參維斗。名在日月之表。而陳名夏李舒章輩則何如。又孰謂古今人不相及也。余生扶九孟樸之鄉。而謬膺天如受先之任。負乘致寇。有託而逃。亦有年矣。蒿目人倫。私憂竊嘆。以爲周之夔陸文聲不出於外侮。而出於內訌。已慨然有非種必鋤之感。政變以還。抱斯義益篤。私謂假我數年。舉社集全編而刪定之。以人存文。以文存人。庶幾有嚴於袞鉞者在。樸安胡子。乃先我爲之。旣早鉛槧。遂乏準繩。蓋無藉之徒。固有朝巢由而暮跖躄者。余又烏能蔽罪於胡子也。要之承學之士。手此一冊。十五年來文章政治之得失。亦旣昭然在心目中。若夫流芳遺臭。爲罪爲功。則今日或且未有定

論集中諸人幸而未卽於墮落者。又安可不兢兢自勉其終始哉。  
中華民國十二年十二月二十八日吳江柳棄疾敍於海上寓樓



## 南社叢選自序

文章與時代有關係。一時代之文章。必感受一時代之影響而成。其影響也。有順受。有反感。其順受也。昌黎所謂和其聲以鳴國家之盛是。其反感也。其弱者則有變風變雅之作。其強者則有弔民伐罪之辭。南社之文章。一時代影響之反感者也。夫文章之道。和平難工。激昂易妙。和平之文章。非涵養有素者。不能得其沖粹之氣。非幾研極深者。不能發其精微之理。若夫激昂之文章。慷慨之夫。剛強之士。出於胸中。流於腕底。固可以使頑廉懦立。泣鬼神而感風雨。然而意氣用事之徒。亦得奮筆於其間。竊能文之號。實譽于當時。南社影響時代之反感。其發爲文章也。固宜出於激昂之一途。惟其出於激昂也。掎擊清廷。排斥帝制。大聲以呼。振啓聾聵。垂涕而道。曉諭顛蒙。氣類所通。薄海斯應。故慷慨之夫。剛強之士。歸之。意氣用事之徒。亦歸之。不得志于滿清。無由奮跡于利祿之途者。亦歸之。流品雖雜。目標則一。略其心跡。論其文章。固一時代影響之反感。



而不可以忽者也。民國成立。反感之目標既去。向之意氣用事者。不能固其初志。無由奮跡於利祿之途者。反得假爲捷徑焉。於是其黠者。致身於通顯之域。其愿者。奔走于權勢之門。激昂之氣。一亦變而爲脂韋之容。南社減色。吾輩亦覺汗顏焉。雖然南社之文章。影響一時代之反感。其可存之價值。初不因少數不肖者而稍減。卽不肖者當時之文章。亦確能發抒反感之思想。而有義形於色之概。文章者時代之出產物。非個人之私事也。茲編所錄。存一時代之文章。用以推見一時代反感之所及。至于文之美惡。人之賢否。則非茲編之所注意者也。民國十三年四月涇縣胡韞玉自序

南社叢選總目

汪序

傅序

柳序

自序

文選十卷三百九十八首一百零七人

詩選十二卷三千零三十七首一百六十七人

詞選二卷三百九十七首六十人



文

尊



選英

南  
元  
叢  
選



文選目錄

卷一

太一文九首

甯調元

蘿庵文十二首

鄭澤

鈍庵文四十六首

傅熊湘

今希文五首

劉湘澤

約真文二首

劉謙

夢蘧文一首

黃鈞

卷二

漁父文一首

宋教仁

伯純文一首

張通典

默君文二首

張昭漢

悔晦文十首

吳恭亨

經輿文二首

李德羣

冥鴻文一首

仇亮

卷三

曼殊文七首

蘇玄瑛

精衛文四首

汪兆銘

蘭史文六首

潘飛聲

孝則文一首

沈厚慈

季藹文一首

沈厚和

晦聞文二首

黃節

哲夫文一首

蔡有守

鳳兮文一首

黃懺華

小進文三首

馬駿聲

懷霜文一首

李葭榮

公愚文二首

古直

一厂文一首

林百舉

薛生文一首

鍾動

小白文一首

李才

抱晉文一首

謝華國

伯嚴文一首

周剛

亮夫文一首

周明

破浪文一首

周張帆

澤庵文一首

吳沛霖

卷四



勒生文一首

陳子範

寒碧文一首

林景行

浚南文三首

林學衡

荷公文九首

邱復

弘一文五首

李息

秋陸文一首

景耀月

相甚文一首

趙世鉦

孝穀文一首

曾延年

无量文二首

謝无量

叔永文一首

任鴻雋

鐵崖文一首

雷昭性

君武文一首

馬和

天民文二首

呂志伊

了齋文一首

陶牧

卷五

懺慧文三首

徐自華

次公文五首

邵瑞彭

大至文二首

諸宗元

元沖文三首

邵庸舒

布雷文三首

陳訓恩

芷畦文五首

周斌

道非文八首

沈礪

翼雲文二首

孫鵬

天石文二首

周亮

天風文一首

譚天

折三文二首

鄭之章

均卿文一首

王文濡

巨摩文二首

章閻

漱巖文二首

王葆楨

頑石文一首

錢貽厚

卷六

仲穆文四首

周祥駿

無盡文三首

周實

人菊文二首

周偉

式一文一首

阮式一

杏佛文一首

楊銓

匪石文一首

陳世宜

血兒文一首

徐天復

中冷文一首

葉玉森

眉孫文一首

吳清庠

杏癡文一首

姜可生

揮孫文二首

張素

蛻庵文五首

陳蛻

蘭皋文二首

汪文溥

萬里文五首

蔣同超

西神文六首

王蘊章

癩盒文五首

吳梅

卷七

摩西文二首

檠子文五首

蛻公文一首

劍華文一首

心俠文三首

石予文三首

天遂文三首

了公文一首

鷓雛文五首

繼長文一首

天梅文五首

吹萬文九首

黃人

龐樹柏

蕭蛻

俞鏗

馮平

胡蘊

余疚儂

楊錫章

姚錫鈞

萬以增

高旭

高燮

石子文七首

卷八

巢南文十七首

治民文二首

穎若文四首

眉若文一首

叔度文二首

楚儉文七首

大覺文三首

悼秋文一首

莘子文二首

劍芒文一首

姚光

陳去病

蔡寅

沈昌直

沈昌眉

錢祖憲

葉葉

王德鍾

顧悼秋

淩景堅

朱慕家

卷九

亞子文二十二首

柳棄疾

卷十

孤鴻文二首

范光啓

无生文五首

王鍾麒

少華文一首

李光

濱虹文十一首

黃質

善之文九首

程善之

瘦坡文二首

方廷楷

寄塵文十七首

胡懷琛

南社叢選

文選卷一

涇縣胡韜玉樸安選錄

太一文選

甯調元字太一號仙霞湖南長沙人其著作已刊者有朗吟詩草三卷明夷詩鈔二卷南幽百絕句一卷太一詩存四卷明夷詞鈔一卷太一文存一卷太一箋啓一卷莊子補釋一卷讀漢書劄記一卷太一叢話五卷南幽雜俎二卷南幽筆記一卷其未刊或已散佚者有譯佛教聖典閒情集風遺小草辟支廬詩稿歎逝集南幽文集說文廣義廣說文廣義楚詞王注補碧血痕幽室范言小學讀詩選太一才氣奔放而學有根柢故其爲文異於時流民國元年嘗與余論文于申江酒樓輒曰作文不識字今人之通病蓋太一工辭藻而致力于小學者也民國二年遭武昌之難而死文人多厄痛哉今錄文九首



南社集序

詩者志之所之也。春秋說題辭。在事爲詩。未發爲謀。故詩之爲言志也。揚子亦言。說志者莫辨乎詩。李注在心爲志。發言爲詩。人各有志。志之卑抗殊。而詩之升降亦於以判。故古有采詩之官。先王所以觀民俗。知得失。自考正也。延陵季子聘魯。請觀周樂。自鄆以下無譏。詩之爲義大矣哉。吾友高子鈍劍。柳子亞廬。等旣以詩詞名海內。復創南社。以網羅當世騷人奇士之作。蔚爲巨觀。鍾儀操南音。不忘本也。昔啓禎之際。太倉二張。首唱應社。貴池劉城。和之爲廣應社。嘉魚熊開元。宰吳江。進諸生講藝。而復社乃興。由是雲間有幾社。浙西有聞社。江北有南社。江西有則社。歷亭有序社。崑陽有雲簪社。而吳門有羽朋社。匡社。武陵有讀書社。山左有大社。流派雖別。大都以詩古文詞相砥礪。而統歸於復社。山鳴谷應。風起水響。於斯爲盛。春木之苞兮。援我手之鶉兮。去之三百載。其人若存兮。有踵接而起者。固可以觀。可以羣。可以怨也。雖然。余選古近詩。至宋明

嘗略而弗錄。其持論曰。詩運降戾。爰茲歷年。幾千代有遷移。溫厚以則。宋以前也。纖麗以淫。唐以後也。且五言之際。宋梁猶七律之際。晚唐衰遞。以漸學漢魏。不能或猶。類唐學宋。明不能將蔑所似也。然則斯編何取乎。曰。輯詩非選詩也。於先王之書。樂記道之曰。治世之音安以樂。亂世之音怨以怒。亡國之音哀以思。故哀樂感夫心。而詠歎發於聲。斯編何。晉斯世。何世海內士夫。庶幾曉然。喻之而同聲。一慨也。夫嗟嗟小雅盡廢。四夷交侵。子夏序詩。是以君子謂之知言。

丁未獄中與傅鈍根書

昨又訊過一次。無結果。但坐地不屈膝也。此事弟自己切有把握。望勿過慮。弟之近稿。兄有意取留。甚是感激。但將來如能援癸卯例。爲訂正一番。甚好也。又著有碧血痕一卷。得一萬餘言。一百餘人。將來亦須兄相助。弟詩被官搜去者。五十有餘首。皆託意風懷之作。幸蒙委員贊曰。宗旨平正。此錄者十之一二耳。不罄元頓首。

戊申獄中與傅鈍根書

金屯君鑒。歲暮不慘。在陰卽慘。禁錮一室。無所可歡。錮約言歸。益復了然。靚浮雲於大空。唳白鶴於天表。恨不與之俱飛也。來詩佳甚。桓子野聞歌。輒喚奈何。如有同情。江淹才盡。恐以瓦釜。比節黃鐘。徒貽人笑。遲之異日。或當勉強一和。爾來上午閱子書。下午閱漢書。燈下閱說文及後漢書。訂爲常課。暇則休息。時著犢鼻禪。頗似馬相如。惟無文君耳。故與詩詞少斷絕。前在枕上。曾作四言六章。其詩云。幽室夜永。獨寐寤歌。未見君子。我憂則那。烏兮啞啞。哀鳴求儔。夜寒不寐。歟焉涕流。有月有日。耀于室隅。憂心如熯。不可與俱。東門之柳。一年再圍。人之不敢去日。以悲河之水兮。曷云其已。及時不曷。爲螻爲螿。彼揀者。騎靡由不。聾顧瞻周道。罔罔于前。明年來省。意已定否。一切待商。甚多有篆帖。盍帶一二種來。垣弟士逸白。十二月十七接來函之後一日也。

武昌獄中與劉約真書

約兄鑒。仲莊歸。當悉弟狀。弟以五號引渡過江。押軍法局。提訊數次。尙未定讞。生死關頭。已於十年前。勘破至此。復何所系。惟默揣中國時局。瓜分之禍。不出三年。吾人遲早不免一死。瞻烏爰止。於誰之屋。後死者重。可哀也。弟在此間。頗得獄吏善視。亦無所苦。爲我告湘中諸友。幸自珍愛。無以我爲念。此敬文祺。士逸弟上。七月十二號。

書醉翁亭記後

世傳六一居士作醉翁亭記。始云滁四面皆山。繼易以滁爲州。山四周。最後乃改云環滁皆山也。可謂簡拔矣。乃記成後之四十九年。東坡爲之大書。重刻於滁。又改泉洌而酒香。作泉香而酒洌。水落或石出。作水清而石出。歐蘇皆一代大手筆。一字一句。不稍苟且。足見作文之難也。然而以歐公之文。東坡改之。實未見有勝原著。亦可見改人文字之難也。

文學林維嶽墓志銘

君姓林氏。諱維嶽。字秋峙。林氏世爲福建著族。商於粵東。展轉入湘。遂家醴陵。考戴熙州司馬銜。誥封奉直大夫。妣黃宜人。司馬公有考曰文志。文志有考曰常鳳。均貽贈儒林郎。常鳳者。始來醴。蓋至君而四世矣。君孕毓家休。生而徇齊。能誦詩書。屬文。年二十八。補府學弟子員。科舉。既不足以得眞人才。主其事者。復瑣瑣然。自爲尺量。君習舉子業。屢試不讎。冥然進取之途。授徒里閭。積穢自安。或謂少趨合。取青紫如拾芥。君拊髀雀躍。唾其笑矣。弟昆二人。長芝軒。君以少子。獨得司馬公愛憐。逮析產。則舉瘠礪者。與之。舉不得。借君曰。是奚屑屑也。賢多財。則損其智。愚多財。則益其過。吾父貽我一經。受賜多哉。時輩服其能。讓弟昆。割爨而後。同室共居。往來輒整容送逆。進退一成。規一成。矩從容。一若龍。一若虎。遐焉嘉賓之臨。其前李充。推衣遞食。劉璉束帶與語。弗相尙也。當黃太宜人寢疾。君侍藥鑪。寒暑周年。衣不解帶。已而疾竟不起。居喪肌毀骨立。終身皆哀慕之年。顏猶孺子色。居常課兒曹詩。至蓼莪章。輒嗚然哭。歎歎淚落。至

性感發。其天之所爲之。不可使作之也。禮人故健訟。君任團長。實漢三老兼游  
徼之職。凡七紀。事無宏纖。君一言冰雪解矣。姑終無縣控案。縣令有請。必再而  
後往。不輕易涉公庭。其轉謹類此。漢人朱壽昌。白令邊郡皆築倉。穀賤時增其  
價而糴。穀貴時減其價而糶。以利於民。君放其制。少有通變。出貲勸義倉。一咸  
感兄餽。同光以還。兵燹水旱迭爲邑禍。素封之家。僅飽餐饗。中人之產。化爲烏  
有。每逼歲除。北風雨雪。道孛止接。君首議設培學堂。殫其廩餘。君曰。西伯掩枯  
骨。諸侯歸心。吾害敢望。西伯然子孫。或有大吾門者。暨夫柝關破鍵。西貨東溢。  
俗競奢靡。朴風盪然。君布衣素履。爰甘澹泊。矜尙一時。子婦欲有所以易之。環  
請弗諾。性醜於飲。枕麴藉糟。一斗亦醉。一石亦醉。有古高士風。生以清道光已  
酉八月三日。卒以光緒戊申三月三日。配張安人。嫺於婦道。著桓孟子操。男子  
子五。霽附生。霽廩貢生。霽附生。肄業湖南優級師範學堂。銑鍾女子子一。適石  
林浦張甲。孫九人。孫女一人。將以宣統己酉四月。啓司馬公夫婦之壙而祔葬。

焉。鄉人士以爲哲人就。萎盛德弗彰。宜爲之銘。銘曰。

楚有大鳥不鳴。三年豐有寶劍。蘊之生烟。有隱德。士實祖比。干媒。媒晦。晦目擊。道存。鶉生於窠。未嘗好田。牂生於奧。未嘗自賢。安時處順。帝解其懸。魂魂其氣。昌我川原。吾銘諸石。敢告蒸元。

劉母潘太孺人墓志銘

孺人醴陵潘氏。處士必昇公之季出也。潘氏故以詩書世其家。行止有義。年及笄。歸同邑劉國學華杏。國學公蓄道能文。遭其府君春浦公之喪。挈季奉母程太孺人家居。冥心計學。不肯就大小試。視熱中功名之士異矣。而治家方嚴。門以內一尊一簋。悉有常處。孺人亦修德守約。椎髻布衣。操井臼而前。暇則紉繡。續縫以爲常。而內政以修。而家業以振。每春夏交。或歲宴。婁人子踵門求貸者。趾相接。孺人解衣推食。未嘗自爲地。積久。子母相權。償者艱於力。孺人稔其最者。盡反其券。或更貸之。乃以告國學公。公亦不之訖也。故時輩目爲慈善家。孺

人亦以慈善事業自任。視力所在。無不各厭其意。惟國學公意旨小異。以爲大丈夫寒不能自衣。饑不能自食。徒人是仰。實恥之。尤與衣食之以懈其志。何如拒其請求。受刺激。而或以自計也。然孺人之利。利在危急。國學公之利。利在遠大。故感受其利者。又各有所歸美焉。先是國學公弟昆五人。長華英。次華琢。次華品。次國學公。次華瀾。品夫婦早逝。藐爾諸孤。靡瞻靡依。孺人視爲己出。男用婚。女用嫁。底於成立。無德色。居平五日一沐髮。兩日一澣衣。事程太孺人尤謹。食必佐餒。饋必奉饜。井井兮其有理也。嚴嚴兮其能敬己也。分分兮其有終始也。鄉聚賢之。國學公亦以得賢內助自詡。當光緒壬寅之變政也。科舉易而學堂。天下騷然。豐屋蔀家。醴陵尤甚。而孺人首勸國學公遣子謙就學湘垣。資澤湘出洋。既事定。人心釋然。逾推服孺人之特識。不以世議與也。而醴東風氣。一丕變。澤湘謙幼日就外傳。閒輟業歸省。孺人每用愀然。不信宿促之去。相與周旋者。探其賢。往罄旨蓄。以隆其待遇。不則絕之。以是澤湘謙學底於成。無妄交。



時局多艱。澤湘謙方冀大有爲於天下。以榮二親。亡何丙午歲。國學公逝。孺人悲戚過甚。勞瘁有加。逾年繼逝。禮俗崇厚。葬喜緇黃。信堪輿家言。臨終咸舉以爲誠。嗚呼。賢己。生道光癸卯八月十三日卯時。歿於光緒戊申九月五日己時。壽享六十有六。男子四。長澤湘。廩貢生。次萬宜。承瀾祧。次萬甲。次謙。湖南中路師範優級生。女子三人。長適唐必亮。次適楊啓清。次適潘昱。孫六人。女孫二人。將以宣統元年正月九日寅時。啓程太孺人之壙而祔葬焉。銘曰。顛其地。廓如也。望其氣。鬱如也。其傍將置萬家山靈有知。呵茲護茲。

### 鵠兒墓志銘

鵠兒未審其世系所自。昔者大皞生咸鳥。金天氏因以鳥紀官。厥後居鞮鞢國者稱鳥夷。在鹽長之國爲鳥氏。種姓日繁。遂遍中原。有鳥蹟。鵠或其一族也。鵠兒性溫易。奇瘦不畏人。人亦愛之。生十有六日。孤倚寡母獨力。敏哺用活。今其母他適矣。適之日。其兄中暴疾亡。又三日而鵠兒絕粒死。甯子哀其命薄。搆石。

槲。瓦。楸。隸。之。獄。西。隅。時。已。酉。四。月。望。日。錫。之。銘。曰。  
楚。有。一。鷓。命。奇。苦。東。方。帝。國。不。容。汝。賴。我。瘞。汝。于。囹。圄。足。視。千。秋。並。萬。古。

自祭文

歲。次。丁。未。月。惟。中。冬。鴻。燕。代。飛。日。月。于。征。甯。子。生。瘞。逼。近。周。年。寒。泉。夕。沸。寃。霜。  
晝。零。恍。兮。忽。兮。意。若。有。忘。人。情。冷。暖。世。道。崎。嶇。四。顧。歔。歔。誰。復。願。言。迺。陳。濁。醪。  
暨。之。牛。脯。迺。自。選。文。迺。自。祭。曰。

在。昔。初。哉。大。宇。洪。荒。搏。土。爲。人。實。甫。媧。皇。世。運。消。長。否。泰。靡。常。二。離。隱。曜。四。維。  
不。張。獸。蹄。鳥。蹟。充。夫。八。方。於。時。人。類。淪。胥。以。亡。日。居。月。諸。我。亦。降。生。圓。顛。方。趾。  
舉。衆。異。形。有。手。有。足。亦。妙。莫。名。熒。熒。吾。影。踽。踽。吾。行。舉。世。大。駭。疑。怪。疑。妖。亦。有。  
謂。我。產。於。上。霄。不。羽。不。毛。不。飛。不。跳。龍。章。糞。壤。百。口。曉。曉。用。是。羣。衆。張。拳。揮。刃。  
活。活。瘞。我。墓。門。千。仞。馬。面。牛。頭。凜。不。可。近。哀。哀。甯。子。丁。茲。奇。運。嗚。呼。噫。嘻。夢。夢。  
上。天。星。球。大。小。其。扁。其。圓。品。物。附。麗。焉。知。幾。千。我。獨。何。辜。坤。輿。僕。緣。胡。不。自。後。

胡不自先鳴呼噫嘻地之龐洪縱橫其里豎亥難窮鳥飛魚躍海闊天空吾其  
恫夫奚足莫容我聞鑛物如恆河沙重疊亘邈地角天涯胡不化身倫與爲佳  
絕德棄智是耶非耶我聞草木盤根錯節夕飲其露朝萌以蘂華者實者樂天  
則哲吾將與子載生載滅我聞鳥獸蕃於有北封狐千里鷓鴣如蝨爾吞我併  
弱肉強食世界相續曷其有極胡地能載胡天不極如是我聞陽九爲厄漫漫  
長夜奄奄魂魄吁氣爲霧吐血成珀我瞻四方如何可適迺安斯寢迺枕斯崗  
銷聲歛迹潛德幽光風鳴不已雨雪其滂今日之日一年既將人亦有言不如  
及時呼形對影爲奠一卮異類乞靈不其餒而眞吾不昧尙其鑒茲

蘿庵文選

鄭澤原名兆體字叔瀛又字叔容號蘿庵湖南長沙人邃於漢魏六朝人集  
又嘗私淑王壬秋著有蘿庵遺稿民國九年卒年三十有九余不識叔容嘗  
從屯艮處得其梗概瀟湘多才信然今錄文十二首

與傅鈍根書

君劍我兄鑒。弟于陰歷閏月奉母率媿旋里避暑。束裝時曾已函告。倘塵青睞。自後招涼綠陰。飲露碧蕉。佔蕭選吟。周秦無俚。則捕雀釣魚。說鬼傳食。笑周宣之憚暑。同野老之忘年。此中恬嬉。豈竟遜兄。今月初四。挈媿來省。炎囂頓增。蘊降莫名。以思我兄。又若霄壤。所急待告慰者。則一年之宏願。十人之跂望。七日之締搆。乃得文一篇。而所謂一生所僅得千年之鉅製。報良朋之厚誼。施竹帛而無愧者。亦惟此文一篇。茲特奉陳。所有尊命和詩。因失血六七日。去疏散矣。失血症今愈。惟我心憚暑氣。息懨懨耳。

與柳亞子書

亞子足下。曩者鈍安詭公。叵深景慕。逮入南社。獲誦鉅製。彌殷豔羨。自後以旨趣之符。兼締結之雅。躡扶風。豪俠之景。歌旗亭。楊柳之詞。冥契已習。不面而睺。楚水吳山。神魂往來。展如之人。想其情素。頃惠玉音。兼奉社集六卷。及蛻安詩。

詞兩卷。以所居僻在南郭。而郵遞乃北城戚家。又旋里避暑。襄羊五旬。展轉遲延。今始收入。久未奉覆。倘見鑒原。僕以蕉萃之軀。履荼蓼之域。髻年枕古。弱冠吹簫。生本無華。長尤落殖。加以藥爐經卷。摩詰生涯。權火譙樓。裴郎迤境。而欲躋風雅之列。樹騷壇之幟。附海上之英彥。綿遂古之國華。不其慙歟。故自入社以來。四載於茲。曾未逕寄詩文。致污衡鑑。徒以鈍安過譽。強錄奉呈。而足下亦并蓄兼收。不嫌敗鼓。率付剞劂。全與刊行。以箏琶而混韶武。以蕭艾而雜芎藭。偶一披尋。徒增愧赧。客冬之杪。降戾爰茲。焦桐無聲。小雅知裨。方當磨奚斯之什。治越石之文。辭不能工。遂同絕響。暑假在里。閒居無營。曾作二文。錄塵清盼。又曩贈陳君佩忍詩。以屬良會。亦以奉正。神邇迹遐。不盡拳拳。跂候麟鴻。倘令登然。秋涼襲裾。伏維珍重。鄭澤頓首。

湖南民變紀略

清宣統二年春。長沙以弛米禁。漸不給。紳寮具言於巡撫岑春煊。請停官輸入。

鄂並禁奸商私運。春莫猶以倭商方採多米。運畢須二十一日。請緩禁期。許之。由是奸商及時漁利。未旬日。輸出可二十餘萬。三月。城米驟漲。至石八千餘錢。湖南素稱饒渥。常湘軍之起。內給兵餉。外濟鄰省。米價猶不啻此。且貧民傭贖。薄於他省。日數十錢。惟恃穀賤。得以事畜無缺。今米既翔踊。始皇皇不安矣。屬城南有貧婦。夫病子幼。賴行乞以活。一日得錢數十。往肆易米。肆以錢惡不之售。婦曰。夫與子已數日不食。茲亦弗敢較值。惟求以此錢得數勺。貰死可乎。肆又不許。乃慘然出投於池。其夫聞。念不得活。亦率子女。葡萄溺死。隣人傷之。咸言其家喪亡。由米肆居奇。則往肆詬詈。肆遽以劫掠聞。巡警道賴承裕。承裕入白。春莫憤然曰。民至不法。乃敢行劫城廂。果爾。卽誅數人。以警後。承裕聞命。則馳城南究治。時衆方紛拏。承裕至。述春莫言曰。天然臺茶一甌。須百錢。汝等猶飲之。今米升錢未百。卽不安其處。亦顧首領否乎。天然臺者。長沙名酒樓。供靡價重。貧者莫敢望焉。飢民聞承裕言。悲曰。我等惟懲米肆。顧卽盜耶。且居恆一。

餐不飽甯與諸富貴人履天然臺耶今飢死受誣亦死等死曷與稍中冤憤死乎乃粹承裕至櫓樹下批其頰而數之曰汝平時罔恤民瘼今又欲以無辜誅我等且汝從何所見我等酣遊酒樓而以此相詰責於是承裕騶從悉避匿莫知計所出一僕乃僞爲飢民者前言曰是宜執見巡撫劾罷其職卽挾承裕出間道避入臬司署而飢民尾承裕者數十人則徑來撫轅咸以平糶爲請春莫者父毓英兄春萱累官均至兼圻旣以世家子膺疆寄生長梁繡未達民隱撫湘數年恆屏人深處與術士譚休咎前年瀏陽兵起惶恐無措署前後悉以常備軍自衛人皆笑之今聞承裕被毆飢民數十人譁署前大懼時已昏乃民衛隊列燧而陣冀拒却之撫署爲城適中地往來如織觀者漸集至千人春莫愈懼更調常備軍入城人聞軍至車聲隆隆驚視巨礮數尊也乃圍署大譁壞瓦撤屋曰撫軍將轟碎湘城矣此殃民者安能奉之天明遣諭猶莫退春莫怒鎗斃數人愈益憤燒衙署欲推戴藩使莊賡良而出春莫詰問之春莫勢迫率

媿屬微服。出避莠民。乘之焚學校。劫米肆燬。各國教堂商埠。城內外火光燭天。居民暨夷人。紛出避亂。鄉間訛言。城晝不啓。官吏盡戕。於是盜賊颺發。近者劫出城人。貲財遠者掠富戶錢穀。全省震動。長沙縣令余屏垣。素以賢能稱。見事急。曰。前此飢民不可殺。今亂民也。不殺禍奚止。斬焚掠者數人。城亂遽已。而益陽湘潭等處。蜚報復絡繹至。咸云匪踪來自長沙。焚掠尤甚。政府乃罷春莫。命楊文鼎撫湖南。捕匪徒興振務。月餘亂始定。

論曰。以封疆大臣。權勢過古諸侯。而竟爲數十飢民所困。至不得保其祿位。斯亦異矣。然使岑春莫稍通民隱。虛納羣言。去其剛愎。愚闇而豫籌。夫民食則前定。不困何至受惡名於湖南哉。此後夷人索賠款。攬利權。乘釁要挾。湖南多故矣。然退原禍首。春莫能辭其咎耶。

### 鄭玉堵傳

鄭玉堵。字山韞。長沙人也。幼孤廢讀。以勇力跌踢鄉里。人無敢忤。家財豐饒。奴



僅數十人。悉勒爲部伍。立旗志訓練。市井無賴爭歸之。所爲橫恣。會村人某疑鄰叟攘其鷺。以質玉堵。玉堵素善某。遽爲召叟至。列仗坐中庭。詰責不服。笞之數百。叟大恚恨。旣釋。攬旗去。將證其諸不法事於官。玉堵驚。馳家奴狙城東北門。要叟獲其旗。自是稍悟。更折節交歡。正人以賞爲江西萬載縣巡檢。萬載有劇盜。保聚山谷間。屢捕不獲。玉堵至。則自請平之。率家奴掩至山寨。羣盜方會食。卒出不息。皆失色。惟盜魁奮欲接戰。未及出。則遇玉堵。橫刀來。盜魁叱曰。吾寨主某也。何來投死。玉堵大怒。卽前格墮其刃。擒之出。擲地命左右縛之。復迅入搜餘賊。比至。杯盤狼籍。室空無人。唯庭柱大數抱。中微有聲。玉堵知餘賊氣餒。必匿此。冀免。乃悉召家奴入。命尤勇者梯探柱隙。盜窘甚。急躍刃傷奴。挽奴顛。玉堵以手拭其傷。血頓止。復命曰。上於是盜大驚。以爲神。出拜曰。吾等亡命數十年。未嘗遇勁敵如公者。今唯有束手就縛。唯公生死之。玉堵乃火山寨執羣賊歸報。以功擢知縣。當盜魁抵戰時。實悍甚。雖就縛。然玉堵亦嘔血數斗。用

是致疾。未及任事卒。玉堵清乾隆時人。

鄭澤曰。玉堵爲余疏屬。祧祖。聞家長述其事。未嘗不歎爲古任俠之流也。昔英布。吳。漢。李。勣。諸人。剽竊。椎埋。大千世禁。然其後。雲蒸。龍變。名垂。竹帛。功昭。旗常。以玉堵之不軌於法。猶未及。諸人甚也。使天假之年。其名聲勳烈。詎可量耶。昔周處以鄉曲無賴。一言感動。斬蛟射虎。効死西羌。若玉堵者。庶幾近之矣。

### 鄭先聲傳

鄭先聲字子瑞。長沙人也。自其先多以文學顯。而先聲獨倡明數術。年稍長。卽南游。甌。粵。望。海。潮。北。之。燕。觀。政。治。所。出。西。游。咸。陽。訪。扶。風。豪。俠。泛。江。漢。以。歸。于。是。天。下。多。故。滿。清。居。中。國。糝。政。日。集。乃。與。黃。興。陳。天。華。等。首。建。民。立。中。學。以。開。僊。野。明。種。族。居。頃。之。復。聯。黃。漢。同。盟。會。冀。感。召。漢。人。黃。興。既。東。徂。會。中。事。一。以。任。先。聲。先。聲。愈。擴。張。勢。力。然。其。時。滿。蹙。猶。熾。既。不。克。消。外。患。則。惟。悉。意。于。挫。民。氣。百。計。邏。察。事。遂。洩。乃。間。行。之。武。昌。復。奔。馳。長。江。上。下。遊。以。聯。聲。氣。值。法。蘭。西。

民黨來漢。詢中國革命事。先聲與語。激昂慷慨。法人大驚服。居無何。唐才常來。自長沙。與先聲謀發難。事敗。唐才常不屈死。先聲悲憤。必欲竟其志。乃毀家謀。繼之。然滿吏捕黨人。急狙入武昌獄。先聲任榜掠。默不語。用是讞久。不決。得釋。之皖江。徐錫麟之鎗斃恩撫也。先聲與其事。皖城既大索。遂被逮。然其時初抵安慶。跡未昭著。旋出獄。之中江。居傅熊湘諸人所建報社。每酒闌。道國家事。意忽忽。不自得。慘悽悲懷。社中故皆黨人。資助之。勸令東游日本。既抵日。讀書弘文學校。與諸同志結敢死黨。欲卽偕劉揆一歸國。倡東南起義。同志固壯其志。然終以待時機尼之。先是先聲居中時。嘗北游天津。邏者察其有異。知且復還海上。則電江督端方。得其迹。捕治之。端方乃購其頭千金。不得。復購之五千金。湘人朱士奇。故匪首。先聲曾諭以大義。令助起事。至是。涎重賞。且知先聲必信。其以故舊故。乃往誘歸國。獻端方窮治之。未幾。朱士奇死。而先聲終以無獄詞。乃長繫。清宣統三年秋八月。卒江甯獄中。距入獄四年也。中華民國元年春。天

下既大定。黃輿爲陸軍部長。乃請大總統孫文。以端方江甯故宅建烈士祠。祀先聲并楊卓林吳懋熊成基楊守仁陳天華五人。復電告湘都督譚延闓。祀之湖南烈士祠。且卹其家。妻湯氏能倡明女教。聞先聲卒。則馳江甯以櫬歸。女業恆嘗慕緹縈事。往請端方釋其父無子。以兒子嗣。

論曰。知死必勇。當鄭先聲之崎嶇于武昌安慶間。曷嘗不知獄吏之尊也。然終不以刑酷挫其志。百死無悔。卒成仁于國土間。非毅然古烈丈夫耶。

### 黃驥傳

黃驥。字再生。亦字鋤異。萍鄉人也。幼能績學。穎悟過人。歲丙午。入萍鄉中校。念時事益急。而滿清專橫。乃投筆入徵兵隊。招同志居其間。究改革事。然言論激烈。媒孽者日衆。上官羈之嚴。驥以不能有所發舒。且同志諸將。或他調。或以黨禍去官。乃間行走岳攸瀏醴。倡共起義。清宣統二年春二月。爲邏者所悉。逮入萍獄。萍令楊焜素慘酷。答掠備至。遂遇害。臨刑時賦絕命詩數章。詞意激昂。今

尚存。

論曰。余嘗聞黃驥。幼時每讀史。至忠烈事。淚涔涔也。終以忠烈死。非求仁有素耶。

### 黃蘭亭傳

黃蘭亭。字險雄。楚人也。幼好學。喜任俠。奉母至孝。嘗偕陳天華遊學日本。入士官學校。與吳樾善。光復會僉稱其能。舉歸國。謀光復。乃聯南洋羣島諸同志。浮海而歸。至江甯。統領楊金龍。令管帶護軍前營。遂說以首建練兵學堂。而以強種族。主持其教。復聯東部同盟會。倡東南起義。聞載澤等出使考察憲政。且出都。則辭管帶職。偕吳樾馳天津驛道。擲炸彈。事洩。吳樾被獲。蘭亭乃復歸江甯。悲憤幾死。屬王漢來寧。以金陵形勝。足以基光復。乃推舉蘭亭任東部軍械。蘭亭既被舉。益思有所發舒。與光復黨徧置秘密藥庫。以待用。復僞充新兵諸營器械官。潛令諸營獨立。事爲江督周馥所聞。遣兵入庫。獲炸藥二百餘囊。囊可

三百斤。王漢以事洩。勸令逃。無俱死。且留有用。蘭亭慨然曰。君固義俠。然余何忍苟活。令君獨死。遂毅然出首。不自諱獄。既具。且行刑。其二子跪持衣。不令前。蘭亭瞑目曰。我爲國死。無憾。汝孝事而母。悲奚爲。遂以乙巳冬十二月死。東市。論曰。黃蘭亭之死。江寧而不死。天津也。蓋知天津之役。必與吳樾駢戮。無益。非若江寧之猶可脫。友朋于難也。以視惟知以一死塞責。及全軀保妻子之徒。其義烈爲何如哉。

### 唐煦傳

唐煦。又名治烜。字柘莊。永洲零陵人。幼侍其父。讀書湘水校經堂。習公羊家言。旋入廣益中校。復之滬。入留美預校南洋公學。兄弟三人。俱憤滿清專橫。久蓄革命志。武漢義起。幡然南旋。遺書昆季同學。謂生無所樂。死亦非苦。義不苟生。理無虛死。遂偕唐吉。簾周岐。赴燕圖擲炸彈事。洩死年二十三。妻楊氏無子。有女二。

論曰。烈士之死。不亦哀哉。當湘中舉義。一時景附。雲集者。方亟。亟謀建設。而烈士意氣奮發。以大敵未滅。欲身先天下。卒捐命虜穴。矢志不悔。蓋其所懷抱者。素也。雖其事不終。然足以興百世矣。

### 傅公愼吾墓表

公諱儒懋。字登敬。號愼吾。醴陵嶗山人也。其先世曰源公。以明初來自豐城。十人傳暨忠菴公。諱端廷。賤糶振饑。門旌敦善。子治卿公。諱正家。卓然儒素。見欽里閭。子藹堂公。諱宗淑。繼迪前光。昭茲來許。其中子則愼吾公也。公生而岐嶷。性純孝。母李太君。艱于動作。手足不仁。公則左右扶掖。以時進食。廁踰褻服。恆親漱濯。屏絕外館。勤侍卅年。蘭陔白華。諒符詩旨。若夫信道之篤。植躬之端。器量之宏。深資性之恬澹。穆穆焉淵淵焉。維忍維讓。靡忿靡欲。其綴學也。斥華務實。極深。肇幾綿聖經之埃。滅弘王風之已。微襄羊乎禮樂之場。干傑乎藝術之藪。屬在清季。帖括求材。公任起衰。騷除卑靡。用是鑿柄不入。連困有司。翮棲衡。

門。閑。心。靜。處。闡。繹。丘。索。詔。彼。後。進。善。誘。能。教。卒。祛。厥。弊。至。于。家。法。之。繩。飭。庭。訓。之。殷。嚴。不。聞。謫。謫。惟。聆。誦。人。或。謂。公。學。不。醫。貧。盍。事。他。業。縱。曰。幅。利。猶。少。候。時。公。謂。讀。書。所。以。立。行。我。生。視。爲。至。樂。若。以。窮。約。輟。業。何。有。厚。顏。其。人。乃。躬。撥。薪。蔬。勤。督。佔。畢。惡。言。卑。行。用。爲。大。戒。倫。紀。道。德。時。勉。後。人。他。如。追。遠。祀。先。敬。宗。收。族。明。倫。立。教。解。紛。釋。糾。子。弟。之。率。以。謹。繁。衍。之。支。維。輯。推。而。睦。媯。敬。梓。安。老。懷。少。善。人。之。善。急。人。之。急。正。詞。直。道。閑。邪。牖。愚。俾。夫。需。役。之。倫。瞻。明。之。屬。覩。丰。標。而。景。附。聆。名。聲。而。響。和。及。當。屬。續。婦。孺。悽。愴。千。里。緋。謳。比。鄰。頌。德。咸。相。勸。勉。守。教。毋。衰。粵。以。清。宣。統。二。年。庚。戌。二。月。十。三。日。亥。時。高。朗。令。終。計。生。于。道。光。十。年。辛。卯。十。月。十。九。日。丑。時。享。壽。七。十。有。九。齒。躋。大。董。允。爲。耆。儒。烏。呼。難。矣。配。程。太。君。生。有。懿。德。先。卒。子。潤。菱。先。生。名。道。康。儒。行。藹。然。創。興。族。學。繼。志。述。事。無。忝。所。生。孫。文。渠。名。熊。湘。夙。厚。于。澤。英。材。特。行。邁。越。時。流。自。齟。若。冠。由。入。學。暨。知。名。以。養。以。教。惟。公。恩。德。迄。今。追。述。涕。猶。泫。泫。所。爲。詩。文。半。寄。哀。慕。爰。以。其。年。九。月。



十。日。葬。公。于。東。鄉。瀉。山。望。仙。橋。獅。形。嶺。之。原。重。以。潛。幽。莫。彰。荒。翳。斯。懼。先。德。所。在。厥。須。敷。揚。今。其。如。何。敢。闕。斯。禮。既。越。五。載。重。表。原。道。用。杼。罔。極。兼。勵。來。茲。餘。具。公。門。人。黃。君。鈞。所。撰。志。銘。民。國。四。年。秋。日。長。沙。鄭。澤。述。

### 劉節母墓志銘

節。母。醴。陵。黃。氏。父。忠。燮。公。自。號。洞。井。處。士。以。介。特。聞。於。時。節。母。幼。習。庭。訓。律。身。大。義。年。十。五。歸。劉。公。謙。臣。公。諱。振。祥。清。登。仕。郎。機。杼。詩。書。翕。然。雅。素。宜。爾。室。家。嚴。於。尊。章。婦。職。虔。修。孝。行。維。篤。姑。既。早。歿。家。政。獨。操。內。外。亭。營。悉。飫。人。意。年。未。三。十。遽。睽。所。天。有。子。曰。驥。時。甫。八。歲。以。荼。蓼。之。遇。堅。冰。蘖。之。操。存。惇。嫠。之。身。勤。嫠。媿。之。爲。用。俾。孤。兒。嶄。然。成。立。結。客。湘。楚。豪。俠。罕。儔。澤。友。傅。子。熊。湘。以。文。忌。於。袁。氏。謀。者。四。出。人。敢。無。留。驥。獨。匿。之。終。踰。絕。險。友。朋。交。讚。義。問。宣。昭。接。厥。由。來。時。維。節。母。蓋。詒。謀。之。既。哲。斯。錫。類。之。允。臧。觀。其。協。於。先。後。和。於。戚。鄰。撫。從。女。若。已。出。遇。諸。子。以。恩。惠。藥。餌。醫。疾。泉。幣。賙。貧。流。慈。博。施。處。約。若。厚。其。視。徒。潔。其。身。

固猶隘也。清光緒三十四年。邑人聞諸有司。請旌於朝。有詔俞允。遂彰潛德。節母愈益。撫抑毫無矜容。地盈流謙。亶其然乎。丁巳秋。澤方與驪司權資江。遽聞病耗。驪卽馳歸。已無及矣。時九月某日也。計生於清某年某月某日。享壽若干。粵以某年某月某日。葬於某山之陽。首某趾某宜也。銘曰。

松耶。栢耶。蔚馬。鬣耶。其葉蒼蒼。舒節烈耶。夙其渺兮。以永奠茲。慈魄耶。

### 祭大漢諸烈士文

維中華民國元年春。湘都督譚公。既奉參謀總長兼陸軍部長黃公電示。乃改亡清曾國藩專祠爲大漢烈士祠。且以三月十三日。開始祭大會。同人等例得陪祭。敬爲文以告諸烈士之靈曰。

夫何羣雄之蔚起兮。惟遺芳之滿堂。悵英風之不可接兮。乃敝瓦而云亡。沅湘鳴咽以東流兮。悲賢豪之淘盡於汪洋。獨蕙楊與荃璧兮。爛昭昭而未央。當胡塵之障天兮。翳炎精其不輝。既萎媵而選粟兮。復割榮而擅威。列強排迨。旅距。

以紛乘兮。緊獨蜷伏。蟻屈而無以措。其危務鋤。豪桀以維安兮。樹豐隆之黨碑。  
惟諸烈士之振厲兮。蹈百死而靡辭。哀皇圖之廩廩兮。敢決然而棄之。物深潛。  
其嫵妍兮。忍舖糟泥。澀以終世。張垂天之翼以高飛兮。嗤槍榆之不至。或憤言。  
讜論以振聾兮。或橋箭累弦之是繼。嗟天道之難憑兮。乘潮流而未濟。朔風噫。  
而畏佳兮。復隼鷹之有吏。閹轢摧折而翦手兮。爲蘭國而滋戾。刀鋸嘉石其橫。  
施兮。盡黃鐘於毀棄。素功汨而不揚兮。武威奮而熊熊。張錐荆劍以狙擊兮。躡。  
石渠答而摧鋒。或免胃而授命兮。或鉞交而洞胸。維刷恥與捷。薤兮。血星星其。  
飛紅。靈魂渺其何歸兮。粵維。夏古之黃農。羌求仁而得仁兮。詎怫。惰於幽宮。惟。  
盟好之哀感兮。將終古而無已。涕潺湲以萑蘭兮。徵宋些與楚。只招毅魄之歸。  
來兮。修宗布之崇祀。去蠹趨之故鬼兮。妥民正之新主。更芳椒以爲壇兮。易辛。  
夷以構宇。彼曾氏之助虐兮。固歆禋祀於東胡。維民國之巍巍兮。乃羣英冒死。  
而成之。茲旣廟貌之更新兮。彼斯崇祀之忽。諸綿鬼雄之血食兮。咸干僚而遲。

遲。諄。曰。來。兮。止。兮。毋。愁。予。兮。安。兮。享。兮。靈。風。爽。兮。天。關。豁。兮。地。軸。堅。報。功。崇。德。  
兮。馨。香。延。陳。蕙。殺。兮。蘭。藉。肆。玉。几。兮。瓊。筵。吹。參。差。兮。拊。鼓。蹇。將。愴。兮。連。蜷。身。縱。  
殄。兮。魂。愉。人。雖。往。兮。國。綿。君。欣。欣。兮。樂。只。靈。皇。兮。萬。年。

祭宋先生文

維。民。國。二。年。四。月。三。日。長。沙。日。報。同。人。謹。祭。于。鈍。初。先。生。之。靈。曰。胡。塹。黷。之。茫。  
茫。兮。俾。邦。瘁。而。人。亡。縱。高。名。之。有。麗。兮。逢。斯。世。之。佞。攘。惟。木。妖。與。禽。夔。兮。偏。鉗。  
忌。于。賢。良。荃。不。周。于。今。之。人。兮。傳。狂。刃。而。譁。張。蝮。蛇。秦。秦。而。蠹。手。兮。豺。狼。僇。僇。  
以。俚。俚。豈。胥。人。之。去。幾。兮。致。芳。蓀。之。櫟。絕。而。不。長。抑。黨。人。之。不。亮。兮。思。割。榮。索。  
賴。于。堂。皇。紛。非。俊。而。疑。桀。兮。任。鬼。蜮。之。橫。行。爲。參。懷。而。闌。國。兮。森。荆。棘。于。由。庚。  
哀。皇。圖。之。廩。廩。兮。侯。卬。木。之。無。榮。嗟。苦。先。生。兮。獨。罹。此。殃。天。地。爲。之。稠。敷。兮。日。  
月。爲。之。晦。冥。血。星。星。其。飛。紅。兮。色。萬。衆。之。肺。腸。令。魁。壘。之。賢。豪。兮。咸。創。艾。于。金。  
傷。嫖。妍。憫。慄。以。選。奕。兮。閭。轢。蹂。若。而。回。惶。慙。悽。增。歎。其。無。已。兮。涕。泣。瓦。蘭。而。滿。

匡念伊人之不世兮。悲天道之難憑。既善戢茲新邦兮。復排迕而經營。羌心儀于共和兮。冀免國是之墮。螭衆夔然而蔽之兮。昏不察其芳情。乃懲薊而含沙兮。羣積矢于先生。竟譏詞而隕命兮。飛慘禍于滬江。願仇人之有在兮。耿吾劍之虹光。飲其頭以爲器兮。抒舉國之哀愴。茲臨風以遙哭兮。奠桂醕與椒漿。倘精靈之英英兮。翩蘭旌其來降。諱曰魂歸來兮。返桃源些。天地四方多賊。姦些去茲濁世而還。彼洞天些。洞天之中紛衆仙些。飢餐紫芝。渴飲泉些。蘄惟避秦母避喧些。偶然遊戲來人間些。壽我國民萬萬年些。魂兮魂兮。以長安些。嗚呼哀哉。尙饗。

### 鈍庵文選

傅熊湘原名專字君劍號鈍根別號鈍庵嗣改今名又因與時人同號乃去偏旁號屯艮湖南醴陵人與太一爲摯友其學與之相似性喜游嘗與余及吹萬游無錫鎮江每至一處詩輒先成余與吹萬和之成帙今所刊京錫游

草是也。民國七八年之間，寓居上海，與余輩結鷗社。極一時文酒之盛。別來又二年餘矣。世變愈急，其激昂忼慨之氣，鬱之深者，發爲文章，必更奇蔚而可觀也。今錄四十六首。

送春賦 慟永逝也

登高樓兮。送春渺烟樹兮。愁人忍天涯兮。極目悵獨往兮。傷神三月春歸何處去。欲問春兮。春不語。啼鳥聲聲空復情。飛花片片誰爲主。蕩一帶之青山。亂滿天之紅雨。客子途長。思歸渺茫。燕剪愁而不斷。鶯織恨以逾忙。痛素幃兮。遠隔空掩泣。以相望。悲莫悲兮。生別去。復去兮。恩絕。豈春去兮。猶歸。遂人亡兮。永訣。慘桃李兮。無言。訝杜鵑之啼血。謂精靈兮。可招。何流水兮。悲咽。天上人間。相思路單。叩九閭。其未許。思一見而終難。何處分甘之座。誰家游射之山。春與人兮。共杳雲與鶴兮。空還已矣哉。春花放盡。春草肥。春陰纒霽。又春歸。紅愁綠黯。何時歇。辜負春來三月暉。感流光而作賦。紛涕泣以霑衣。

芝賦 有序

宅後有芝。采自兒僮。適長男晬日。客以爲瑞。酒半請賦。主人揚鱣而先。其辭曰。章龍之陰。崑山之岑。爰產神芝。式昭德音。爾其負秀。挺生鍾靈。間出非等。春華亦殊。秋實誕降。嘉種不系。夫秬鬻樹之楚。丘匪同乎榛栗。若乃無根自植。含榮不葩。滋承夕露。豔奪朝霞。長松覆蔭。豐草參差。處荒蕪而何損。薦庭宇而弗加。信乎芳蘭並茂。玉樹齊榮。旣見珍于三秀。乃表靈于九莖。漢廷諏其瑞。仙子掇其英。笑陋質于蕭艾。媿芳意于杜蘅。

高山鶴棲序

劉子之所居曰鐵高山。在醴陵之東。爾雅釋山。銳而高。嶠。郭注。言鐵峻。鐵高山者。其山嶠也。因自號其居曰高山鶴棲。復賦近勝爲十詩。其間若大屏三獅諸山。皆奇秀。特出遊者慕焉。宜劉子之綴爲己有也。余惟耽山水者。其所裒必與俗殊。蒙莊逃于空虛。其爲言曰。至人無己。神人無功。聖人無名。故萬物可齊。而

死生可一也。南溟可圖。而塗中可曳也。故國舊都。望之暢然。山林皋壤。怡然而樂。是莊之旨也。然則好言山水者。其亦九流之別子歟。劉子其言儒。其氣靡。其爲人淡泊有守。無所迫于世。嘗試與余躋霜華。登石筍。下視川原。繇麗萬里。澹然相對。若不知日之將夕也。詩曰。鶴鳴于九皋。聲聞于天。易曰。鳴鶴在陰。其子和之。劉子之得于山水也。旣深而又能切磋。以道其學。異日吾游有暇。將更與窮鶴。嶠之顛。而共招胎仙于雲表也。輒因其屬而爲之言。

### 明史演義序

讀晉唐以下之史。不如其好讀史。漢三國。讀三國志。又不如其好讀三國演義。蓋史漢三國以文高。而演義以通俗勝。正史稗說。事不相類。各擅其長。而以之行遠則一。吾嘗爲學校教師矣。責生徒誦全史。漢以前事能熟其十七八。唐以前事能熟其十四五。而于元明近世。反味味焉。在若存若亡之間。二十年前。嘗隨例應湖南鄉試。有題論三國人才優劣。出語同場。方以默誦三國志爲苦。及



闡卷出。則中式者多據三國演義。其事至有爲陳志所無者。主司不能察也。雖然馬班遠矣。後世未易繼作。揆之今日文降益下。作亦無人能讀。世變愈亟。則凡夫世愈近之。史愈爲民生所欲知。而其時史氏之書。旣不能見。重于士林。復不能通行于羣類。欲求一浸潤夫耳目。與人以優柔饜飫之機者。其惟取正史集稗說以成演義乎。社友胡子季塵。素恬淡沉默。於書無所不讀。又能深思而慎取之。屬有明史演義之作。命序于余。余雖未見其書。願以余平日之知胡子者推之。知其書成必有裨于今日之讀史者。宜也。余不能爲演義。固亦嘗有志于書。更十年二十年後。吾書旣成。當舉以示胡子。相與古今上下而一商榷之。胡子倘能遲我乎。則請以斯言券之可也。

李洞庭萬桑園詩序

往昔平江姚大慈盛倡爲宋律詩。其自序猥廁余詩於寧鄉程子大與衡陽謝霍晉巴陵李洞庭之列。時大慈於余與程素未相識。余雖知洞庭。顧未見大慈。

霍晉所爲詩也。子大年已六十。於余輩爲丈人行。曩從其壻江夏陳豪生識之。豪生詩格律與程略近。而才則過之。年與余輩相若也。旣見大慈。謂不如以陳易程。顧大慈見陳詩少。意未決也。會洞庭霍晉及大慈兄大願。先後集長沙。日夕與論詩。多所參證。大慈因擬選五人七言律詩爲一集。五人者。李謝二姚及余也。未幾。各以事行。其議遂罷。然余於李謝二姚間。尤喜洞庭之詩。以謂能運思于豪芒之中。而攝神于千里之外。出新語。狀近物。若無可欣而哀樂之衷。有自溢於言表者。其喜雨悼冰飲二詩。尤爲余平生所誦。每爲朋輩道之。吳悔丈獨賞其落日當筵紅可吞。殊未盡也。洞庭嘗習陸軍。卒侘僚不得志。乃盡棄其所學。而一寓于詩。推其勇往之忱。若將以終老者。而余且浮沉人海。舊學日荒。旣壯悔而不爲。爲之而又弗至。以視洞庭之克有以自樂。又一時矣。鏗而不舍。金石爲鏤。洞庭其由是以進夫道焉可也。豈獨詩乎哉。屬將刻其所作。因序友朋離合之迹。以書於首。

周芷畦游草序

社友周君芷畦以游草三卷介亞子索序于余。觀其言大抵非時士之所能言也。人之生也莫有以逆之必有以梏之逆之者天之所以待賢豪而梏之者天之所以懲淫慝也人第知去其所以爲逆而不知墮于天之所梏第知逆之足以爲患而不知梏之不足以爲福也嘗試論之有若莊周列禦寇之倫可謂善處夫逆者矣。驟觀之若近而易狎入其境習其俗優游乎其國乃知其道至博大而難知也是故衆人役役聖人愚若參萬歲而一成純彼知梏之將以損其天而審夫逆之足以得全故極夫消搖因乎曼衍以佚其志窮其年彼視夫天地之大猶旦莫之間也。詬厲之來猶斥鷃之笑也曰吾焉用若所以爲若者固止是邪於戲遠矣。芷畦之爲是書也蓋託夫詠歌而極夫遨遊者也其言也固非時士之所能言也。第觀其悲歌慷慨之際抑猶有激而未平鬱而未鬯者乎不然何其聲之哀以思也抑尤有言者。晚近士習卑靡競於奔逐域進域退蝨

居夫疏蠶牽蹠曲隈之間。自以爲安室利處。曾不崇朝。乃與所利者俱盡。是其所以利之者。適所以害之也。無他。枯之而已。觀芷畦所處。不可謂不逆。然其歌謠行國。寤言永歎。固有自得夫世俗之外者。甯特山川之助詞藻之華而已哉。芷畦其進矣。民國五年五月。鈍安居士傳專序于太山石室之環中。

### 變雅樓三十年詩徵序

昔在立。聖覽春秋之迹。因前王之緒。繼天有作。本教夫詩。蓋以明達乎事情。周知乎物類。洞矚乎幽隱。而旁通乎民志。詩之作也。其良史之資乎。夫關雎始風。清廟始頌。鹿鳴始小雅。文王始大雅。撥亂返正。而多士翕化。思進進善。而天下嚮風。成周之盛。慮乎備矣。王迹既熄。文武隊地。禮違其朔。則政流于侈。教忘其舊。則化失其醇。是以考槃矢志。寤歌風雨。以思君子出北門。而傷終。襄懷西歸。而詠好音。草野之憂思深。而風雅之正變異矣。故曰亂世無安樂之音。亡國多哀思之響。然則困者不能使樂。和者不能使哀。亦猶寒暑異。夫滄煥而四時以。

判胡越異。夫清濁而方語以殊也。詩之有世別。其史之有斷代。乎。夫物感既異。則情動有差。至人無遠情之言。上聖有立誠之信。是以中晚難同。全盛據亂。不襲昇平。魯由齊變。周非殷尙。亡清之季。政教益醜。降及光宣。遂成弩末。小雅盡廢。而夷侵國。微四維不張。而喪亡無日。由是識時之士。攄痛哭之忱。操筆之英。奮呼號之志。雖文獄婁構。而斯道彌光。匪第蔚爲詞林。兼可探其世變。念先民之有作。歎後生之何聞。欲文獻之足徵。在散亡之總集。顧裘須衆。腋而饌。攝羣珍。嘗試搜求。深知竭蹶。因爲胙錄。用備遺忘。終蔽稀聞。迄無成就。余友高子。近輯詩徵。綜卅年以來。摭一世之彥。旁求名集。博訪通人。去門戶之嫌。泯異同之辨。要以極夫雅變。歸諛民風。振大漢之天聲。拾寒瓊於幽草。使斯文有述。作者不磨。信自當今傳之來世。庶尋聲益廣。起廢可資。火傳有不盡之能。源導得朝宗之效。猶恐涉夫標榜。未厭羣流。或失精嚴。轉疵竿濫。故特詳加審擇。務應法言。書問山中。乞題簡末。余惟高子箸書之勤。與斯編繫世之大。知經天日月。亘

萬。古。而。彌。光。振。海。江。河。匯。百。川。而。不。廢。藏。之。名。山。副。在。國。史。宣。尼。既。沒。文。不。在。茲。高。子。觥。觥。勉。之。而。已。

廢雅樓說詩自序

往。歲。嘗。輯。丙。丁。戊。詩。爲。廢。雅。一。卷。於。時。傷。世。變。遭。憂。患。文。網。既。密。所。鬱。不。得。達。思。欲。以。雅。不。盡。廢。之。旨。蘄。諸。國。人。而。竊。比。於。鍾。儀。阮。籍。金。山。高。旭。題。之。所。謂。明。知。詞。賦。工。無。益。開。卷。移。情。淚。泫。然。者。也。迄。茲。數。歲。東。西。犇。竄。行。無。定。止。重。以。羸。病。益。自。頹。放。二。三。故。舊。時。與。更。迭。倡。和。鱗。鴻。往。來。且。以。喜。樂。藏。諸。篋。衍。出。必。攜。之。辛。亥。徂。秋。稅。駕。海。上。重。爲。輯。綴。號。曰。說。詩。自。茲。以。還。相。續。未。已。瓊。琚。玉。珮。斐。然。成。章。錄。以。備。忘。不。爲。無。取。其。或。上。稽。往。世。旁。及。聞。人。比。類。引。伸。逐。加。論。列。則。尙。友。之。事。也。夫。廢。非。嘉。錫。惟。余。自。芳。天。選。吾。形。縣。奚。以。解。吾。不。世。廢。世。且。廢。吾。世。不。吾。廢。天。且。廢。吾。吾。是。以。自。用。其。廢。樂。其。廢。語。亦。廢。也。默。亦。廢。也。動。亦。廢。也。定。亦。廢。也。嚮。之。蘄。諸。不。廢。者。今。且。廢。之。矣。故。仍。廢。雅。之。舊。以。名。吾。樓。也。醉。裏。清。

歌。渾。似。昔。燈。前。影。事。記。猶。新。是。則。廢。之。而。猶。有。不。廢。者。在。有。不。廢。者。在。乎。吾。請。撞。黃。鐘。揚。大。呂。登。屈。宋。之。堂。而。與。一。侑。觴。

鈍庵詩自序

少。耽。吟。詠。頗。事。篇章。長。慕。逍。遙。益。窮。曼。衍。楚。國。詞。宗。所。自。出。醴。陵。文。通。之。舊。封。不。少。美。人。香。草。之。懷。儘。多。春。水。綠。波。之。感。豈。謂。批。風。抹。月。足。當。刻。羽。引。商。亦。知。範。水。模。山。未。抵。回。腸。盪。氣。乃。少。陵。獨。生。天。寶。而。淵。明。慨。念。羲。農。傷。時。有。詞。述。酒。無。和。江。湖。飄。泊。嘆。行。路。之。多。艱。羈。縲。追。隨。蹙。四。方。兮。靡。聘。伍。胥。之。日。暮。途。遠。人。間。何。世。荆。軻。則。風。蕭。水。寒。壯。士。不。還。西。臺。朱。鳥。慟。哭。招。魂。之。歌。山。陽。鄰。笛。慷。慨。思。舊。之。賦。亦。既。涕。霑。胸。臆。憤。發。豪。翰。誓。白。水。以。盟。心。指。蒼。天。以。爲。正。云。何。可。遣。陰。氣。時。來。襲。人。無。以。爲。懷。朔。風。莫。謀。變。楚。小。雅。傷。夫。盡。廢。知。四。夷。之。交。侵。大。車。將。以。自。塵。思。百。憂。其。如。痲。蓋。自。甲。乙。以。還。膺。多。難。之。憂。辛。壬。而。後。極。猶。吾。之。嘆。綜。其。終。始。略。可。哀。分。用。託。簡。編。俾。存。歲。月。所。更。非。一。已。齊。光。武。之。年。壯。夫。不。爲。

猶媿子雲之悔。山中倦暝。聊復書之。

鈍庵詞自序

歲戊申。始習填詞。疏於律。不能細也。明年客長沙。時時過太一獄中。會無俚。則相與絕脛爲之。泛濫唐宋。而頗規稼軒。所作幾二百首。顧聲律未協。而麤放有加。當時猶不悟也。蓋知此道之難。自陳蛻盒一言起予。蛻盒之言曰。吾之於詞。但讀不作。然固心絕慕之也。於時蛻盒窮居。獨喜余小令圓溜。謂足忘老。因盡寫以獻。求其論定。蛻盒雖極服余。與爲之序。然余自是謹謹不敢率易從事矣。屢欲蠲除煩慮。獨據精意。卒牽人事。莫補蹉跎。由今視前。轉益悚汗。竄存十一。大半酒後耳熱。嗚嗚之歌。聊紀因緣。非可繩墨。定盒所謂氣體難躋作者。庭悔殺流傳遺下女者也。然幼安工力。晚在奇獮。庾信文章。成于旣老。倘天假之年。幸而不死。魯戈猶在。落日可回。此雖敲音乎。或亦他日願學之助乎。姑用爲白雲。自怡。敵帚自享而已。錄自己酉至壬子作。凡二卷。甲寅六月。



鈍庵詩詞後序

余既爲僂氏居山中。亞子以書見存。屬援龔定盦寫全集付吳虹生故事。爲他日名山之託。是時余始刪詩。未之先告也。審思此事。若有因緣。輒報書許之。不復辭讓。蓋亞子方約同人。搜輯太一蛻盦兩遺箸。爲之付刊。嘗寓書告余。謂人壽不可知。既悲逝者。行復自念。故知昔人汲汲顧影。是大善知識。于以知亞子之心。卽余之心。而亞子復有如前所云。其所以促余之刪詩也。益亟。雖然。詩不易言也。一代之間。爲之者。若牛毛。而傳者。如麟角。使謂詩必傳。而後爲也。則屬稿必屈。原出語必杜甫。不如是者。甯止不作。此不徒令人瘖欲死。卽詞宗仙聖。恐亦被人拳打脚踢。碎翻無餘地矣。詩以言志。又何以解于盍各之義乎。此余所以敢于爲詩。刪詩。且以應同好之求。而不自覆蓋也。抑亞子之所以徵余詩者。其指固將在是。借曰爲君詩。之可傳。而吾其傳之。則相倍遠矣。抑亞子者。今世工爲詩者也。其于詩上下古今。海涵地負。無妙不具。有勝必臻。世之人亦既

盡知之矣。此宜巨擘獨伸。俾倪一世。而顧嗜痂及余者。豈非以相好既深。愛而忘其惡邪。烏乎是足念矣。余嘗爲夢蘧言。能定吾文者。太一叔容。而愛吾文者。天梅蛻盒亞子。顧猶以爲私好之言。今而後益知其故矣。又刪詩之日。癡萍嘗以書來。屬寄就海上排印。余答書謝之。謂此爲速死計。聊以塞故人之望耳。苟不死者。則他日尙當更定。此意尤不可不使亞子知之。知之幸覆藏之也。若夫所謂發憤之所爲作。蓋猶有待。錄自壬寅至癸丑。凡爲詩十卷。詞二卷。都爲三十以前作。大愔具如序言。甲寅九月。

### 環中集序

余既居王仙歲有五月。暑假將屆。爰綜覈諸生年來所爲筆記詩文之屬。鈎稽而去取之。爲環社集若干卷。又條錄友朋贈答之有關於斯地者。並自作之爲環中者。別署而連屬之。都爲若干卷。合而名之曰環中集。凡以記山川風物之勝。聚散離合之情。藏修息游之常。風俗詠歌之雅。有當于古不悖乎今者也。邇

來世變可謂亟矣。士逐功利人驚進取。龍亢而不悔。乃儕於獸畜。妖言孔將。風愆並作。汨沒自性。迷誤本來。終至禍國病民而不顧。嗚呼。耗矣。君子是用懲焉。比年居此。生活於編簡。衣食於課督。覺於高天厚地中。著此閑身。殊不易致。江湖十載。僅乃得息。世亂雖紛。吾心自治。斐然狂簡。亦各有自適之趣。相與一筇一笠。一觴一咏。消搖于一邱一壑。間推野人負曝之歡。固自謂奇福也。則此編之集。雖未盡可以文理繩。然要不可無紀。若夫發憤之作。蛾術之編。體既各殊。非茲所及。詩曰。獨寐寤歌。又曰。嚶其鳴矣。比物此志。儻亦樂飢行國之君子所見許乎。丙辰夏五。鈍安序于太山石室之環中。

一昔詞序

一昔詞者。黃子夢蘧所作。而余實賭酒以促其成。爲之介者。則宋子痴萍也。時則漢臘初更。武戈作戢。湘江芳茵競長。瓊芽章臺青柳漸舒。金翠借燕支之顏。色粉飾太平會兒女之英雄。商量花政新醅。綠蠹開國務之場。小火紅爐占參。

議之席詞場。黃九播芳。豔於旗亭。東牆宋玉。工藻鑑於香國。紅豆是相思之子。薄言采之。白魚生比目之憐。亦既覲止。爾乃宏開選佛。妙擅拈花。此亦蒼生太傅。中年之感。誰知傾國佳人。絕世之姿。瘦者燕而肥者環。都歸掌故。華是琰而莒是琬。悉許日成在者。卿忍惜浮名而牧之。豈甘薄倖於有十詞之作。期諸一夕以揮欲探七步之才。遂注萬錢爲會斯亦文林之豔事。詞苑之華談。已無何魚櫟宵沈。雞籌唱曉。未妨擊鉢已叉手而先成。不似閉門笑撚鬚之盡斷春城。花信概付新裁。恨海情波紛羅短什。鸚鵡彌衡之賦。顛倒黃郎濛汜。張載之篇傳誇。傅尉用錫三誰之號。與三中三影而俱尊。爲標一昔之題。視昔僕昔君而並幻。此則黃金斗大不數。褒榮白日十頽未窮。歡會者矣。豪情既鬯。文讌屢開。高談轉清。幽賞未已。於是擘箋分贈。解佩留題。襟上酒痕盡成。錦句歛間。黛墨倩寫。回文菊影。梅魂誰定。蕭魁曹亞。簫心劍氣。恥爲島瘦。郊寒。汝南月旦之評。移作花間。衛尉正則風騷之句。權當幼婦中郎。伊可懷也不可。俛也。今者綺緣。

百一前書選  
盡懺孽障。全消飛絮。泥。瀾。逐。東。風。上。下。天。花。著。袂。願。憑。覺。海。湔。除。香。草。美。人。  
何。關。本。事。曉。風。殘。月。不。著。閒。情。卽。此。十。篇。之。存。固。已。一。絲。莫。絀。必。謂。不。作。無。益。  
何。以。遣。此。有。涯。笑。涪。翁。早。分。泥。犁。無。竅。老。僧。饒。舌。祇。揚。子。自。慚。篆。刻。終。恐。壯。夫。  
不。爲。輒。因。序。之。君。所。屬。也。甲。寅。八。月。

與柳亞子書

亞子足下。秋風厲後。羣芳零落。甯戚慘嬰。大儻諸人。復遘閔凶。靈均故字。已不  
可懷。芳草天涯。我憂曷極。網羅所至。魚鳥不遺。罪及鄙躬。天開文網。乃驅車林  
薄。維舟水滸。間關千里。往返數旬。憐豈有人。世皆欲殺。戰知非罪。天乃我亡。靜  
言思之。唾其笑矣。比復卜居於萬山之中。一茆捐妻子。棄友朋。塊然獨處。名其  
林曰繁霜。署其阿曰息影。字其居曰鷓借。文其臥曰夢甜。讀書灌園。長眠飽食。  
風梳露沐。木居豕游。於以臥歌。不關多憤。亦無所苦。因得偷閑。譬諸几案之勞。  
如出層霄而上。時亦對月促飲。御風逕行。酌松露以爲醪。引清泉而作供。紅葉

間。落。寒。山。着。花。白。雲。歸。遲。疏。林。滯。晚。風。振。衣。而。虎。嘯。月。滿。檻。而。鹿。啼。日。夕。所。經。  
神。思。爲。豁。求。似。人。者。不。見。悵。猶。往。兮。焉。窮。所。惜。佳。會。爲。虛。幽。咏。遂。廢。亦。以。孤。柱。  
不。響。絕。絃。難。張。耳。我。公。妙。才。際。多。嘉。契。樽。酒。倘。佯。翩。翩。裙。屐。豈。復。知。故。人。近。來。  
哀。樂。何。似。哉。吳。楚。遠。隔。會。見。末。由。聊。寄。郵。緘。以。發。千。里。一。笑。太。一。獄。中。詩。已。輯。  
得。二。十。五。首。合。屈。賦。之。數。網。密。不。可。印。奈。何。山。中。飽。藜。芋。栗。想。海。上。蟹。蚶。蝦。不。  
易。得。也。前。惠。書。久。始。到。陳。蛻。公。詩。在。弟。處。者。亦。不。易。檢。未。携。來。山。中。容。他。日。續。  
爲。之。也。有。詩。乞。見。寄。爲。要。夢。瞿。在。家。間。亦。相。見。海。上。諸。人。均。乞。致。意。

### 與胡寄塵書

寄塵足下。別日久。思日深。每於百籟俱寂。燈影徘徊中。未嘗不活畫寄塵。立吾  
前後。落月屋梁。猶疑顏色。昔人所稱。斯爲真境。未識吾寄塵之於故人。亦作是  
念。否。損書久弗報。今年以來。嘗覺病懶。又輯報之餘。罷勞倍昔。夜分畢業。已弛  
然臥。常負良友。不獨於寄塵然也。寄塵寄塵。人生斯世。能閱幾百寒暑。此皮囊

物者亦將廢而任之耳。吾人聚散不可期。苦樂且更迭。至殆佛所謂生之一苦。且弟多病。憚遠出。欲得如寄塵者。耐饑寒。忍嗤笑。相與居水涯山嶺。跣足行歌。以自樂。斯世或竟不能遂。如何如何。天下日壞。文武道喪。而吾寄塵尙與南社諸舊人。倡絕學於今日。又信吾寄塵之高出人也。南社林秋葉。葉中冷。曾孝毅。近見所作。極爲忻賞。惜不得把袂作十日飲。李君息霜。書法大佳。文美會不寂寞矣。夢蘧與同處。尙有鄭叔容。龔醉庵。皆社中人。惜公未識面耳。見亞子望爲致意。另簡並乞與之。楚儉尙在申否。鷓鷯何名。均希復及。餘不罄。

### 吳先生祠堂記

自王侯以下。至于士庶。皆得祠。其勢位烜赫。名聲震駭者。祠且遍于各省。然未幾。則楹桷撤焉。楣署易焉。犧牲玉帛。冥乎息焉。惟一二懷奇獨行之士。幽其孤芳。寄人思慕。方且尸視百世。而未有極也。夫道在一時者。其澤僅及于一時。道在天下後世者。其澤及于天下後世。君也。相也。皆所用以濟一時者也。時易則

竭師儒也。聖賢也。蹇于時而豐于後。遯世而不見。曲成而不遺。其視當世爲何如也。先生生當兵革之交。績學有文。挾其闕議偉識。足以取爵位。致通顯。當世達官貴人。亦旣辟而舉之矣。先生乃老遯窮荒。不易所學。舉世刼刼漠然于己。若無與抽其餘蘊。箸書滿家。教成于庠序。而名稱于沒世。曩時公卿多福壽者。世不再移。而名與身滅。閔然無聞。吁何寔也。蓋道有橫豎。功有久暫。橫且暫者。達官貴人爲之。豎且久者。惟先生獨有也。子曰。歲寒然後知松柏之後彫。故曰。以予觀于夫子。賢于堯舜遠矣。先生有舊廬在石筍山之麓。曰石筍山房者。海內名流所習聞而熟見者也。先生旣沒。後人因爲祠以祀先生。臧以遺書。世守無或替也。祭以遺田。雖貧無或鬻也。歲時有職事。無或偶疏而苟怠也。蓋以先生之賢。其後人相率皆勉于賢。抑所以崇祀先生者。非直其後人已也。先聖之庶鄉賢之祠。以逮所官郡邑。名宦之寢。芳馨椒飴。俎豆莘莘。且將終古無絕也。以視夫當世報功之祀。盈都敕建之祠。通國不世而斬。粲而弗蟬者。庸可同日。



語哉。先生沒後六年。余在王仙親往拜其祠墓。攝齋登堂。如覩先生之容。如聞先生之音。讀其遺書。慨然相見。質經問字。時樂先生之口講而指畫也。雞鳴風雨之思。其能已乎。因爲詩遺其後。俾歌以祀焉。其辭曰。

筍嶠兮。崔嵬鬱雲雨兮。旁施惟先生之弘道。揭日月而中之。緝秋蘭兮。延佇挹芳菲兮。故宇酌淥爲漿兮。醴泉爲潛。先生來兮。雲馳杖扶老兮。竹三歧登堂兮。蒞止醮六經兮。蒞百氏目炯察兮。神恬誕我祀兮。有翼有嚴。明明兮。皇祖孝孫兮。多祜遺澤兮。滿楹照明月兮。千古山之房兮。軸以適。眄雪峯兮。籟坡攬裴尉之遺笏。想聯袂而行歌者。旣嘉兮。酒旣旨。俾公尸兮。燕喜明德兮。是歆長嬪代兮。無已。

王仙學舍記

昔王通教授河汾。修六藝之術。明王佐之道。卒得房。杜。魏。李之徒。相與講明。其學輔唐開國。致之太平。揚雄作太玄。法言上契聖人。度越諸子。而當時惟桓譚。

重。其。書。侯。巴。受。其。說。閤。漢。至。今。立。終。不。顯。其。箸。書。之。勤。一。也。知。與。不。知。用。與。不。用。蓋。亦。有。幸。不。幸。焉。余。自。揆。無。所。需。于。世。既。益。自。放。迺。思。所。以。究。古。人。之。業。守。先。王。之。道。通。之。于。天。下。傳。之。于。後。世。以。竭。吾。才。齷。齷。家。居。未。之。或。暇。今。年。春。重。來。王。仙。仍。故。剏。小。學。地。潘。氏。之。屋。而。舍。焉。率。生。徒。十。人。重。理。舊。文。博。探。經。論。春。暄。氣。暖。聊。與。儔。侪。不。知。其。日。之。遠。也。夫。學。敝。至。今。極。矣。上。焉。者。號。能。習。夷。言。通。洋。務。挾。其。說。以。干。當。世。取。儋。石。之。祿。下。焉。者。徒。事。紛。逐。白。首。不。能。具。一。長。卒。之。政。與。時。衰。瞻。彼。景。山。曾。無。寸。材。可。供。方。斲。者。子。曰。鳳。鳥。不。至。河。不。出。圖。吾。已。矣。夫。蓋。傷。之。也。余。之。學。不。敢。自。謂。有。得。質。諸。當。世。亦。莫。肯。爲。我。用。用。我。者。其。惟。文。王。乎。則。又。易。代。而。不。數。覲。也。吾。之。徒。方。日。以。學。文。爲。事。幸。通。吾。意。者。將。不。乏。人。吾。方。坐。斗。室。指。天。畫。地。炙。輶。雕。龍。落。筆。搖。嵩。衡。歌。聲。出。金。石。繼。是。而。往。吾。其。終。老。是。邱。歟。未。可。知。也。王。仙。者。舊。傳。仙。人。王。子。喬。栖。真。之。地。有。三。獅。洞。甚。深。入。才。數。百。步。有。水。塞。途。世。所。傳。石。牀。石。几。杵。臼。之。物。在。水。北。游。者。莫。能。窮。漢。志。所。謂。

太山石室也。其上羣山際天。若怒馬驚濤之相出于道。望之奕然在舍南。若屏障遠立而吾家章龍諸峯逶迤連綿自北而至首尾橫亘幾二百里。則以爲斯舍枕焉。有友曰劉謙旬日一來相與說詩論文賞奇析疑欣欣然引爲大快。間及十年前腰襖繫絡鞵率數十百小學生徒演戰舍左之虎溪山大呼馳下時則又拍掌大笑傾觥滿酌忘其爲去日事。酒狂旣發輒道所懷擾攘中猶有同調歟。則所擁慧清塵望之者也。

游章龍記

醴陵東北諸山綿亘其得名而首出者爲章龍旣廣且高環其下三十里居者皆曰章龍面我莫得而定所向也。自其麓以躋絕頂可十二三里羊腸曲折愈上途愈艱游者罕至。余夙親是山相去又邇逮今乃十四年而一至焉。山自吾家上有二道左曰小阜右曰張果阜土俗謂水激流曰阜以當草斗字謂如激阜以染也。小阜居兩峯間有田屋山泉瀑石而下高可二十丈右阜巨石爲岸。

上有趾踵及股脛坐痕甚深。異斧鑿所爲。度其人可四五丈。世傳仙人張果。濯足于此。故名。余從小阜上。天熱解衣盤薄。憩半山亭。峻阪修竹萬竿。亭左右雙楓十圍。覆若夏屋。自是而往。山漸深。林漸密。古木雜立。落蔓斑駁。擁裂山石。若鬼彪列。仗風動影。迫森然欲攫人。時亦于老蒼中出嫩綠。新枝或猩紅。間見晴日照耀。豁人心目。傍道諸松皆穢。穢上曲杉。櫛橫午多節。堅逾他山。蓋經冬風雪。特凍使然。自此踰嶺。路通橫江。幼侍先大父讀書其地。輒道崎嶇。猶想見當時挈閣情狀。由嶺折北上。至章仙觀。或謂臧仙道書七十二福地之一。依山作屋。獨爲是山主。志載觀爲唐建。因就求古刻。不可得。得鑄爐二。徑可尺一。其一有款識。類錐畫。博文。文三十六。大半可識。拓之以歸。惜無年號。其一已漶漫。惟元年二文可辨。疑出一手也。時已迫午。因飯觀中。由觀至山顛。皆取道叢密。路尤險削。差可二里。絕頂三峯湧起。右者特高。垒石爲壇。廟南向。奉石禺人。三。或云三仙也。署曰華廟。俯視近縣山川。若蟻場。蟻垤。蛇虺。蟠互。歷歷可數。東望豫

章南眺嶺海西窺衡岳西北覲洞庭雲夢際天以爲界極雲以爲表茫乎莫測其度里也更登廟頂題名蓋石並記詩廟壁爲別嬀下有石厂曰老虎巖無奇然是山固多虎松鱗近地尋丈悉爪碎無完膚風生輒相驚以走余素負氣又甚稔塗徑輦巨石礮山下挑虎有聲砰然動林密攘臂待搏固無懼焉復抵觀少坐寫詩付觀中日晡下山林壑暮色頓殊來路亦間有行人驚余等所自來相與問訊噫是以山之勝好游者屐跡或不出其間亦未有人經營以極其奇特而樵夫牧豎雖盡日往來又莫能知其趣之所在斯可惜已然余獨幸茲山之不爲人世所彫斲得葆其淳樸以還大造而藉遠紈袴酒肉腥葢之汚是亦其自守特異焉者山靈有知其許吾言哉其許吾言哉游三獅又七日記

章仙觀鑄爐補記

爐文古拙類分隸而冶鑄甚工每文一行環書其腹文曰承天府當陽縣人氏二都候廷喜捨香爐二隻保母李氏今生福果受命延長凡卅六文候廷上下

文不甚可辨。今不錄。文中當字作常。爐作炉。母作毋。壽作受。或本用受也。其一製娟異。惟元年二文尙晰。前二文審爲天啓。明熹宗年號。啓字作智。模型反寫。缺誤也。當陽縣今屬湖北荊門州。荊門明隸安陸。承天府者。明世宗置。世宗起興藩。本封安陸州。再傳入繼。因以州爲承天府。合二爐觀之。其爲明天啓間物無疑矣。縣志簡陋。不載金石。故三百年來無人過問。余爲之考證如此。並囑山僧珍惜之。念當時楊左東林諸賢。冤蒙慘禍。明遂以亡。回視今日。能無痛感。此又讀書論世之事也。游章龍又七日補記。

### 游三獅記

霏瀉驟暘。迺遶蒸鬱。臯怵滄汰。茲且蘊蟲。壹壺暴淨。液動牆壁。雖託爽塏。匪適居人。笑卑溼于賈生。慕風浴于點也。粵若三獅。擅巖壑之勝。爲仙子所棲。言契嘉招。載偕潘岳。兼息童冠之選。無豫滂沱之勞。神山有望。翩其逝矣。自發橫舍。迂道巒密。澗曲遡互。青叢趨越。記里踰十。歷時已二。洎達所屆。風候頓異。御裕

欲薄屏箠無溫。蔞榮吐紅。巖石有紅關為斯。藁樹搖白。縣厖疑碩。蠹礪離。若上  
擿霄漢。下森斷。齟黃赤。瀾漫獻媚。逞妍赭黛。峭嶸爭雄。代伯洵足以怡悅神魂。  
盪滌心志者也。其陰則崖厂斧壓。厥爲洞天。固外弘中。麗慶開朗。庠越五畝。高  
擬十尋。垂雷承趾。飛蝠矯翼。信能遺挽世情。高遜長隱。則眇焉冥儔矣。左洞幽  
暗。難與究極。側覲霧壑。深窮泉隧。縱厥攸止。歷旬忘歸。入門以往。盡經迟曲。渡  
水而還。漸履平坦。相譌王喬。石几杵臼之所在也。霜豪旣載。題名道樹。雉鳴有  
鷺三鷓。而作落松盈寸。千年不滋。千年松草木似落而大。將以免搖落之悲。時  
山梁之擇。孰謂物智而遠人謀哉。若夫洪灣淥水。上游之所經。南川激流之所  
歷。長想覽考其形勢。備志乘。搜求者數矣。離山涉塗。五里而近。游目四望。羣峯  
攢簇。出沒迎距。巖巖坐鎮。咆哮負嶠。長波囓山。奔濤躡岸。湓回潰突。若將無窮。  
阻流一隈。縈磧萬狀。孤鷺掠空。而過游鯈。涉江而上。目營心接。顏開神往。芒乎  
莫知其際也。其上有浮屠。俯清瑩。出誓暑。極塗塲。擴蒿萊。爲署臨江之塔。媵以

詩記同游姓名而別于時和轡。世景舒代明。詠歌言旋。各忘其適。倏而長途。驚電峻阪。御風飛鳥。投林逸駒。逝隙引觴。滿酌相勞。無間誠大驩喜。不可說也。以視埃滅性良。驚塵塵俗。復乎遠已。夫惟良士好樂無荒。輒贅斯文。以諗來哲。

### 游清源山記

自學舍東行二里曰清源山。其水自李家山來。湫泓演沄。繞行山麓。多巨石磊砢。溪上峯巒翼。袞樹竹環列。境絕幽山。舊有登真觀。揭唐玄宗所賜字。甚奇。宋太宗詔取至京師。閔焉。復賜以飛白。後觀燬而飛白僅存。仁宗時道士彭知一建御書閣藏之。歐陽修爲之記。今觀久廢矣。余既樂王仙之名。則以不及見。登真觀爲恨。思欲一探其故蹟。或得于荒煙蔓草間。遇所謂書文刻石者。甄錄而寶存之。亦稽古之事也。既至。得小屋。地主丁氏。調爲觀遺址。其刻碑誕不足信。謂登真者。丁令威也。縣南故有丁仙觀。不當斯地。座上佛像尙存。亦有三清像。有清康熙間巨鐘。徑三尺。重八百斤。又小鐘一。爐一。磬一。皆二百年物。扁曰清。



源禪林。雍正間。署鐘具載觀址經界。化主名氏。以積塵漫滅。梯而拂視之。亦初無要文也。求其他皆不可得。乃廢然而返。于以慨念夫江山勝蹟。貴有人護持。而珍惜之。使文獻足徵。而其人亦藉附不朽好事。如彭知一。乃得因歐陽公。以傳不其著歟。唐大歷間。江南僧護國。有題觀歌。鄉先輩明人丁淑。有詩。與歐陽記文。今悉可錄。好古攬奇之士。將無對茲川原泉石。而興喬木之嗟耶。後之視今。亦猶今之視昔。當世如有起廢者在乎。則又賢于知一遠矣。與游者吾徒五人。時乙卯四月。夢死魄。

游石筍山記

由章龍以東九十里。曰石筍之山。地跨醴陵瀏陽。其背曰霜華。瀏陽志名之也。巖岬削。蟲地勢特隆。余以拜吳先生墓。往自由山房發。經途皆翠篠蒼石。間植松檮。桐茶。險削處至不可駐足。半山憩翠雲寺。有道士獻茶。寺甚潔。賦一詩去。至墓。去石筍猶四五里。在墓左山。雲覆其上。不見。所謂筍也。既飲且飯。豪興勃發。

李生鼓勇前行過茅屋。借筆硯。上山路奇峭。後才著踵而前。已抵頤。益富油茶。桐。獠而升。同游者皆倦。而余步獨輕健。數憩休。益上。幾無蹊徑。杉。槲之陰。有藉薪草者。則虎穴也。心動。然不欲言。時已失路。旋覓一。旁徑循之。往得石筍。雙石。矗立高者。殆出土二十丈。上有盤松如靈芝。有草嫩莖黃赤。方作華。其小者亦十餘丈。離立皆上銳。近筍有廟。全石爲壁。祀雨母。亦曰水母。土人以祈雨。筍下有井。險不可窺。時時有雲氣出。由廟而望。甚遠。左盡萍鄉。瀏陽。右近以往。萬峯攢簇。務爲奇詭。橫生側出。旁行斜上。岡回巒轉。若將無窮。蓋北以章龍爲宗。東以此山爲柱。皆榦脈也。題名廟壁賦詩。復大書天風雲表霖雨蒼生一聯。以寵雨母。字奇崛。坐久山翠襲衣。寒生襟袖。李生欲窮其顛。尙一里。或言有虎。余亦指松鱗爪痕爲言。乃止。下乃益難。石磊砢積。落盈寸。一步一滑。幾欲顛。或杖傘。行余則橫步。子傑言。生長山下三十年。未嘗一至。余觀石筍山房題詠集。有唐人游記。亦但言經山腰。望見石筍而已。是游益奇。快視三獅章龍。殆尤過。

之且得。遍觀吳先生所藏書。拜其祠墓。昔龔定盒嘗以丈夫三十媿。前輩識字。游山兩不能爲恨。余戲謂子傑。今日吾兩能之矣。歸稍休。復游明蘭寺。寺有大佛像。山曰雪峯。水曰蘭溪。山口石山。載土曰金魚石。長逾三十丈。溪環其下。夕陽明滅。可矚近邨市。聞有石霜寺。在石筍之背。藏唐太尉裴休遺笏。以行急未得游也。子傑吳先生孫。李生名秀皋。同游暨余五人。乙卯五日。

### 紅薇感舊記

紅薇生既自賈。傳故藩。適江淹侯國。因識少君于玲瓏之館。斌媚之軒。子須從焉。子羽執轡。子竟爲右。于時秦焰尤張。楚氛甚惡。清湘百里。動成赤流。芳蘭九畹。並傷黃落。生人骨肉。痛枕藉于礎。斧大好頭。顛對歎。歎于明鏡。飛章朝播。志士魂驚。警電夕傳。壯夫膽碎。望門乃投。張儉臨渡。誰期子胥。靜言思之。慨其嘆矣。則有傾城豔質。施弱腕以扶將。絕世佳人。矢素心而薰沐。斫斷枇杷之樹。門閉車迷。歌殘楊柳之枝。泥沾絮定。春風鬢影。茂陵何恤。無家細雨。檐花杜老。于

焉。有。詠。並。以。子。須。澹。冶。竟。羽。清。狂。莫。不。藝。苑。蜚。聲。文。林。插。實。拈。毫。善。賦。擲。笛。能。  
歌。斗。酒。百。篇。仙。乎。醉。矣。彈。棊。六。博。夜。如。何。其。此。則。絲。竹。中。年。哀。樂。誰。知。太。傅。江。  
關。歲。晚。生。平。竊。比。蘭。成。者。矣。而。君。也。環。珮。其。間。婀娜。入。抱。色。授。令。千。日。醉。眉。語。  
作。九。連。環。有。酒。如。澗。既。淺。斟。而。低。唱。愛。才。若。命。亦。痛。惜。而。溫。存。雖。宋。玉。未。許。東。  
牆。而。香。君。已。連。復。社。于。茲。屢。日。遂。盡。浹。旬。嗟。嗟。昨。夜。星。辰。昨。夜。風。相。逢。何。必。曾。  
相。識。花。開。堪。折。直。須。折。君。問。歸。期。未。有。期。昔。也。曾。以。爲。言。今。也。甯。能。無。感。况。復。  
穆。王。東。返。三。年。無。駿。復。之。時。望。帝。西。徂。二。月。有。鶻。啼。之。痛。伯。夷。避。世。乃。遯。首。陽。  
張。祿。變。名。未。踰。以。谷。征。衫。漬。淚。是。平。生。未。報。之。恩。倦。鳥。投。林。動。鳥。鵲。無。枝。之。嘆。  
者。乎。又。况。青。春。易。盡。絮。飛。知。向。誰。家。綠。陰。將。成。子。結。便。應。枝。滿。飄。茵。墮。溷。傷。造。  
物。者。無。知。盪。氣。回。腸。悵。所。思。兮。不。見。卿。誠。知。我。當。有。同。情。僕。本。恨。人。誰。堪。遣。此。  
曾。記。丁。娘。十。索。獨。耽。蚪。蚪。之。書。無。如。子。夜。四。歌。未。篆。鴛。鴦。之。字。不。有。佳。作。何。伸。  
雅。懷。用。託。庾。詞。傳。諸。好。事。庶。幾。伍。君。瀨。水。猶。表。青。蓮。之。碑。衛。公。西。山。長。留。紅。拂。

之詠。凡諸朋好。咸可觀焉。報以瓊琚。固所願也。

書紅薇感舊記後

此文詞雖未工。而事亦殊雅。其中子須謂芥糲。即醉子羽謂栩園。即夢子竟謂鏡心。玲瓏。環珮。皆取乎玉。婀娜。斌媚。皆取乎嬌。則少君字也。少君黃姓。事在壬子之冬。偶檢斯稿。題寄亞子詞人。一粲。且乞以暇日爲一七古歌行以傳之。並望能黦劍華癡萍諸人同作。知憐才如亞子。當許斯人附舂航。子美之末也。少君今已字人。龔醉庵尤惋惜之。賦詩有往事都如此。人面春來遍地是。桃花之句。余則謂但祝隨風好。將去不憎作絮。任情飛。附記紙尾。以發千里一笑。

書蛻庵遺著後

蛻庵詩。余處今可得者僅此。此外尙有詩詞叙及贈詩十數首。大索不可遽得。容他日錄爲補集。又蛻公在醴陵日。倡和留題。到處皆有。其詩不假思索。亦無草稿。俟向各方求之。當得什五六。惜不能卽致耳。記蛻跋其集。謂題襟籠壁。不

乏可存。正就寓醴時言。又此間有題畫梅七古詩一首。曾採入冬夏脞錄。亞子處當存。此亦不錄。其遙聞風雨滿三韓一首。則脞錄中係從此摘出者。嗟。余識蛻庵于既老。蛻視我以忘年。三載之間。悲歡離合。不盡於此。然卽此回憶。已堪歎息矣。風雨之夕。檢寫以寄亞子。不知涕之何從也。

### 憶夢樓石頭記泛論書後

蛻文集刊憶夢樓石頭記總評。聞尙有散評在醴。因向史君大索。最後得此稿。亦殘缺非足本。此稿成于庚戌。時寓汪氏寄園。病足。就榻前短几書者。余與栩園訪之。曾以見眎者也。前十餘則尙可次。後數則別爲起訖。難于強附。姑訂之如此。計石頭記評十六紙。自署憶夢樓泛論。外一紙。但書斷句云。夢裏情人留。枕待月中花。影倩欄扶。蓋和詩未就者。以紙色合。附訂于後。甲寅十二月二十日。鈍記。

### 大山石室刻辭

大山石室者。荆州記名之。梁劉昭注後漢書郡國志引之。曰王喬山者。始見於唐大歷間。江南僧護國王仙觀歌。及宋歐陽修御書閣記。今日三獅洞云。惟民國五年。陽和既洽。游于石室。遂登大山。周覽形勝。用懷往昔。聿在中世。喪亂頻仍。聖滅迹息。乾闥坤閉。賢哲卷藏。幽人貞吉。爰啓斯土。用託黃冠于焉。永戢抱蜀。不言好事。傳之謂王喬宅石。曰何有巖洞長冥。遷流不易。邈矣哉曠世之下。聞風思翕。羣彥翩從。請刻此石。垂于無極。

### 下馬樟刻石

嶂山之陽。有豫章欵道。側妨騎騎。過必下。故謂下馬樟。所由來古矣。清乾隆間。遠祖皇建公。以白金五兩購得之。令勿剪伐。旋爲火燬。今所存若半竹者。其燼餘也。新栢沃若。底厥本根。枝葉夔夔。靈氣林杜。懷德甘棠。思愛矧是。遺澤而奚可。諼乃擴道。周重封嘉植。刻石以銘之。銘曰。根爲地。維幹爲天。柱蟠者爲龍。屈者爲虎。覆蔭爲雲。吐氣爲雨。翻風動日。摩天。

剖霧有吾文。以永其封。有神物以爲之護。蓋地維不可絕。而天缺無由補。瞻之在前。過者必式。崑山峨峨。視茲千古。

楊烈士卓林傳

楊卓林。字卓林。一名恢。又字公僕。醴陵人也。魁梧有勇力。以俠聞鄉里。間鬻販自給。里有爭鬪。輒往助。所折無不服。然奉親孝。事師盡禮。嘗夜借隣燭讀兵書。及諸戰爭稗史。輒拍案狂叫曰。大丈夫生不封萬戶侯。卽赴鋒鏑死耳。安能鬱鬱與鄉里小兒作生活哉。遂投張春發軍爲目兵。庚子之役。隨春發防禦京津。與聯軍接奮勇當先。手刃倭卒數人。連發數十彈。故軍雖敗。而餘軍賴以不覆。統軍者莫之知。而卓林亦竟不自言也。自聯軍戰後。津沽爲墟。卓林憤滿。酋無狀。民氣不振。卒以兆茲禍也。乃遍走諸省。求江湖豪俠能爲用者。於時海內會黨若山東之馬賊。長江之鹽梟。江西之洪江。廣東之哥老。皆連其首。要旣而察時機未至。會黨不足與有爲。思可以助舉大事者。莫如陸軍。乃赴江甯。入將備。



學校。時周馥督兩江。德意志人要求以金陵獅子山爲租借地。馥將許之。都人士集會議反抗。卒怵刑威。莫敢言。卓林則首倡殺馥。聽者舌橋。莫能下。自是常以手鎗自隨。事稍爲馥所聞。將致之死。甯鄉陶森甲。故將備學校提調。密告卓林。謂當留以俟用。徒死無益。幸勉學。乃資使東渡日本。而獅子山租借之議亦遂罷。卓林既至日本。入鐵道學校。每困乏。則賴森甲及湘人杜雲秋資之。時孫文。黃興。方創中國同盟會。卓林力爲襄助。所紹介入會者不下千數百人。取締留學生事起。舉國激昂。卓林益思有所爲。乃居橫濱製炸彈。刻苦逾恆。時益陽姚洪業爲歸國代表。道橫濱與卓林別。相對唏噓泣下。各以死相勸。明年洪業以公學事蹈黃浦江死。卓林旋亦內渡。會萍醴舉義。卓林居滬上方。日夜籌運軍械。然其時兵倉卒集。事且敗。乃大呼曰。吾得死所矣。揚州某鎮者。故會黨叢集地。卓林密結其渠魁。欲謀響應。先刺殺江督端方。以舉事。部署既定。挾炸彈及其友二人以行。事爲湘人劉復權蕭子翼所聞。中途遣告端方。遂並二人

被逮端方以卓林大俠又黨中魁桀委重員長沙朱恩黻翰其獄恩黻反報謂卓林罪涉疑似不可殺必欲強我誣殺者甯免職不肯爲也獄用是久持不決而警監何黻章欲要首功力言卓林有罪並及同逮者二人端方乃故遣恩黻之滬親鞫卓林兼訊二人卓林知禍已迫二人且不免乃一以自任且罵且起前掀案案折謂事與彼二人者無涉我志不遂死耳天下豈有畏死楊卓林耶速殺我母及無辜遂以丁未二月七日死東市而二人卒得脫時清光緒三十三年也卓林既死人無敢視者萍鄉葉鈞獨收葬之金陵中華民國元年二月臨時大總統孫文既正位令以金陵玄武湖端方私第建烈士祠祀卓林及鄭先聲楊守仁吳樾熊成基陳天華五人且卹其家其明月陸軍部長黃興復遣部員護其遺柩歸湘改葬之嶽麓無娶以兄子繼其後

論曰烈士蓋天性純篤人也方死之前四十日別余海上託書寄其母且重屬余撫慰之於時母死已久人未之告也又嘗爲余演戰術於西史戰事歷述不

遺顧君恆不喜弄文翰。惟言居金陵時有老僧嘗教之讀。以是益知種族大義。輕生死。至今思之猶彷彿其雄姿英發。道吾得死所時也。

### 宋颺裘傳

宋颺裘字弼唐。醴陵人也。幼有大志。讀書涿江書院。倡明船山王氏學說。旋之長沙。畢業師範學校。歸里。以革命提撕諸後進。務深入人心。是時民氣猶僿。言論有禁。恃簡冊以風勵薄海者。惟猛回頭中國魂警世鐘數書。乃購多部。遍以貽人。所感化者無慮數千百計。清光緒三十二年冬。颺裘聯萍瀏諸志士。推某爲主帥。密謀起義。而自司法令。說以無驚閭井。無啓外釁。惟以恢漢覆滿爲事。一時文告皆出其手。士卒奉令惟謹。軍紀飭然。時外人居醴者多。且其地距安源。邇安源。礦務繁作。號多金帛。橫挑肆掠之事。易起。得颺裘主謀。而閭里芸市。乃如故。無何敵師四集。以新造之卒。膺方張之寇。勢不支。我師潰散。颺裘爲敵所擒。敵軍惜其才。欲活之。曰行且拘汝。與醴陵令汝。其以飾詞免。時陽湖汪文。

溥令醴陵得其所謂文告及印謂曰汝非能文者文告殆非汝作且汝何得印殆道士所爲用以印幡布耳汝其具道汝陷賊事颺裘不屈乃繫之獄里人廖漢瀛聞之往咎何遽不諱匿颺裘曰諱則刑迫士可殺不可辱吾起事時固已知其可死也尙何言漢瀛惶急數爲解釋於汪汪故無意殺之乃許諾未幾委員覆訊颺裘不屈如故且歷數滿惡及委員貪酷罪遂遇害

論曰世之所謂志士者往往慷慨於平時而宛轉乞憐於刀鋸之下卽喪其廉恥禍及同類而有所不惜也若宋颺裘者其諸異乎人之所爲矣

### 周福貞傳

周氏女福貞長沙伍德潤妻節儉有文遇諸姊妹以禮德潤夙好客廚饌靡不豐卽窘迫無謫言清光緒二十六年唐才常林圭謀起義武昌德潤與焉周氏多所贊助旋德潤被舉爲湖南自立會會長將以聯絡豪傑士爲聲援值轉運告窮各處索餉數至周氏則脫簪珥盡其積以濟之事洩官吏拘捕急德潤

下  
一  
言  
以  
夫  
謀。與。周。氏。奔。申。冀。稍。避。其。鋒。徐。圖。再。舉。張。衡。士。徐。子。清。者。故。同。謀。誘。德。潤。以。獻。  
由。滬。解。鎮。甯。鄂。酷。掠。無。完。膚。既。無。所。得。實。遂。發。寄。黃。州。廣。濟。縣。獄。永。遠。監。禁。周。  
氏。同。逮。入。獄。楚。囚。相。泣。苦。不。可。支。每。念。專。制。立。國。民。氣。不。伸。身。困。沮。洳。永。無。天。  
日。恐。印。度。波。蘭。之。不。免。也。遂。決。與。德。潤。仰。樂。自。盡。德。潤。幾。死。而。周。氏。則。長。沒。矣。  
辛。亥。十。月。初。七。德。潤。出。獄。遵。鄂。回。湘。時。武。昌。已。首。義。東。南。既。復。乃。述。及。十。二。年。  
來。夫。婦。縲。紲。之。苦。聞。者。歎。息。上。其。始。末。於。都。督。譚。公。祀。周。氏。女。烈。士。祠。云。  
論。曰。民。國。之。稽。勳。密。矣。然。生。而。冀。位。無。足。稱。也。若。此。女。者。貞。嫗。殉。國。死。有。餘。施。  
媿。天。下。士。多。矣。

### 胡志伊傳

夫。自。清。季。以。來。中。外。多。故。豪。傑。之。士。並。起。從。事。革。新。者。何。可。勝。道。其。有。斷。脰。流。  
血。一。瞑。不。視。固。已。彰。彰。在。人。耳。目。卽。或。伺。便。蹶。起。因。推。挽。之。會。翊。協。和。之。烈。以。  
徼。富。貴。長。羣。類。或。曾。不。與。事。及。大。與。事。悖。而。攬。以。爲。名。者。亦。所。在。多。有。然。而。侯。

門仁存宜逾。夫首事者榮施矣。或曰世亂道衰。趣舍有時。是以伯夷恥其名。介推匿其身。魯連完其絜。顏觸全其真。揚雄當新室時。自守泊如。箸太玄五千言。非其遇之窮也。士各有志。不可以強同。海內初定。奇偉倜儻。自見之士。蓋嘗取榮利矣。若萍鄉胡志伊者。又何以稱焉。胡志伊者。字任伯。一名孚。家世儒者。弱冠入縣學。食廩餼。爲文有名于時。萍鄉故以科第顯。志伊獨能治經世之學。先後與鍾震川等。勸書報社。興學校。趣游學。萍士喁然。乃欲身渡日本。至滬上。會取締事起。遂入中國公學。時黨人悉萃滬上。每有急。志伊輒左右之。爲之盡力。由是黨籍有志伊名矣。歲丙午。萍鄉始立中學。監督者非其人。數月。學生大譁。則指學生爲革命黨。勸縣令大發兵捕治之。舉城皇遽。志伊急自滬上馳歸。以言說居間。獄賴得解。縣人誦之。又明年。徵兵令下。志伊隱欲有圖。則多介其萍學社人入伍。泊辛亥反。正頗資其力。萍鄉西連湘。湘中旣復。而萍鄉以兵備道重。兵屯集。難撼。且安源鑛工萬人。慮爲變。志伊陰與其黨。以利害說防兵。復身

詣湘督乞師八百人下萍鄉。徇安源。定上粟。走兵備道楊會康。標統齊寶善。上粟者。撫民同知所治。有管帶駐焉。會湘督使使潘昉宣撫江西。志伊偕之行。所至多所開諭。未幾江西皆復。至南昌。選爲省議士。明年三月。以議會委察萍鑛。歸適父病。因留侍疾。父固遣之。志伊亦欲反。委卽歸。比至省而父歿。遂以奔喪。積勞哭泣致毀。越數日卒于家。其孝親蓋有素也。始志伊歸自南昌。道長沙。與其友傅熊湘言。語多傷感。其于侈功攘利尤痛非之。顧欲婚。攄所蓄宣力于國。冀一起敵焉。由斯以觀。志伊固未竟所欲爲也。夫使志伊得用于時。或足以爲治。苟其不死。卽不見用。退而發所蘊。積爲書。以自箴。亦必有可信者。彼旣以榮利爲不足。爲顧不能忘情。當世豈將欲以奇偉自見耶。抑所謂士各有志者耶。賢者固貴。有以自效。然亦會其時。身與命乖。事與時違。而曰吾有以治天下。則天下不可治矣。

張漢英傳

漢英字蕙芬。醴陵張雲齊女。雲齊無男。一女愛逾切。誨讀甚勤。漢英資惠敏。稍讀卽能闕大義。笄年適同縣李發羣。發羣父故名拔貢李青蕃。家範嚴。子婦紡績無得與外事。當是時。國人震於瓜分之慘禍。徭徭務規歐化。以爲男女宜共勤國事。遴選女生游學。而縣中知書宜選者。莫如漢英。遂肄業長沙女校。既留學日本。發羣旋亦自往日本留學。清光緒三十二年冬。萍醴革命事起。發羣適自日本歸。道滬上。遇其縣人楊卓林。方謀炸斃江督端方。以爲聲援。發羣與偕行。被執。卓林不屈死。發羣下獄。漢英聞。子身渡海。視發羣獄中。訴江督端方。乞以身代夫。時發羣方病。因言夫病劇。卽有瘦死。獄不得輸。徒枉法。無益。不如得代有所歸。端方故嘗巡撫湖南。漢英渡日本。其所籍送。故漢英得以門生見。因留與語。具食。漢英臨食。悲泣不能舉箸。左右皆爲掩涕。語頗聞。端方。端方乃稍移發羣監。弛其桎梏。趣漢英赴日本。漢英自是數往返江海間。且學且省。夫備歷窮苦。又二年。清帝崩。嗣子溥儀卽位爲皇帝。大赦天下。顧黨獄無赦。漢英比



傳條例。卒得有力者爲之請。遂以明年八月出發羣於獄。而心力彌殫矣。民國二年秋七月。發羣復以事櫻死江甯。漢英四年夏五月病咯血死。年四十四。庶子一。

論曰。烈女貴徇夫。漢英之乞代夫獄也。雖詭變。至知事無可爲。輟食哭泣。豈非發於至誠哉。自女權說昌。深閨弱質。張脈僨興。而漢英亦以爭女子參政爲世詬病。詩曰。誰生厲階。至今爲梗。夫固有所受之也。漢英負豪氣。好談辯。多言亦稍爲歌詩。流世間。及創興女學。嘗箸勞焉。要其論議。純駁間見。故特取其近道者。箸于篇。

### 毛芷香傳

芷香毛氏。湘鄉毛少園女。生於皖。因歸桐城汪氏。庚子死難。汪堯臣之兄楷者。芷香夫也。芷香性慧。知書。孝謹。明大義。方楷堯臣與唐才常林圭等首倡革命。數往來湘鄂間。每困乏。則芷香質釵珥以助。事敗。楷堯臣被逮。長沙。堯臣仰藥。

死。而。楷。下。獄。時。清。吏。上。首。功。所。株。累。衆。無。或。倖。免。芷。香。恨。所。事。無。成。不。忍。見。夫。死。乃。仰。藥。自。盡。死。前。三。日。生。一。女。亦。自。棄。絕。今。存。楷。後。二。年。得。釋。民。國。元。年。十。一。月。湘。人。具。其。事。於。都。督。譚。廷。闈。與。長。沙。周。福。貞。□□。劉。蕙。芳。並。從。祀。女。烈。士。祠。周。余。別。有。傳。

論。曰。芷。香。輩。一。弱。女。子。耳。非。有。可。紀。愛。夫。一。念。遂。以。身。殉。亦。當。時。流。血。革。命。之。說。漸。漬。使。然。耳。然。吾。見。魁。傑。臨。難。苟。免。多。矣。乃。今。方。自。詡。勳。烈。以。視。芷。香。輩。又。何。如。哉。

### 族節孝羅孺人家傳

傅氏有賢母曰羅孺人。當遜清以節孝旌于朝。學使爲題節並清臺扁額。鄉黨榮之。族宗喬公繼配。獻廷先生母也。十六來孀。傅門二年生獻廷。又八月而夫卒。時叔已先沒。妻更嫁。獨孀姑宋孺人在一門。焚。髮。相。對。備。極。悲。苦。母。家。憫。其。無。依。爲。謀。再。適。將。以。說。孺。人。孺。人。泣。且。訴。曰。未。亡。人。復。何。他。祇。孀。姑。弱。子。

靡託固決死久矣甯有不諒者乎遂罷哀泣如初喪者十餘年事宋孺人寢食未嘗離側。遘疾必多方致藥嘗而後進。姑婦相憐甚。宋孺人初以家落銳意居積紡績組紉常窮日夜孺人黽勉自竭曲承其意卒以有羨資廣田宅教子成立率身惟謹孝友敦睦卓然族望興學育嬰之舉咸著勞焉實孺人啓之也夙知書嘗以論語孟子爲諸孫講說孫道熙受學于余。

贊曰竹箭有筠松柏有心夫惟貞士莫其德音世變遞嬗孰是克純鍊剛繞指舊臣美新知有金夫不知有身譬猶禽犢戮我鬻倫清淑誕鍾乃眷賢母緬彼堅貞揚茲徽美亦有杞妻變俗于里亦有周嫠銜憂于緯我聞在昔教成于始懿穆孺人先民是軌髣髴可儀彤管有煒請著其芬以媿男子。

王節母傳

節母王氏父紹卿醴陵人也十八歸同縣王君榮滋王君故幼學泮厲逾恆數歲病咯血死子昌楨甫三歲次子昌祐方娠母痛失所天誓必死顧念身累遺

腹。舅。姑。且。老。徒。死。無。益。重。傷。夫。志。不。義。乃。自。守。待。孤。明。年。舅。照。樓。公。繼。歿。節。母。遇。益。艱。志。益。厲。奉。姑。撫。幼。備。極。勤。苦。卒。勉。二。子。成。學。會。姑。病。久。淹。勢。將。不。起。節。母。慟。之。甚。每。中。夜。泣。禱。乞。以。身。代。姑。病。亦。旋。已。娣。何。早。喪。鞠。其。穉。中。兒。爲。始。終。焉。溫。惠。淑。慎。服。勤。至。老。不。衰。儉。已。而。周。急。里。中。誦。義。二。子。皆。有。節。槩。而。昌。楨。與。余。尤。厚。

傳熊湘曰。聖人。謹。庸。行。余。讀。書。見。傳。節。婦。無。如。烈。婦。多。甚。矣。庸。行。之。難。知。也。語。亦。有。之。忼。慨。赴。死。易。從。容。就。義。難。然。貞。臣。始。卒。不。逾。一。死。非。有。後。顧。之。多。艱。也。王。節。母。幾。欲。死。其。夫。若。姑。矣。其。視。死。至。易。而。卒。勉。爲。其。難。以。竟。夫。志。夫。豈。無。得。而。然。哉。行。其。所。安。義。之。至。也。昌。楨。嘗。語。余。云。自。始。黜。受。讀。畏。母。過。于。嚴。師。不。敢。惰。又。曰。母。嘗。戒。余。兄。弟。勉。自。立。常。如。母。茹。苦。時。烏。呼。母。之。傳。在。是。矣。

劉節孝傳

傳熊湘曰。子。曰。歲。寒。然。後。知。松。柏。之。後。彫。一。死。一。生。交。態。乃。見。夫。久。要。豈。不。難。

哉。自余交鏡心。久而後知鏡心之爲人也。及其以太夫人節孝君之行事告。乃又知鏡心之教有自出也。鏡心善爲交。居縣城久。縣人士莫不暱就之。雖所不好。不婚爲崖岸。顧獨心敬重余。余屢遠遊。不常與鏡心見。卽鏡心過余所。亦未嘗就余。及余辟地歸。交游悉散。而禍且橫作。鏡心獨相與綢繆。匿余其家。所以爲余甚盡。其別也。持之而泣。消息必以聞。過素所與密矣。卒利賴之。蓋鏡心少成教于節孝君。故于未流交際間。能急人如此。其素所自守者。固也。節孝君黃氏。年十五。嬪于劉。孝于舅姑。宜于其家。六年生鏡心。又八年而夫卒。時威姑先歿。一家三百指。內政悉委重節孝君。黽勉有無。絕甘分少。先後無間。舅遜齋君。故好客。酒食之奉。節孝君主之。未嘗不豐。孝慈若天性。先後子視如己出。會其有遺女穉。養于節孝君。及女後母入門。強使依。不肯去。忘其非節孝君女也。縣人以狀請于有司。清光緒三十四年。旨旌劉振祥妻黃氏。附縣城節孝總坊。有傳。鏡心名驥。與余同年生。月日長于余。同學淶江。又同數業高等師範。

書陳孝子事

陳孝子本衷。湘陰人。父好博。不治生產。衷年十五。嘗數切諫。念家日落。無以讀。乃晝作而夜之。村館學焉。父知之。弗顧也。母周氏。絕愛異之。越二年。母暴疾死。衷悲痛廢寢食。弗任事。父頻怒撻。強忍而後起。數月。父續娶王氏女。人以女暴沮不聽。既至。薄視衷。衷共子職。逾謹。明年。氏生子。益思去衷。已伺衷。父出煮毒草爲茶。陳之父歸。視茶中草屑。詰所由。氏佯察曰。此毒草也。衷奈何欲殺父。父怒痛朴衷。氏授以挺。且曰。徒費力。無爲也。父憤杖之。幾斃。賴鄰舍救得免。然衷奉親如初。亦不怨也。未幾。父死。產僅足葬。乃傭給母弟。又十餘年。母沒。蓄傭資。兄弟並授室焉。清光緒十九年。衷卒。年六十七。有子克繼其家。過其墓者。或爲詩以弔之云。

論曰。姑之於婦。後母之於前子。非有生鞠撫育之恩。顧每虐之不少惜。何哉。天下固不常有舜矣。於以歎孝子之行爲難得也。

里之嫠

里有嫠某氏。其行不聞於士夫。其名不顯於閭巷。獨一二媼能道之。以迪子女。其言曰。方嫠之襁負其孤而拾穗於途也。遇穫者曰。爺穫多乎。不答也。嫠行且念。若固日來憩吾門。乞吾火索。吾飲者也。今若此。是以我爲失行也。吾幸勉不爲丐。苟丐也。又如何哉。乃堅自刻厲。負革爲障於舍外。植黏松桐竹茶麻橡栗之屬。晝則以孤守舍。夜則績棗月下自資。功倍績女。而齋約亦逾恆人。里故以麻葛布名。歲六月。居布者麩集。歛以之瀏陽。而遷於大賈。世稱瀏陽布者。率輸自醴陵。而出吾里者尤最。有得嫠布者。買獲贏。因謂媼曰。績者何如婦。吾視其布澤以華。纖而不給。疏爽而有文。彌麗爾也。若與往。吾欲一見。是婦媼笑曰。是固麗者。苟更以其布來。而能多予我直乎。曰。可。至則一蓬首垢面之嫠婦。方敝衣。匏而拾栗也。相與失笑。故嫠能以嫠苦自養於人。無毫髮求焉。嫠族有豪常夜越嫠室。餽以金帛。大見窘辱。而無如何。嫠舍地故族有。乘嫠出。率悍者襲

其居。伐所樹本。毀垣毀瓦。以謂公地無可久假。而別出重直之屋使賃居之。嫠曰。是讎我也。置不校。又數年。豪家敗。嫠購居其屋。或以快讎。賀曰。吾屋不毀。今猶嫠居也。彼更營其華者。而以是畀我耳。嫠既稍有田宅。以其孤力耕。爲娶婦。今抱孫矣。

論曰。士誦詩。讀書。日親固窮之訓。明廉恥之節。儼若高世而矯俗。就聆其言。亦淵騫之疇也。然尋有以無實見訟者矣。人固忽近而好遠。樂飾而忘所性。若夫嫠。何遽不可悅已。以奉人戚施。以取世顧。必自勞如此。豈其顛愚足以蔽之耶。一言之藐。遂爾立身多金之施。視猶螿蝎。而士之棄取。殆殊也。道固在是。抑介不足爲歟。詩曰。采采卷耳。不盈傾筐。嗟我懷人。寘彼周行。吾書嫠。吾過矣。

### 賽淥江傳

賽淥江者。醴陵女。不知誰氏。少隨母淪落爲土倡。以色傾一縣。故名。某生者。新舉於鄉。文名藉甚。女故有才藝。通書記。見生。相與慕悅。要之白首。久之。生有桂



林之行將行。謂女曰。吾其婦在室。又行急。不能汝携。姑俟之。必謀取汝。女諾。生遂行。時女母已死。不復有所迫。乃爲閉門計。賃居一複室。深自避匿。游客罕覩。其面以是家益落。恃鬻斂飾衣服。自給念生遠涉。不常有書至。每自傷哭泣。或常數月病。至於憂愁憤鬱。但日飲酒爲醉忘而已。雖鄰嫗素與往來。莫聞其語也。會生亦落拓。人或短女於生。勸生且絕慮。自是生書益不至。女自分見棄。不復欲事人。益酖飲。一釂率盡。汾酒二斤。病益劇。適有生舊僕。將之生所。告於女。許爲通其意。女以爲難。然不無萬一冀。生迎已。乃以綠染薑鹽漬而曝乾之。爲大裹。使僕雜生家物以進。生得之。果疑。問僕曰。此曬綠薑也。生悟爲女所爲。急馳書至。未至而女死。死之日。移寄戚家。貧無餘物。某少年爲釀十金。斂葬之。遺一女。大類某生。旋亦夭死。

論曰。余喜徵鄉國舊聞。以爲賤如倡盜。容有可紀。而當世士大夫或不與焉。若此女者。雖失身卑賤。抑於時論。然能以一死許所知。甘棄絕而不變一節。足取

其猶異。夫人之所爲歟。

### 記元因尼

元因蕭氏。湘潭人。夫死。爲尼。吾村大千庵。余四歲。從先大父讀書庵塾。諸生別治爨。而余寄于尼。每食。特具飯。不以餒進。曰。吾飯。饑耶。幼不宜。無累耶。弱也。日一爲浴。無間寒暑。患癩。輒碎盥爲割治之。余痛呼。晷。尼亦泣下。自小失恃。先大母愛綦篤。每出必送。嘗曰。兒行。禾蔽兒。始猶及兒。兒傘。卽傘。不可見。猶婆望送時也。然聞依尼如慈母。卽亦良慰。在庵塾一年。又十餘年。尼死。與其葬。葬庵後。嘗授余觀音經。問其義。曰。念。從心起。

記曰。余讀書庵塾後二十八年。游王仙天濟寺。寺故有朱尼。爲元因師。因觸余感。當在庵塾時。夫豈知他日更歷人世。恩怨且盡。顧獨念尼也。哉。記之。報猶嗇也。

### 外舅潘公墓誌銘

公諱宗淇。字建中。號竹亭。先世出于汴之中牟。既遷閩。其來醴陵。當清康熙間。蓋王仙潘氏之興。自公會祖承炘始。所謂有田二萬七千石者也。承炘公生三子。仲曰韞旃。實公祖。韞旃生藹如。藹如生公。藹如公故篤學。錄古書數十帙。盡卷不失一字。及公生于諸罽中。最稱謹愿。鮮衣玉食。處之蔑如。不事馳逐。惟耽立素。劬精于學。卒成血痼。既常親苓朮。藉究經方。將圖老彭。以晞久視。齊性辨味。不學而能屬以家道中。落徜徉市隱太山石室。用安丹竈。化居之事。駟會任之時。約僮。毋董其筮。畢簡思憩。神務爲恬澹。配君張氏。同邑兆嘉公女。歸年十五。聿箸賢聲。內佐勲勳。克媿盛德。晚患癥結。資于弱息。有齊季女。婉婉順承。用閔。媮勤。思求燕譽。粵余以乙己之春。肇翹鄉學。識公仁里。爰始婚姻。或謂求士食貧。何如擇木。惟公堅定。吃不少。侈謂吾短晷。浮生迭更。苦樂知人。則哲不謂其難。庸有長貧而淪佳士。旋以配君疾革。遽命館甥。晨昏再周。遂成永訣。葬不踰歲。公迺繼逝。烏呼哀哉。昊天不仁。喪我元舅。孰謂高朗。而斬眉黎。始願之隆。

終于未報。疾可知已。公沒于清光緒三十二年。月日。年六十。配君沒于光緒三十一年。月日。年五十。有七。合葬王仙紫巖書屋後山之原。禮也。子男三。萬麟。萬陽。萬延。女三。長適文心垣。次適顧仁禮。季爲余室。夫宣尼崇。封初傳識。慕道其碩。行以永來。茲斯懿親之事也。今其如何而廢斯禮。迺伐石刻銘。申以詞曰。鬱蔥兮氣佳。中有人兮瓊華。其思無邪。其儀孔嘉。胡胙之不穀。而考之不遐。抑施于躬者。嗇而遺其後者。爹是耶。非耶。吁其嗟。

### 傅君子芬墓志銘

傅氏系出陝州。殷高宗得聖相說於傅險。遂以肇姓。洎唐末。曰祁者。避亂徙豐城。率義士拒王仙芝死焉。子曰崇。崇子疏。相繼爲洪州刺史。由崇八世至貴。始稱楊田傅氏。又十五世諱源。明初始遷醴陵。爲嶗山傅氏。由始遷十七世。有明德。諱賢三。實君曾祖。當清嘉道間。以資雄邑里。尙義急公。自先人祠墓。族大事。縣興賢育嬰。有舉無不力。視其建室度制。聯扁遺囑。猶慨然動人想慕。祖諱端。

一  
言  
以  
天  
笏。嗣爲善人。樂施不倦。考諱正曙。配蔣。繼配程。君程出也。生長華瞻。通諸經。科舉。迄清。尤弊其高才。不屑規摹。時俗自貶。以俛就有司。繩墨或顯。首場屋。曾不列諸生。行古直。取斯世。譬猶方鑿圓柄。非其遇也。君子是益用自放。方壯。卽棄去。倘佯優游。載頤。載休。容色夷然。不爲崖岸。卒大。其有以能壽考。俾有子孫。爲德之行。其昌也。有時始以邑居。綦繁強悍。萌生齟齬。弗甯。率自牽絀。厥二三父老。惟董治之。任君樂易。衆親輒解。難解。詎調。間作民與遷化。溫和。不讐。教行於家。克友於舅。弟產析。以往共給。若初。卽邁。喪難恃。君無恐。亦旣錫類。垂裕。其後人愛敬。無改厥志。以清道光十八年月日生。曆年七十又四。民國元年冬十二月日歿。配楊女一。適黎。繼配王。子男三。某先歿。某某。孫男幾某。曾孫男幾某。君季弟宗。詞有文行。子早喪。依兄以居。君令己子事之如父。鄉黨式焉。以三年後五月日。葬君濠口象石站蓮華之隴。附賢三公墓次。首卯趾西。去嶗山蓋九十里云。君諱宗詣。字錫芳。號子芬。於余爲族屬。宜余銘。乃銘且系曰。

惟嶂作岡。籓章龍章。龍參天。楚所宗。孕靈鬱偉。誕奇雄。猗君之居。央乎中。久哉。遼遼道莫通。山川間氣甯終窮。環謁有德眷以隆。將飛厥後。潛厥躬。象麒雙石。崇和封高山。大河何衝容。兆藏茲土。闕幽宮。我文在刻光。熊更千萬秋。無磨礱。

吳先生墓誌銘

吳先生諱德襄。字稱三。號笱樵。湖南醴陵人也。其先世徙自廣東。曾祖諱偉佐。祖諱相臨。考諱錦萼。皆以德行聞于鄉。清咸豐十一年。先生年三十四。舉拔貢。旋授主事。改教職。既選城步縣學教諭。擢寶慶府學教授。署永州教授。再移寶慶。在學官凡四十年。爲學長于考證。洞鑿古今。穿貫百氏。約輒要。疏比異同。旁淪幽濬。受之于海。挹萬流而漑之。自羣經諸史。百家之書。以至金石目錄。方技之學。靡不鈎稽。周內闡繹。諷籀。窮年剉梨。耄勤弗倦。時士方習制舉。不聞樸學。博士弟子。至莫能誦全經。下邑尤甚。先生初館李如崑署。如崑者龍山人。篤

實有文。官瀏陽學。謂先生曰。爲學宜探本根。若取科名則淺矣。其好治古學。蓋得之如崑。一言云。如崑既重先生。又素與曾國藩善。當同治初。國藩嘗以如崑言招先生。不就。及在城步時。湘人有官黔者。趣先生出。評代納貲爲守。湖南巡撫卞寶第亦奏以知縣用。皆不行。後張燮鈞提學湖南。以先生大雅宏達。德望優崇。聞之朝。擢府學教授。湘陰郭嵩燾善能品鑑人物。嘗稱作宦數十年。絕無干謁趨奉者。前有鄧湘皋。後有先生而已。其見推重如此。工爲詩。簡粹醇正。不涉生僻。嘗和荷華生日詩。爲道州。何媛叟所推服。當世諸名流如羅汝懷。吳敏樹。李元度。鄧輔綸。王闓運之倫。並相引重。所官郡邑。學者鄉風。城步荒僻。得先生文。乃大啓。兼掌書院。幾二十年。曲成不遺。士皆樂化。季世學師。久爲人所厭視。位既窮乏。則苟出貪戾。較贄雉。論脩羊。一錢之微。幾于必得。又甚則橫預刑政。撓害地方。以爲聚斂。處濁而見清。居下而行絜。未有如先生者。也好致書。俸入一以資之。所臧近五萬卷。校勘箋釋。朱墨粲然。有最錄百餘帙。臧金石墨拓。

亦數百種。皆有考證。嘗圖所居石筍山房。徧徵海內外題詠。並其他書畫箋帖之屬。交游所與。悉珍蓄之。終身以此爲樂。忘其老而貧也。所箸書有石筍山房詩鈔六卷。已鈔。文存尺牘讀史劄記金石跋尾各若干卷。邑志藝文補一卷。續沅湘耆舊集若干卷。接踵鄧書所收甚富。而精當殆過之。自幼謹飭。事後母以孝聞。終喪盡禮。兄弟八人。其七皆繼出。事蓄喪葬。恆必資焉。遇人樂易色溫而體莊。神志炯炯。誘掖後進。惟恐不及。雖小善必常道之。教人以自拔流俗爲歸。曰。吾嘗感于李先生之言。謂如崑也。善行隸初法。顏平原益以晉魏。汎應無少却。配陳宜人。同邑慶明公女。溫惠淑慎。孝于姑。宜于夫。自親黨以逮臧獲。咸懷其德。先生年八十二。清宣統元年十一月癸亥卒。明年葬石筍山之陽。卯山西向。宜人年八十六。又明年十一月丙子卒。遂合窆焉。子男五。新祺。新祐。新芹。新禔。新城。新祐。廩貢生。歷官邵陽道州訓導。女四。均適士族。孫十。章彝。章燾。章章。章黻。章勰。章彥。章衰。章錯。章灃。章旭。章曙。曾孫十。既葬之五年。章彥以狀來。曰。吾祖



夙重子。謹待子銘。余嘗從先生學。不敢無所稱述。乃爲銘曰。  
體之有吳。實昌南。宋矯矯德夫。以學爲政。表率湖湘。一出于正。後七百年。爰啓。  
先生。獨排羣俗。用趨景行。聖沒千載。道轂莫明。惟先生起之。誕恢厥聲。在潛无。  
悶。在約罔憂。求志達道。思古無訖。豈世莫吾覩。抑富不可求。義行仁立。光照疆。  
休。世變曷紀。俗漸于夷。鬻學滅聖。斯文就衰。于嗟先生其奚可。追其不可追。吾。  
誰與歸。刳肝列辭。以塞余悲。

謝母墓銘

民國七年。醴殘於兵。八年。余以請振和會來滬。遇故人謝肖莊。方遘太夫人之。  
喪。齊衣素冠。斬焉在戚。顧以奔走湘粵。遷流靡定。兵戈載途。音書梗塞。數月不。  
得報。今乃克聞喪歸葬。因述狀請銘。其言曰。吾母生平若無以異人者。然事舅。  
姑以孝。相夫以順。教子以義。持家以勤。諸老輩嘗稱道之。母未嘗以爲瘁也。吾。  
父有兄弟七人。析產而父獨短。父嘗不樂。吾母則默禱于神。朝夕瓣香虔祀。垂。

數十年終吾父之身。莫有所爭。亦未嘗以所禱者告人也。及父歿。始私以詔寅杰且戒曰。後世庶知吾心。其友于兄弟寅杰。謹受其言。蓋家道之索。慮由於兄弟之爭。而浸潤于婦人之譖。以是知吾母之能默移于內也。母前一年嘗病。寅杰躬侍湯藥。數月幸瘳。及請行。母健在無難別之色。寅杰方以待養託兄及兒輩。欲有所樹立。以慰母懷。嗚呼。孰料竟從此終訣耶。惟子能爲我銘。庶有以不朽。余既重違其請。又念吾鄉自兵匪俶擾。一夕數驚。人民奔竄流離。至令生不得以養。死不得以待者。比比皆是。而鋒刃所接。橫暴所施。其寡人妻。孤人子。獨人父母者。又不可勝數也。夫以一二人權位之爭。致舉國洶洶。蒼生羣被其毒。歷年莫解。而此一二人者。乃猶擁兵自固。思復乘機煽亂。若不知人世有疾苦死亡事者。斯固人類之憂。又寧獨吾友之戚耶。謝氏世爲醴望。肖莊及其子復。以詩書世其家。能揚其光德。余嘗爲肖莊銘其父。世系備詳矣。母宋氏。以清道光二十九年。月日生。民國七年。月日沒。壽七十八。年月日葬某山。子幾某。孫幾

某銘曰。

惟賢母宅斯土。前有封。後有樹。精氣升。靈魄聚。終永臧。悶幽宇。

劉科年哀辭 并序

余前十載。剏設醴東小學於王仙。從游者多克自樹立。不辜所期望。劉生科年其一也。生岐嶷好學。稍長益駸以肆。汲汲所唏。不問精力。凡學僮所諷籀。橫校所教習。既足以承以發。冠絕倫輩矣。又從其從父謙。受許君說。解笞而讀之。畢其文。秩然成卷。又自習明儒王守仁之書。勇于困勉。故學行幾有成。嘗曰。學無拒人。以不能者。人自拒。謂不能耳。今不學而侈言救國。猶徒手而撲燎原之火。庸有當乎。畢業縣高等小學校。復考入湖南陸軍小學。歷南京入伍生隊。改入武昌陸軍第二預備學校。所至以劬學。厲行稱。顧身素消。脫嘗抱宿疾。強勝兵。實非所任。初至南京。軍醫驗得疾。積其考。而科年固求竟所學。遂習砲科。既盡改南京生歸武昌。武昌自革清後。督不得人。滋以屢亂。軍校常不時爲緊急號。

召科年因重積勞。又乘以寒暑燥濕。膺熱疾不治。歸未一月。殤年才十八。惜哉。使科年但志學。未或死。極其氣力。而瘳病。軀以兵。遂竟死矣。彼之曠且惰者。固不得以科年解也。科年一名森年。字戈雲。醴陵人。孝友能文章。善算術。曉英德語。祖諱華杏。父澤濤。殤以民國二年十二月。葬栗山。未娶。無子。有兄二人。某穎其從父謙。積學有至行。甯調元死。事武昌人莫敢視。且其時鄂督中情怯。沿江置戍。行李爲梗。謙獨自長沙。以其柩歸。請於其家而葬之。科年死。以書來告。甚哀。乞次其行。余於科年。素才之慟。其不克終也。爲辭述哀。且以廣劉君謙辭曰。大化氤氳兮。所造不齊。賢胡以夭兮。庸壽而奚謂才之可樂兮。夫何倏使余晞也。謂不才之苟全兮。又罔參以徒肥也。惟來甦之嘉穗兮。曾不駐夫徂暑。抑筭兮之春芑兮。羌何慕乎終序。畜其中以自葆兮。馴大信以爲適際。宇宙而猶極兮。惡短寸而長尺。彼君子之競辰兮。非惟壽而惟德。諦顏子與冉孫兮。不幸幸而多植。懿吾黨之殆庶兮。固絕脛以晞驥。膺朝夕之明訓兮。耦寂寥而無魅。將

達。人。其。洞。觀。兮。矧。雪。涕。而。誰。那。貞。訊。辭。於。來。禩。兮。苟。其。愈。而。不。磨。

祭潘式南文

惟年月日某等謹以清酌庶品祭於亡友潘君式南之靈。烏呼。天道而若斯耶。古嘗致疑。又何是非。臨我夢夢。宜若無知。孰主持是生殺之機。謂生無常。曷界之才。才而不壽。生竟奚爲。生也無常。死亦奚慕。嗟嗟我公。乃艱天路。自公初起。爰泊彌留。內外完好。巨細明修。泮水掇藻。三山賦游。蜚英茂實。以奠以條。亦越季清。政改其繇。公盟海外。羽鍛音曉。奮革帝制。埒起陳焦。權首府怨。士債而驕。擁公督符。公謂不可。不如譚君。其略勝我。手書檄告。徧走羣倫。士民案堵。軍吏息紛。人收其實。我務其耘。金陵既遷。留守開府。用掌軍糈。絀盈有序。林禽息柯。亦旣倦止。邑人來迫。長我髦士。暴袁旋張。三湘蹶起。石頭朝墟。降旛夕委。小人道長。君子消矣。漱湖之濱。大山之麓。蘭春發紅。松冬秀綠。猿鶴自親。桑穀常熟。廣廈千間。關爲庠塾。暮接僮媵。晨臨兒讀。環中四望。其氣清淑。永矢寤歌。考槃

在陸。孰謂可。諉。豈曰不足。匪出之榮。實求之故。質成於嘉。盡瘁以赴。石門峨峨。湘江浩浩。魂歸故鄉。魄淹長道。有弟有子。負櫬來旋。人生幾何。誰能百年。才如我公。施而不竟。無可柰何。矧其有命。國傷殄瘁。鄉喪善人。鳩嗚自苦。芳艸不春。臨歧噉泣。奠此一尊。魂來容與。儻用相存。尙饗。

今希文選

劉湘澤字今希湖南醴陵人今錄文五首

與柳亞子書

亞子社督左右。比年以來。囚居歷山。飽食安步。不履市城。世路荊榛。鬼蜮虎俚。同人搏噬。誠畏之也。重以黨錮之禍。文字之獄。幾徧神州。稍涉嫌疑。輒遭捕戮。而且檢查郵件。梗及鱗鴻。海內知交。致疏音問。慮干腹誹。偶語之禁網也。時于屯艮約真處。得讀手翰。籍諗興居多。祐良用忻慰。小兒雪耘。前歸自滬。且言啓行匆遽。忘却函知。深以爲歉。太一遺書。正續兩編。均到。蒐輯校繕。刊訂釀金。悉

資大力。慘澹苦心。幽明感泣。伯玉獨爲君子。我輩誠宜愧死。天禍中國。不惜付託匪人。以摧殘而夷滅之。癸丑之役。使東南均勢。連雞獲棲。英法投貲。虛牝是懼。則建瓴破竹之功。自太一發之。不難自太一收之。何至今日。噉臍哉。頃聞涇上戀棧。和議取消。滇桂之師。指顧南下。亂萌四伏。蠢蠢者不久發聲。洞庭南北。殆有來蘇之僉望。惟北軍尙未出境。而柄湘政者。未知趣向何如。魚爛土崩。理難倖免。吾儕小民。何以堪之。社友黃君晦聞。邇來通信否。弟前在廣州路局時。太一曾介之一面。渠因先王母喪葬。倉猝歲事。而墓志未泐。時榮懷抱。曾命弟述節略。請晦聞撮其要而銘之。太一去粵時。屬請蔡君寒瓊代索。迄未獲復。倘尊處有函致伊。乞順詢之。轉請郵寄。亦季子應挂之劍也。屯艮屬爲胡君石予題近游圖。因循年餘未報。題紙亦復遺失。昨雪兒促了此詩債。粗成長句。弇陋可嗤。命雪錄呈。卽希轉達胡君爲盼。蘇門近狀。暇希賜聞。俟逐鹿風波稍定時。當挈雪兒來滬一游。手此卽頌近祉。弟劉澤湘頓首。五年陰曆四月廿一日。

與柳亞子書

亞子先生足下。耳子厚才名久矣。前年於役嶺南。故人甯太一。爲言近今南社風雅主盟。幾於明季。幾復海內詞流。半萃珊瑚。欲介入社。猥以學殖荒蕪。遜謝未遑。渠於酒後。耳熱數生。平畏友。因及足下。擬唱刀環。當率踵門。趣謁備瞻。雅範未幾。太一假歸。去同黃鶴。終以熱血橫溢。致災厥躬。政海旣波。文網日密。風聲旁溢。黨禍竟階。解職道滬。不遑將息。而識荆之願。遂亦虛懸。今夏泛棹淞江。邂逅屯艮。屯艮復最不佞入社。且誦大著。琅琅如珠串。愈益汗悸。逡巡兼以半生述作。已付羊城劫灰。年來健忘。不復省記。亦以覆瓿之頃。俛拾卽是不沾沾於故紙也。昨新曆履端。屯艮登門索酒。詩興陡發。首倡十餘章。並高唱傑搆玉嬌一曲。促巴人應聲。擊鉢以催。文成急就。婢學夫人。終嫌不類。而屯艮錄郵籤覽。以爲入社之媵。滋以惡己。其中運用故實。舛謬尤多。如搜牢誤牢。搜後漢書卓縱放兵土剽虜資財謂之搜牢亦善忘之一證。希爲匡之。屯艮復屬爲足下題分湖舊隱圖。



欲藉詠歌。一摠積愆。遂忘謏陋。草草屬詞。另紙錄塵。用博一粲。小兒雪耘。辱承雅意。介之入社。此兒生當科學萌芽。一時學風。吸新唾舊。自七歲入校。翱翔乎講義黑板之間。迄未少休。今年十八矣。詞章門徑。未窺一斑。倘荷裁成。感且不朽。家居無俚。快雪時晴。呵凍疾書。語無倫次。伏維登照。不傷。弟劉澤湘頓首。陰曆十二月二日。

與傅鈍根書

鈍安先生鑒。頃蒙軒過。結轡少攄。詼諧未罄。於東方而樽酒已空。於北海而荆潭山水。辱貯錦囊。潤色鋪張。匪第草木生輝。山房亦從此千古。匆匆握別。魂銷黯然。驪歌既奏。風伯掃塵。雨師洗道。僕瘠馬瘠。惆悵奚似。悔不投轄。以竟餘懽。小端研一方區區薄物。匪以爲報。他日請念。或者在茲。命作銘詞。學殖荒落。把筆汗流。勉綴數語。以博一粲。聯句西窻。拋磚引玉。拙句猶有點竄。錄呈鑒政。菊花天氣。陶興尤豪。薄醉加餐。欲言不盡。弟劉澤湘上言。九月八日。

與蔡寒瓊書

寒瓊社掌。比得四月五日香港來書。并屯艮轉致一圖。奉讀未竟。涕淚如繩。愛我情殷。無任感紉。石圍塘草亭。晤對舊夢。重提新愁。益拓死生契闊。渺隔人天。湖海睽孤。同傷勞燕。披來尺幅。雅集之圖。觸起五載鸞飄之慨。南天極目。東海揚塵。花落無言。鶻啼有血。卽此烟雲水墨之痕。都是家國滄桑之淚。擬將畫圖。遍徵題咏。藉光墨寶。而壽鴻泥。屯艮芸盒。當有佳什。步武中郎。湖舫鞦韆圖。去秋屯艮函達。盛意屬綴蕪辭。并命小兒雪耘。賡和。所以遲之未報者。對此名人名句。名書畫。名山水。把筆沈吟。赧然中止。誠懼佛頭著糞之譏。狗尾續貂之誚耳。然忝爲知己。終當塵拙。何日詩成。慮難預定。太一客珠海時。囑湘草其先王母節略。丐黃晦聞銘幽。渠去粵時。曾託面懇執事。設法催取。執事比答云。可貞之黃章。殊難急就。荏苒韶光。倏忽數載。太冲三都想已脫稿。倘遇黃石公。乞道此意。勿謂徐君之墓。不須季子之劍也。抱香萍梗。何方尙希惠示。斯人于太一

重陷鄂獄時。與執事奔走營救。不遺餘力。間爲湘中故人言之。罔不感泣。拙作過辟支墓歌中。本有一段。道及此事。約真謂大觸當今之忌。禍且不測。用是塗抹。然二公高誼之薄雲霄。至今尙縈寤寐。太一就義。專制淫威。酷於嬴秦焚坑百倍。偵騎塵起。黨禍株連。當道皆狼。訪舊半鬼。倘滇雲之不作。決善類之盡殲。湘省于前月廿九日。始正式宣布獨立。約真屯艮。擬組織長沙日報。重搗漁陽之鼓。一滌冢中枯骨之腥。越王臺下。近况如何。風雲變幻。珍重眠餐。鄙居釣月山房。屯艮篆額。并題望江南四闋。又鞭影樓爲小兒雪耘讀書處。屯艮曾和伊詞十四闋。竹木清幽。背山面水。頗宜觴咏。亟吟執事藻繪成圖。茲房。茲樓。庶幾千古。臨楮神馳。欲言難罄。鱗鴻有便。毋玉爾音。匆匆布臆。祇叩道安。丙辰重午。劉澤湘上。

王迪陔先生墓誌銘

先生諱昌邦。字迪陔。醴陵人也。世居西林。蔚爲望族。大父地贈同知銜春臺公。

父同知銜俊千公。皆以儒隱。先生天性竺厚。幼岐嶷。進退有成人度。以家政拮据。不忍累其親。年十五。遂輟讀。持計。巨細靡擇。昕夕胼胝。卒以居積致富。太宜人李氏。中年病痺痿。起居須人。先生與其配陽宜人。善承色笑。茶鐺藥碗。必躬必親。歷十年如一日。太宜人既卒。俊千公不再娶。策杖里游。晚更怡然。自忘衰老。人皆謂先生之孝。養有以致之。居平自恨早歲廢學。因厚脩脯。延名宿課其子。肫摯逾恆。人會湖南。辦明德學堂。先生聞之。憇甚。遣諸子就學。逾年。命子麟游學日本。英愷入淥江中學。後先數業。俱有雋聲。麟尤以任俠著。先生以春臺公未建享堂。拓地數百武。將俟其成。會親族爲俊千公壽。胡天不弔。賁志以歿。於戲悲已。平生自奉綦約。然憇急人之急。親友落拓者。請貸無弗應。或竟焚其券。歲甲午。醴陵大饑。先生捐貲助賑。傾困賤糶。賴以全者甚衆。詩曰。孝思不匱。永錫爾類。其先生之謂乎。以宣統元年正月九日卒。年四十有八。生男子三。麟。英愷。女子一。適丁光烈。孫男五人。均幼讀。女孫三人。待字。以是年四月十三。

日葬于萍鄉老關中塘祖山之陽。予與麟嘗共出處。爲道義交。英愷又從學于余。貽謀足式。潛德宜銘。銘曰。

循彼南陔。蘭可采也。陟彼高山。行其槩也。宅心厚而律已嚴。鬼蜮虎狼莫之害也。輿論翕然。棺斯蓋也。鬱鬱蔥蔥。佳城在也。旁置萬家。會有待也。

### 約真文選

劉謙字約真湖南醴陵人民國八年見之于海上今別來又三年矣回憶詩酒唱和之雅不勝暮雲春樹之思今錄文二首

### 與柳亞子書

亞子足下。曩者於鈍根譚次。識人間有亞子。私心儀焉。今歲鈍根書來。道亞子爲太一。哀刊遺稿之勤。益知亞子之爲君子。不僅以詞賦也。甚弘碧血燁燁。有光登彼西山。輒欲醉太一之墓。告以靈文。披露有期。毅魄鑒茲。應感且慰。謙與太一。爲十年患難交。固宜如蘭皋之於蛻盒。詳其生平。用告當世。視天夢夢。欲

言。且。止。所。南。心。史。惟。有。幽。之。鐵。函。俟。諸。百。世。耳。其。繫。湘。獄。三。年。致。力。國。學。多。所。述。造。當。時。度。其。不。免。稿。出。輒。爲。扁。藏。之。相。疊。尺。有。咫。迨。出。獄。後。北。遊。燕。市。謂。此。當。重。加。刪。訂。以。時。梓。行。遂。一。一。檢。去。其。登。入。帝。國。日。報。者。爲。碧。血。痕。三。卷。輯拾明末死。事。諸。忠。烈。事。實。錄。詞。一。卷。詩。則。間。見。之。他。如。莊。子。解。四。卷。說。文。廣。訓。若。干。卷。其遺詩各一二首幽。室。范。言。一。卷。小。學。讀。詩。選。本。二。卷。南。幽。文。集。二。卷。歎。逝。集。一。卷。南。幽。百。絕。一。卷。南。幽。胜。錄。若。干。卷。此外尙數稿忘其名俱。不。及。鈔。版。世。變。滄。桑。行。蹤。蓬。梗。鴻。篇。所。在。亦。以。靡。常。爰。及。今。茲。雖。蛛。絲。馬。跡。倘。有。可。尋。障。礙。重。重。實。非。旦。暮。所。能。致。武。昌。獄。中。之。作。後。先。寫。寄。謙。處。者。僅。鈍。根。今。所。編。次。之。二。十。五。篇。外。此。有。無。遺。稿。以。詰。獄。吏。迄。不。我。答。當。無。冀。矣。其。家。不。乏。斷。楮。零。縑。客。冬。湘。波。駭。人。閩。市。有。虎。族。黨。懼。禍。舉。付。摧。燒。天。忌。極。斯。况。也。永。歎。舊。藏。遺。象。不。殊。公。瑾。當。年。兄。子。鵬。年。來。申。屬。令。捧。獻。卽。蘄。鐫。置。簡。端。俾。世。之。哀。慕。太。一。者。得。重。瞻。其。丰。采。也。亞。子。攄。大。願。力。爲。亡。友。傳。播。徽。音。而。所。以。助。亞。子。者。止。此。心。滋。怛。矣。深。山。蟄。伏。愁。等。秋。潮。臨。

風布懷。不勝愴悅。伏維亮譽。順訊起居。謙白。九月十日。

與傅鈍根書

鈍根足下。曩辱手教。并示近什。申詠反覆。淹澹斑衿。生當五濁。亦復胡賴。譽繳充蹊。阮穿塞途。予亡羊傷足。是懼矧君姓氏。固在刊章。徒倚空山。曷云能已。惟世有虎。乃亦有俚。百幻其身。以謀以蠱。孰察而覺。孰察而防。猛斷塵緣。魔乃消滅。君固大智。於意云何。武子見戕。有情同慨。弗能生拯。僅以骨歸。我負故人。胡言俠義。猥以獎借。祇益悲哀。顧世謹傳。彼乃未死。生原如幻。死豈必真。爲信爲疑。庸可思議。投身地獄。救護衆生。劫逆方長。惡魔爲梗。本懷未暢。應復化身。用散華香。祝其示現。生平箸作。端恃君傳。屬共蒐蘿。敢辭勞瑣。惟彼去粵。一物不遺。賓篋中江。行稿所萃。吾兄道瀝。覩已無輓。載探家藏。亦罕所覩。夫何子敬。而并琴亡。薶劍豐城。不韜其曜。靈文所在。甯特無光。大海澄清。或當自見。願與吾子。拭目俟諸。留守家山。日來物適。萬緣簡盡。頂禮空王。維摩楞嚴。週誦甫竟。

若有所悟。或復爲迷。且當大心。蘄生淨土。茫茫末劫。舍此安歸。骨肉荊榛。姪科夭折。於今百日。墓草已青。殉學以身。是可憐愍。敢求慈力。文以傳之。寵及亡靈。感且不朽。其友湯子。爲述生平。言俱足徵。另箋鈔寄。苦槩山人。約來不來。誑言欺人。於律當譴。倘來君所。乞棒其頭。門外風狂。幽人貞吉。解憂息惱。善護道躬。謙頓首。

### 夢蘧文選

黃鈞字夢蘧湖南醴陵人今錄文一首

#### 鄒硯農遺稿序

硯農沈默寬言笑。貌淵然有度。顧其爲文。輒雄奇峭拔。下筆千言。始余應童子試。識之于長沙。其詩文卽獨異于衆。越四年。余主邑高等小校。硯農始入淥江中學。焯掌自勵。不常渡江。聞其文則驟進于古。旋改入長郡中校。校固多體人。余居麗山。時有携榼訪勝。來相過從者。而硯農則寂寞自守。左圖右書。覃思靡



劉未幾。余自蜀歸。詢之卒矣。可悲也。夫夷狄見侵。斯文淪喪。趨時之士。鮮不沈醉。佞。虛。土。苴。國。學。卽間有一二治文學者。大都摭撫倭奴唾餘。冗瑣賄求。欲如硯農之寢饋于古。不肯以俗學自敝者。誠空谷之足音也。硯農姓鄒氏。名宜柱。卒于清宣統某年。年二十有幾。卒後三年。余與尊甫達臣先生同主鄉校。出硯農遺稿一編。凡詩若干首。論議序跋之文若干首。余讀之才氣縱邁。而不流于冗博而要言大而非夸。大有類乎古人之作。昔梅伯言敍舒燾遺集曰。伯魯之文。未至于古人。夔絕之境。若假之年。非古人夔絕之境。無以位之。嗚乎。以硯農之才。而不幸短命以死。則伯魯之境也。余爲之序。有餘痛焉。

南社叢選

文選卷二

漁父文選

宋教仁字鈍初號漁父湖南桃源人民國二年被政敵暗殺身死國內惜之  
漁父事功昭章在人耳目無容贅述清季主持民立報時余亦爲民立記者  
假寓於國學保存會之藏書樓漁父暇輒來樓閱藏書嘗謂予曰中國學問  
極佳惜散見于各書中未加整理耳吾子留心國學盍爲此盛業乎及今思  
之著述無成日月易邁負此良言漁父著作頗多惟刊于南社者極少今錄  
文一首

與劉羹臣書

羹臣吾兄如晤。自歸里以來。困于應酬。一切友人函件。未暇作答。故亦未致函  
于兄。前日各親友強爲家母祝壽。弟勉應之。因此空消十餘日。屢接京中電促。

亦未能出山也。前接兄電並密本。昨已電復。想已達覽矣。政局之事。弟意目下總無善法。可以翻身。正如中風之病人。不瘥亦不卽死。如是而已。俄庫之事。想政府亦無善法。最良之結果。亦必至于承認俄人要求之三條。然此猶必須政府從速妥結。弟意或不能如此。大約仍歸拖延敷衍爲多也。欲救此種政局。仍不外乎改組一負責任之政府。而目下既不能辦到。則惟有俟諸開國會後而已。政黨形勢。聞本黨有內鬩。前日兄來電警告弟以危象。然弟總料其未必有如是之甚。縱小有波瀾。當不至于成大風潮。放眼觀察。人才之高下。有此能力者。固不多也。且目下之形勢。未必能于將來亦可包括。吾人既不爭目下。則將來自有將來之局面。又何足憂。請兄不必懷杞人之念也。但目下究竟詳情如何。尙乞電示。弟于前日已離家抵常。爲調和西路爭選舉事。小住數日。擬卽赴長沙。再赴漢口。與克強商議一切。然後定行止。或赴日本。或來北京。尙未定。爾時當再電告。如赴日本。則擬請兄同往。兄接弟電時。卽請將弟衣物帶齊。往滬。

會晤。其他物品書籍。請暫寄姚真。佗君家。或其他妥處爲是。民國報近日紙面甚好。但不知內容如何。亦乞詳調查示知。弟目下財政頗困。兄如需款。請暫借用。至滬後當另設法也。餘不多敘。順候近安。式南真佗。應生駿。民靜仁。兄均此。教仁頓首。十二月二十九日。

### 伯純文選

張通典字伯純湖南湘鄉人事蹟見本選張默君先考伯純公行略今錄文一首

### 宋鈍初誄

嗚呼。鈍初已矣。民國奈何。政爭相殺。哀此共和。於鑠先生。湖湘奮起。命世興賢。皋伊竊比。亞東留學。組織同盟。誓心光復。炳爲日星。經國大猷。條理精密。建設儲才。古之碩弼。湯武革命。順天應人。驅除索虜。勇必有仁。萬衆一心。武昌先發。顛覆滿清。曾不三月。君創其始。亦觀其成。滌瑕蕩穢。大漢天聲。苦心維持。調和

南北意見全消。克明黨德。閱材小試。以長農林。難進易退。見大思沈。我歛還長。握手如故。秣陵城西。高車暫駐。吾言革命。惜不革心。道德淪喪。幾希人禽。國之四維。禮義廉恥。權利競爭。夫也無止。官邪朋比。立政無方。君長嘆息。改絃更張。竭來自京。晤言黃浦。內闕外憂。感時何補。我曰救國。整齊畫一。任賢去邪。綜覈名實。驅駕豪俊。同心進行。共和真理。憲法力爭。鞏固民權。剷除專制。總統讓人。心存濟世。政黨內閣。元愷同升。更新法治。活彼黎蒸。君好爲之。不隨不激。請宣戒心。預防狙擊。君曰何慮。坦然至誠。進吾往也。侵宵北行。何來惡魔。暗中丸彈。仁矣耶穌。同日受難。被刺之夕爲耶穌受難日。薨逝則耶穌復活且也。嗟彼異黨。豈非人倫。殉財陰賊。殲我天民。匪仇鈍初。乃仇民國。救世耶穌。竟不復活。人心慘慘。天道恢恢。自殘同族。天乎人哉。近聞北京。植暗殺黨。又救國團。敢爲誣罔。邪辭大放。淆亂是非。貪人敗類。亡國禍機。殺機已開。十步流血。尤而效之。吾徒不屑。人道爲重。國事爲先。繼志猛進。團體益堅。五族咸甯。九垓再造。黨綱實行。靈魂含笑。平民政治。

吾黨精神。目的直達。在致其身。百折不回。斯爲健者。誰其嗣之。有淚如瀉。死而不死。生豈徒生。悠悠天地。鑒此精誠。

默君文選

張昭漢字默君伯純先生次女創辦神州女學校兼任南京女子師範學校校長今錄文二首

宋鈍初先生誄

夫何天道之芒昧而不可知兮。翳人道之傾軛而多蠱賊。愬令哲人之橫罹於鉅斃兮。一任狂飈之鼓盪而震搖我邦國。吁嗟先生幼尙志以績學兮。期經世而長民。復憤東胡之秕政兮。誓滌盪而更新。爰結海內之同仇兮。揭揚民族。民權。民生之精神。期顛覆四千餘祀之顛制兮。不自由則寧死而無生。幸皇天而既厭虜德兮。又順二百兆人心理之所同。是以雖一戎衣而樹漢幟兮。實憑黃帝之威靈以告厥成功。先生既緬維於爲政之在人兮。破壞既竣而汲汲於建

設懼方輿之麻裂而不一兮。又調和乎南北。耿耿冀化除異同之見兮。庶一軌而齊度。共策國事之進行兮。囊大同之美俗。吁嗟先生所以自任果綦重兮。而所賦秉者。又純粹而光明。何彼昏之習爲詐僞兮。雖讜辭謦謦而弗聽。縱朝聒而夕陳兮。充耳裹如無聞。吁嗟時不可爲兮。先生亦盍龍潛以養其松筠。庶得時而猛進兮。蘄運轉夫鴻鈞。顧先生獨曰否否兮。誓黽勉而前進。縱戈矛森森。其當前兮。益奮發而整峻。日惟敷布血誠以相期兮。求立政之改良。斥官邪而蘇民困兮。圖盛治之泱泱。是固邦人之公意兮。曰憲法之宜先。從事於制定以實現。真正之共和兮。海內倫同聲而相應。胡魑魅之猖獗兮。竟星日之晝昏。方宵車北征而遽被戕兮。憤公理之何存。哀君子之道消兮。森椎碎此明月。偉流碧之凝芳兮。后土埋而長熱。恫政論之糜沸兮。時暮四而朝三。衆冥行而擗墮兮。要莫足與爲指南。詎古今之齊轍兮。步耶蘇之遘難。又林肯之釋黑奴兮。亦以至仁而被戕於丸彈。信邦國之殄瘁兮。乃斯人之云亡。爲天下而痛哭兮。庸

僅遺恨於閱牆。今雖罪人之斯得兮。誰與主者而不可問。欲奮起而鋤讐兮。志惻惻而未定。蓋愍大局之阽危兮。姑銘容忍之明訓。吁嗟外侮既蠶起兮。盍先急國難而後私讐。繼先生之志其無逸兮。集羣策以弘遠猷。願百折而不回兮。必艱難之共濟。所非忠而虛言兮。指皇天以信誓。果吾黨之同德兮。先生之靈將赫赫而如生。擴民權以鞏固兮。允無息夫。至誠終再造此神州兮。又何列強環伺之足驚。於是招英魂而來歸兮。靈將御風含笑而下臨。竊獨悲其不少留兮。長太息而涕洟。先生浩然之氣固塞乎天地兮。倫來鑒於厥辭。

先考伯純公行略

先君諱通典。字伯純。號天放樓主。晚號志學齋老人。吾張先世。自曾祖以上。世居湖南湘鄉城北鄉。人名爲張家灣者也。嗣家中圯。至先王父海英公。復殖產于城外泉井坳。所居曰一字牆。聚昆季家焉。海英公諱鑑南。妣氏李。三子。先君最長。生于清咸豐九年己未八月丁巳。幼而岐嶷負異稟。稍長。掣治經籍。暨明。



儒。王。黃。顧。諸。子。之。學。于。姚。江。尤。有。神。契。蓋。其。平。生。經。世。之。略。匡。濟。之。德。固。涵。養。有。素。矣。夙。鄙。夷。科。舉。不。屑。爲。顧。先。王。父。母。望。之。棊。殷。勉。赴。以。慰。之。甫。成。童。一。試。入。庠。弱。冠。以。後。卓。然。樹。立。聲。譽。斐。然。同。鄉。如。曾。左。諸。人。爭。禮。重。之。許。爲。國。士。無。雙。清。光。緒。己。丑。曾。國。荃。督。兩。江。敦。邀。入。幕。任。奏。牘。兼。江。南。水。師。學。堂。提。調。嘗。爲。條。畫。經。營。南。洋。羣。島。諸。策。擬。設。領。事。通。輪。船。歲。游。弋。兵。艦。撫。護。國。僑。振。商。業。曾。大。歎。服。然。恐。格。吏。議。不。果。上。先。君。是。時。所。主。治。國。大。綱。凡。四。曰。正。人。心。曰。求。人。才。曰。理。財。曰。練。兵。嘗。與。友。人。翟。孚。侯。書。論。及。之。都。萬。餘。言。後。二。十。年。吾。國。主。變。法。者。要。不。能。越。是。書。之。規。模。而。正。人。心。一。端。則。當。世。士。君。子。鮮。有。道。者。焉。繼。復。進。而。博。觀。時。事。進。化。之。勢。究。察。歐。美。致。治。之。道。知。民。族。嬗。衍。非。變。政。致。強。則。不。足。以。圖。存。憤。胡。清。專。制。之。蠹。國。毒。民。慨。然。以。廓。清。痼。疾。改。善。政。治。爲。任。糾。同。志。圖。改。革。謀。摧。陷。虜。廷。建。立。民。政。一。時。英。俊。如。趙。聲。禹。之。謨。秦。立。三。之。倫。胥。樂。爲。勳。助。奔。走。十。餘。年。彌。歷。辛。苦。幾。頻。危。殆。當。道。以。其。潛。力。之。傾。動。東。南。也。甚。蘄。得。

而甘心。于是先君境益窘。不知者或動以稍易素履。則喞然曰。柳下有難枉之道。吾而忍枉道。于進者久赫赫。然且貴顯。然奈吾夙志何。志不可奪。君休矣。謝而去之。同志以是益知先君之皎然不欺其志也。所諭有道員羅長椅者。嘗司鹽權大通。以事迁民。民羣圍權署。申言必得羅某。槍聲震屋瓦。羅懼。知不免。忽得譎術。以人乘垣辭曰。某奉職無狀。死不足惜。雖然某張公某之戚也。諸君忍不能稍推愛耶。時率民衆者爲秦某。江湖俠士。夙慕先君爲人。聞之詫曰。有是幾使吾儕他日無以見張公。遽率民衆數百人。去。後羅于先君述其事。先君愕然。且固不識秦。因從容謂之曰。君後從政幸愛民。毋復浪假鄙人名。以解圍。徒益鄙人罪耳。然自是愈韜晦。兢兢恐人知。維舉昔所蘄嚮。以教育培國本。以實業蘇民瘼。二者汲汲爲之。弗倦。歲丙申。陳寶箴撫湘。雅知先君。力挽相助。先君乃爲倡礦務總局于長沙。外州縣分局十數。其開採龍王山水口山及黃金洞諸礦。現歲入可二百萬。非僅闢湘中未有之業。而東南礦務實濫觴焉。湘礦在

中國居甲選。暫種人久覬覦之。方幸吾國人不知其利而自爲之謀。屢思攘臂染指其間。洎聞是舉。則皆相顧歎異。尋倡保衛局于省。舉境肅然。爲吾國警政之始。立寶善成機器廠。創用電燈。並設和豐火柴公司。小民之食其利者。男女數千人。蓋自海禁既啓。吾國百物。除茶絲外。悉仰資歐美。唯湘礦能獲其利。而火柴一項。大都來自三島。唯和豐能分其利。歲戊戌。與譚嗣同黃遵憲陳三立康有爲梁啓超諸人。倡南學會。時務學堂。湘報。時務報于長沙。海內名流。一時畢湊。舉湘省民智之昌。學術之盛。蓋莫是時若矣。時經濟特科徵士。江督劉坤一以先君奏聞。遠道寓書相勸。先君審清廷不足與有爲。辭弗行。會政變。六君子殉難。先君以耿介不阿。亦去而之鄂。督撫張之洞譚繼洵聞而致之幕中。以鄂全省營務相屬。乃始編練新軍。舉黃澤生及族叔紫峯。各將一營。爲之率。武漢軍政。至今斐然可觀者。蓋有自來也。歲庚子。與唐虎臣謀政治革命。未成。東走滬。與容純甫章太炎嚴又陵諸人。發起國會于滬味蕪園。與會者數千人。朝

野皆震。江督劉迺復以上海製造局廣方言館屬之。意在羈縻也。拳匪搆亂。載漪矯詔。命各疆吏誅絕西人。先君知必肇奇禍。亟致書劉督。力請封還僞諭。任保護長江商務及外人身命財產。劉如言。東南得以無恙。已而先君志事清廷。已有所聞。而讒謗宵人。更從而媒孽之。以是遇益窮。而造次顛沛之際。仍一出于義。粵漢路工約成。湘鄂之士。栗然危懼。亟立聯合會。推先君代表。由皖撫鄧華熙桂撫王之春委任。赴京力爭。卒得廢約自辦。時當道捕黨人嚴。先君所至困厄。獨劉督雅重之。仍延入幕。先君爲養晦計。遂攜家息居白下者有年。安貧知命。怡怡如也。劉歿。周馥繼之。任以兩江學務處參議。兼編纂學務雜誌。先君念今日學絕道喪。智育漸進。而德育不修。非拔本塞源。提醒其良知。則放心不收。卽病根永在。請昌明國學。以勿欺良知爲準。則以通經致用爲指歸。先是江南風氣錮閉。聞興學。輒羣起指而駭怪。阻礙橫出。先君則排百障。任勞怨。力爲整頓者數年。所倡有若養正學堂。養正女塾。湖南旅甯公學等。歲乙巳。應友人

公推監督皖江中學于蕪湖。其施教以知恥立志好學三者爲正鵠。故一時及門多爲後起之秀。然校中教授如蘇玄瑛陶成章諸人。固當時知名士。而富革新之志者。以是大吏尤甚之。遂辭職返甯。由甯而吳。時撫蘇者爲陳啓泰。邀往相佐。是歲有宵小以革命巨魁。謀先君子于江督端方。端電陳命交省。陳以百口保之。乃免。未幾。粵督張鳴岐聞先君留心實業。電請入桂。先君夙知桂柳多膏沃。未耕耘。可闢以殖湘吳之民。興南越之利。既往。專任墾務。設墾牧公司于貴縣柳州。跋涉往來。歷數千里。境塹堦壑。崎嶇蠻烟瘴濕間。乃病足。先君體素偉碩。神清氣健。逾恆人。雖頻遭迍。不少恭。至是。乃鬚髮。鬢。盡。蒼。漸就衰矣。繼游肇慶。王道雪澄浼助政。是先君首察民瘼。以該地爲濱海要會。商舶連檣。輻湊而羣萃。然往往苦颶風。乃言于王道。相得良港。建築船泊舟楫資之。以避風患。生命貨財。賴以全者。歲無算。粵民歌頌至今。辛亥春。以事之廣州。會民軍將舉義。同志趙聲問策于先君。並偕赴香港。大會諸同志。先君爲條畫方略甚備。

然以各方部署未周。主稍緩。某君尼之。以是有廣州之挫。趙聲與七十二士殉焉。先君深痛之。遂患不寐。時城中百計蒐捕黨人。先君方居警署。同志不能出險者爭就之。先君乃于緹騎縱橫之際。力脫十餘人于危。暮秋歸滬。適武漢革命震動全國。遂集同志取蘇州。先是鄂中民軍乘新興之銳。勢張甚。力仇殺滿人。江蘇旗族人人自危。迄先君克蘇之日。易興漢滅滿之幟。爲興漢安民。一城歡動。兵不血刃而事定。金陵方負隅。聞之大震。守志以懈。聯軍遂乘而得其志。後有以蘇督相屬者。先君一笑去之。弗欲與彼碌碌者較。一日。短長南京政府成立。聘先君爲內務司司長。再任爲總統府秘書。于國計民生。多所擘畫。惟時有梗其議者。卒不果行。新國規模未克遠大。先君每與人論及現勢。未嘗不叹息痛恨于世道人心之不可救也。臨時政府既解。歸年餘。嘗一至北京。鬱鬱弗樂。卽浩然南旋。蟄居海上經歲。惟閉戶課子女自娛。甲寅春。復遄返湘。謀集海外國僑鉅資。興辦全湘礦業。適歐戰起。事未果。乃暫權衡權。址居廻雁峯。下山。

水。明。秀。足。以。樂。道。賦。詩。乃。姑。安。之。爲。力。除。宿。弊。免。苛。斂。商。民。感。之。奉。職。數。月。而。比較長鉅萬。未及期。復調司湘潭。衡民羣籲留之不獲。去衡之日。紳商扶老携幼送數十里。且有登舟垂涕。戀戀不忍去者。湘人士歎爲百餘年所僅見。匪僅以政績卓異已也。先君瀕行。寄諭不孝等曰。釐金病民之政。吾于亡清。數請蠲除以利商。當道弗從。因循至于今日。且以溷吾。辭之不可。顧自承乏以來。民幸不苦。今既釋責。行將辭潭言歸。自憙兩袖蕭然。無一不潔錢。瀆吾家耳。至省。五辭潭局事不得。湘潭釐金。在湘爲最下。年耗損甚鉅。人咸視爲畏途。先君往未三月。復盈收四萬八千餘。商民且忻感。聞者歎服。初夏湘中水災。先君親巡各卡殆徧。相度修理。以防泛溢。體爲濕熱所中心痞力痛。積勞成瘵。六月上旬。偶嬰小極。醫者又庸誤。致汗出于瀋。遂患手顫。然浸假漸差。八月十二三日。起居視事猶如恆。且自撰煤鐵公司宣言書。及辭職詳文。各縱橫數千言。十二夕。作長書寄瀘。寓字整秀若平時。復與族叔子岷論時事及家事甚悉。神采奕如十

四日晨興獨早。微覺弗適。醫至與談病况甚久。並親送之庭際。已呼僕炊米飲。復自起易外衣。既。暝坐榻間。色洋洋如恆時。少頃。僕以米飲進。遽磨去之。已而呼之不答。衆始覺有異。羣醫集治不效。至午刻。竟棄不孝等而長逝矣。烏乎痛哉。時中華民國四年八月十四日。乙卯七月初四也。年五十有七。悠悠蒼天。曷其有極耶。卒之日。自晨至午。始終無顰蹙及呻楚狀。比殮。面色如生。其明于生死之際。神志湛定。而學養之冲粹者。固足以臨危而不亂者歟。局內外百執事之屬。始未信凶耗。比趨室覩狀。莫不哀慟失聲。先君蒞潭甫三月。其遺愛感人已如是。不孝昭漢元羣等。在瀛聞噩電。奉母馳歸。不孝元祐。自保定奔喪。撫柩躑躅。痛不欲生。伏念先君天性肫厚敦篤。接物處世。以誠以敬。不作疑猜之心。小人或以其易欺。肆爲狙詐。往往一笑寘之。友朋嘗以古道不能處今世爲言。則適爾曰。誠能格物。矧在人羣。我待人以誠。性夙然也。寧能逆億人之負我否耶。其坦率磊落。蓋如此事。先王父母至孝。于諸弟悌。于諸子姪慈惠以教。先七



叔少海早歿。力撫卹其庶母及妻孥。其孤姪及戚屬子弟之寒儉者。常自節衣食以飲助。俾得就學。故舊有困乏者。輒傾所有濟之。不足則典質以與。務解其厄。迨司衡權。百務紛蹟之際。猶惓惓先七叔之子謀。弟恐其鄉居廢業。命來衡送之入學。公餘教誨無倦。于母氏結褵三十餘載。燕好如一日。每得一詩詞。雖遠處湘粵。旅幽燕。必郵母氏索和。並命兒輩賡作。以娛老懷。處憂困之際。無戚容。嘗顧不孝等怡然曰。吾畢生軼軻。懷抱未稍酬。惟妻如孟光。足與適道。兒女尙知自愛。他日當有紹述吾志者。家庭之樂。差足慰耳。不孝等聞斯言。旣悲先君之遇。復懼子道之虧。惟誓痛自策礪。冀有所樹立。無忝所生。詎圖遽爾溘逝。使不孝等抱靡涯憾。彼蒼厄人。抑何其酷。悲夫。悲夫。卽署次成服分奠後。謹護柩以歸。奉窆于湘鄉胡家冲夾壁山祖塋。首亥趾已。發櫬之日。會葬臨送者載道。商民沿路祭奠。皆蹙蹙哀慕。若喪所親。烏乎先君著述宏富。少時有天放樓袖海堂文集。壯歲有匡言及志學齋筆記等。而前歲寓滬。以比隣兆焚如。藏稿

悉燬。今存者弗逮什一。行將編錄次第。謹以付刊。母何氏承徽。字懿生。衡陽何璞元先生之季女也。生不孝等七人。子三。長元祐。肄業保定軍官學校。婦李仲元羣。肄業南洋大學。季元雄。肄業上海尙公小學。女四。長貞琬。適黔陽黃本璞。已歿。次昭漢。現辦上海神州女學。次宏楚。適應城蔣作賓。幼振亞。肄業神州女學。不孝昭漢。哀毀餘生。方寸已裂。不能文辭。願先君言行。有不可湮沒者。敬略述其大概。唯當世有道閎博君子。矜而錫以誌銘。或寵以哀誄。俾光泉壤。永志不朽。謹述。

### 悔晦文選

吳恭亨字悔晦湖南慈利人。余不識悔晦。一日屯艮來寓。持歐戰雜事詩一冊。曰此慈利吳悔晦所作也。受而讀之。心儀其人。擬丐屯艮介紹。以識悔晦。會屯艮回湖南。而此願莫遂。今讀悔晦文。能容納新詞新意。而自然古雅。異于時流。今錄文十首。

桑植谷氏族譜序

桑植。于。湖。南。爲。貧。縣。有。內。半。縣。外。半。縣。之。目。外。半。縣。割。自。慈。利。較。富。有。文。化。內。半。縣。反。是。蓋。層。嶂。沓。峰。相。爲。溝。限。地。著。之。毗。睢。睢。盱。十八。九。不。讀。書。解。文。字。故。民。族。進。化。稱。緩。稱。劣。焉。三。十。年。前。聞。外。半。縣。有。谷。雲。仙。滿。言。者。績。學。工。爲。文。磊。磊。然。在。其。縣。人。上。最。後。又。聞。諸。谷。中。有。得。出。字。仙。喬。帥。韓。字。岸。峭。者。亦。均。疏。雋。奇。士。能。博。觀。世。界。書。知。尊。國。學。則。大。喜。神。往。願。與。論。交。會。兵。盜。起。連。四。三。年。不。解。予。老。癩。閉。戶。罕。與。人。往。返。一。日。岸。峭。忽。造。門。出。谷。氏。族。譜。一。書。爲。贄。且。請。序。問。知。卽。雲。仙。公。子。退。展。其。譜。則。雲。仙。仙。喬。岸。峭。等。所。撰。著。赫。然。咸。在。篇。蓋。與。其。族。之。他。一。人。合。纂。而。成。書。也。其。篇。目。爲。系。世。者。一。爲。表。者。二。十。三。爲。記。者。七。爲。附。錄。者。一。都。凡。三。十。二。卷。不。飾。不。漏。義。衷。于。信。而。文。裁。于。法。蓋。譜。之。完。書。也。按。其。牒。谷。自。吉。水。來。遷。可。見。者。始。均。萬。表。系。之。曰。卒。元。至。順。二。年。葬。大。庸。獅。子。塔。大。庸。入。明。始。設。墓。所。追。書。之。詞。歟。顧。其。時。桑。植。未。立。縣。然。則。谷。之。崎。嶇。此。山。

谷。殆。在。距。今。六。七。百。年。前。可。以。斷。言。譜。例。又。言。始。來。與。溪。苗。崗。蠻。雜。居。非。聯。同。種。不。足。捍。禦。外。侮。因。與。同。徙。王。鍾。諸。姓。雜。互。聯。派。以。爲。團。結。派。者。名。上。或。名。下。豫。立。之。一。字。是。也。所。謂。二。名。也。予。撰。縣。二。十。都。胡。氏。譜。有。九。甲。聯。之。文。義。亦。同。此。然。則。客。與。土。爭。甲。民。族。與。乙。民。族。爭。谷。之。先。奮。而。競。存。其。絞。腦。力。擲。頭。顱。與。今。輿。塞。之。衅。一。舉。而。歿。人。千。百。萬。相。同。也。又。可。以。斷。言。而。今。幸。矣。谷。在。桑。植。儼。然。執。輸。入。文。化。之。牛。耳。何。也。予。譯。其。圖。記。所。謂。大。川。廣。谷。沃。野。上。腴。凡。外。半。縣。土。著。生。息。置。田。園。長。子。孫。之。佳。處。無。一。不。有。谷。氏。踪。跡。而。變。爲。其。殖。民。外。府。焉。矧。吾。雲。仙。仙。喬。及。岸。峭。又。擅。有。文。學。之。精。粹。德。慧。術。智。又。誠。在。在。可。以。籠。罩。人。而。使。之。同。化。過。此。以。往。日。漸。而。摩。焉。觀。而。感。焉。豈。惟。谷。氏。一。姓。卽。內。半。縣。之。號。爲。睢。眈。眈。進。化。劣。緩。者。吾。知。行。且。薰。德。而。善。良。記。曰。君。子。化。民。成。俗。其。必。由。學。觀。于。谷。氏。族。譜。之。成。而。確。有。以。信。之。矣。抑。世。稱。司。馬。遷。史。記。旁。行。斜。上。其。創。立。表。體。能。神。以。一。馭。萬。之。效。泰。西。著。述。家。推。廣。之。表。之。爲。用。乃。無。窮。盡。歐。陽。譜。

系圖至五而盡。其病曰狹。予嘗恨之。今谷氏族譜乃變爲世表之例。于是網羅爲宏富矣。後有來者。伐柯取則。容亦趨于徑簡之一端乎。顧是不足爲其譜尊繫而著之。願與海內外著書君子一商榷。其得失。中華民國八年一月。慈利吳恭亨序。

### 譚心泉墓表

清咸豐同治之交。里中擅高貲者三姓。曰莫。馮。譚。莫之起以農田。馮以畜牧。林鑛。譚以殖錢穀。富額各增至二三十萬以上。歐人斯賓塞爾撰原富。抉生財原理。歸本于地與力與母財。莫居縣二十五都。號沃野。富在土。馮跨六都山中。以多牛聞。其林鑛之孳息。又絕豐。于上舉二類幾之矣。惟譚氏聚族大尖山麓。壤無十畝曠夷。而亦起而揭一幟。與抗顏行。則經營母財之効力著也。始大者曰謂養周吉惠。其子心泉永銘承之。心泉豐準濃髭。口如梓。少讀書。有深沈之智。勇亦健于文。其殖錢穀法。時人之緩急貸予之。少斂其子錢。而出入必準一定。

程期踰期與不及期皆爲越債權所不許矣。故稱貸于譚氏者舉若有商鞅齊一之法以箝束其隱。夫貸金而權子母。周官管子之書著之。非甚弊事也。特供求相差而消息失用。有時見爲害多利少。此其畸輕重之點。固言財政學者所無能巧避。偷徑以籠利之罪蔽之。則必抱死金而扁閉之。使不流通。周轉于世界而後可信。若是停頓凝滯之極。民生日用屆時又當何如。嗚乎。今日地球大勢。絜矩生財三物之順序。吾知必以母財爲首列。又無疑矣。惜吾心泉前死。其已能之計學。不表襮于來世。俾國之主計者有所考鏡。殆爲遺憾之大者乎。恭亨近者纂縣書。擬創立富民傳。于先民之手自致富而又親與相接者。若莫馮若譚及其他刺取行事。詳論列之。以詔來者。或可少砭吾民貧弱不自振拔之懦性。人事卒卒。未果以爲。今表心泉墓。一發其凡願望。于是爲無窮矣。心泉縣二十二都人。以清光緒某年年七十歲卒。葬某配杜孺人。子紹漢紹湯。紹湯中子衡從恭。享受學。距葬若干年。中華民國八年來督表阡之文。爰特書之。

谷君生壙銘

官地。平邊縣西北鄙。其俗剝其產。富其壤。巖險其民。資生儉嗇。其農商業之孽。績發榮滋。長又率能以經驗代學問。故殖業者趨湊之。如水注壑。如雲垂天。往往魚鱗雜襲。起家徒手。儲畜累千金。萬金買田園。長子孫以財力相魁。雄者後先相屬于耳目。以予所聞。谷君之殖貨才。蓋卽其一也。君桑植產。今占籍慈利。其始來僑。當清光緒初世。賃廡而居。蕭然靡長物。品隲商品。鈎要捫玄。與時消息。擅有奇羨。逮及暮齒。百貨轉輸。漉澧上下。舟車銜接。販賣金總額。遂冠其市。君爲人質愿。恂恂類儒服者。顧神心計。官地平越在縣鄙。歐洲股分公司之商戰。市人初未睹聞。君聯合衆力。使釀基金。身部署之。整齊利道。法皆與白種人巧符。故凡與于君股者。投手無不如志。史稱項籍恥學劍。其非畜有軍事學也。可以斷言。而暗鳴叱咤。鉅鹿滎陽之績。乃至如雷霆。若君之于商業。豈亦所謂有天授者邪。君名某。字某。父曰某某。聚向氏。再聚庾氏。有子男子幾。子女子幾。

孫幾。中華民國七年。君年七十幾歲。以西南戰禍亟。患疆場之日駭也。預營生壙于某某。先事輝南。贈書縣人吳恭亨。詢狀曰。是于禮經當否。并督銘。于是對以生營壙爲國俗。且君之殖富力。種因于巖險。而猶能食果。著其事。又可持以借。矻吾患貧弱。而不自力于生活之惰。民則銘之。銘曰。使哥崙布不覓殖民地于球背。則歐患人滿美亦至今仍爲草昧。以爾車來不以賄遷。其橐闐有萬匪。千散財。賑鄰人曰。君仁營壙。死前人曰。君達觀。有巍此阡。俟君百年。百年不刊吾文。高鏞。

### 大庸李君墓志銘

常澧鎮守使署副官大庸李宗漢。丐執友田東谿金楠。以狀督爲其王考君追埋之辭。宗漢嘗仗走劍滇邊。萬里歸。又從治澧軍。豪士也。所陳先德。宜若可徵信。按狀大庸十一都李家港。是爲君之族居。清嘉慶二十三年己卯三月二十四日。光緒十八年壬辰八月二十九日。是爲君之生卒年月日。北直李家港一



里。有岡曰盤龍。是爲君之葬。諱九訓配某氏。是爲君之父母。孺人張氏秦氏。孤承琦承祥承禎承本。是爲君之配。與嗣嬰髻而痼疾。奄奄瀕死。少痊。從拳師練武技。凡五載。遂以材勇善搏名一縣。是爲君之藝。能理破圯之業。治農田。畜牧。初不二紀。擁穀入額。歲幾二千石。俵分之。小弱弟不銖黍寸金。自私利。是爲君之治。生與行義。環所居無遠近。無識與不識。相與尊稱之。必曰文斌大公。是爲君之諱。葬二十七年。中華民國八年。慈利吳恭亨爲文刻石。系他行于銘詩。是爲君墓。追埋之。辭。嗚乎。大庸洊更兵盜。生命財產。人人惴莫自保。而宗漢能以時脩表君墓。似亦重可稱。銘曰。

生丁破產。勇治田蔬果。蕃實嘉穀。駢土未破塊。農職愆。蕎麥怒。生不耕。阡民生在勤。祐者天。我信力耕。必逢年。亦有老特角。似椽。嗜好見酒。口流涎。一斗一石。方下咽。服轅不待筆。與鞭聞雞。常怵他人先。九牛之力。肩一肩。直前周旋。退折旋。一以抵。十百抵。千目無全牛。此牛全問喘。不受丙吉憐。服勞揖我。謂我儂。李

家老牛名噪焉。君駕馭之良亦賢。我最軼聞辭雕鑄。貨殖補遺司馬遷。致富夫豈無由緣。勤則不既理。昭宣人人物。物莫不然積。因成果後視。前爭存學說。非一偏銘告來者同勉旃。

### 莫悟園墓志銘

君慈利二十五都莫氏。諱兆權。一諱浚。字衡鎮。晚築園曰悟園。又別自號悟園。父諱士林。本生父諱壬林。壬林卒。予又識墓。所稱爲奏大清科舉學之尾聲者也。君爲學無不通。顧亦躋于科舉。晚清宣統初元。舉行孝廉方正科。君名在首列。不及受試而國亡。中華民國成立。郡縣盜起。君時時銜官檄出治團練。躬的棗謗。凡又四三年。羣盜日縱橫。專狙殺言團練者。君故富人。又績學有時名。盜中羣指目之。乃不自安。數避居縣城。五年袁世凱謀竊帝號。縣大亂。七年南北戰起。兵盜搶攘。九澧爲燒點。而南軍黨人之稱眉目者。君又先與之交游狎稔。則慨然自悲。畸零人。每與予對。未嘗不捉腕太息。痛亂之初。生藐是妻兒。環待。

之躬。茫茫大宙。卒焉所稅。駕也予忖。其多憂患。輒引與論。他事亦雜。商權文術。及至入處。又立自壯。攘臂爲論。難口沫。四迸初不之顧。予不禁匿笑之。君天性誠懇。于公私義利之辨。至精晰。五年之役。匿伏。予樓日據一方。丈地沈沈冥默。冷若室女。及洪憲取銷報。聞忽叫譁。狂忤疾。越梯級下。引予袂曰。國事尙可爲乎。尙可爲乎。今追繹之。殆昨日事而環顧方內。紛紛藉藉。生人之禍。匪但無紓。又加厲焉。君死。靈不潔。正未知感想何如。嗚乎。君以避盜歸之。第二月卒。予卽以哭君之。第二月。避盜出居于澧。世變複雜。人事怪駭。迷離不可控搏。若此。泚筆以文幽堂之石。痛尙有紀極邪。君以中華民國七年九月二十七日卒。年五十一。配滿孺人三男。祖焯。祖霖。祖楊。二女。一濤域。嫁黎一未。字祖霖。予女壻也。出嗣君弟兆棠。祖楊濤域。又嘗相從受學。旣葬黃岡。祖焯兄弟來督銘。遂書之。銘曰。

君子文。江河瀉。詩元白。一爐冶。琴悱悱。衆絃啞。佚則多。篇亡雅。吾個強。歆城下。

幾牽羊降旗把盜弄戈國解五四三年竄外野正命終逃剗副黃四岡人下馬九龍高護慕檳悔晦言君所假銘昭之祭有社人之生憂患也相始終過故寡後茫茫惻生者撰茲辭泣如灑

于協寅墓志銘

中華民國元年六月縣臨時參事會成立予與于睿贊君協寅同被選爲議員參事者參與縣一切行政以監督財用爲唯一職務蓋下院議紳之別系也君世家子又洞明閭井疾苦情僞故所建言咸切中時弊其可者必其少利于民其否者必其多利于官故一部分在職者往往指目君以君爲矢的先是辛亥之役舊軍民二政根本被推翻縣以綠營前裁武力薄弱不足以維秩序乃議團練于是募練丁額至百人以上餉由地方費供給慈利瘠縣驟加重負擔百姓頗呻吟不勝者且怒咨焉時列城漸大定君乃排衆議謂團鍊烏合雜揉非兵非農無益又害盍汰之以蘇物力遂牒縣論裁失職者大譴旣已繳械無可

爲變。遂狙君襲毆之。主練者身左右翼蔽。僅而逃。凶鋒事後官亦不能何問。君私語予。法紀蕩盡。吾輩行當去。卽殺人于縣局奚裨。蓋縮頸閉關。志于是決矣。君豁朗英峙。慮事能斷。居比縣市爲貴。介子弟顧敦厲。氣節不謁官府。與人交不爲崖岸。斬絕之行。杯酒談讌。掬誠相示。不以俠名而遇事必喜爲之。盡僕張某。備君家久。積貲置產。死後有謀攘其田者。旣涉訟。君爲證人。官索田券。則赫然由君手捧出。蓋僕所市卽君產。契券則君所親署者也。寄頓踰十載。朱印晒晒。無銖黍舛。一庭人皆義君之行。君課兒嚴。犯必予杖。嘗布金錢于暗隅。日一驗之。中子鴻文盜去其一錢。君怒甚。立引刀劘鴻文股。且數且劘。及見血滲出。如注。則號泣曰。吾非不能愛。願汝等牢記學好人耳。鴻文狀君行至此。著之曰。懍懍難犯之鋒。至今獨若聲。警吾耳。嗚乎。足以稱矣。君卒中華民國八年一月十五日。年六十五。父諱翼。戴陝西風陵渡巡檢。本生父諱翼。如嘉慶丙子科湖南鄉試舉人。江蘇太倉州知州。母朱孺人。配陳方。劉張四孺人。前卒。子三。鴻壽。

鴻文鴻煒。鴻文鴻煒從予受學。有文行。卒之第幾月。葬上二都。先事鴻文具狀。走澧縣謁予。乞文識葬。予與君在縣人中。喜言事。厲鋒稜。不能爲媿阿。所謂人爭欲殺者。君婦以參事會議員議團練。受武人蹂躪。予時同與職。噤不能聲。罪致討。斯已媿矣。而君卒前一月。予又以避軍暴出遯外野。不能躬造病榻。捉手爲生訣。其負君殆無涯量。操筆補過。以序君質行。神人相許。其又安敢辭。銘曰。干將莫邪。必缺折我銘。君又何說。五濁塵塵。不屑不潔。一擊走之。死生別。招君俠魂。由我筆舌。蚍蜉羣兒。不自量。淚涸。縱哭。后土熱。茲阡不刊。名不滅。

姑母劉孺人墓志銘

姑母劉孺人。嫁夫曰劉天秩。嫁十有三年。年三十三卒。清光緒四年戊寅正月十七日也。葬唐家洲。實爲其居室之後山。子曰長彥。長莢。吾父三兄弟。獨孺人爲女子。生又晚。大父愛憐之甚。遣嫁飾奩具耗金額逾千。大驚其里人。反馬後。孺人卽卸去紈繡。同下婢操作。兩姓長老又大驚異之。劉故富室。孺人歸後漸

落。夫氏復以試騎射臂廢。舉債纍纍。孺人瞿然日憂米鹽。乃徙居就田。躬課耕焉。居有頃。瘡痍少復。而孺人疾浸作。終以不起。孺人死。其夫氏亦佯狂成心疾。于是家告圯矣。習劉氏者皆曰。使孺人生存。門戶必不至有今日。烏乎其賢可概見矣。孺人死四十年。中子長菱爲贅壻在外。一日來請銘。且告已抱子大者九歲。小六歲。是孺人今又儼然有孫云。乃抑痛爲之銘。銘曰。陵谷徙朝市。易有封。巍然不與俱。毀倘有知。慰悴死。悔晦爲文告。來紀此阡。不泐母天只。

慈利李君死戰碑記

中華民國六年。護法戰起。湖南再被兵。明年田應詔周則范合師攻臨澧。常澧鎮守使王正雅命團長王育琦率隊堵之。戰不利。後方軍繼續進。不知前綫已敗退也。至李家蕩。或以覲告。且風令去。衆錯愕。于是排長李步雲奮呼曰。男兒死則死耳。今日之事。非我殺敵。卽敵殺我。趣前搏鬥。遂陷圍殞焉。體中數創。時

其年六月一日也。土人藁葬之。又明年三月。歸骨于澧。易棺覆衣衾。厝大西門外一葉庵左側。步雲之父曰李裕茂。予門人也。既葬。乞文刻石。裕茂將家子。嘗官清九谿營千總。辛亥從攻下荊州。改名北海。爲連長。步雲字少松。死時年三十一。一子昆璽。烏乎。自袁世凱竊帝。四三年。到今。吾湘兵盜之禍。蓋岌岌矣。驅壯士角礮。火懵懂而戰。懵懂而死。茫不省授命之目的。物唯何蓋亦重。可哀憐矣。步雲臨死。猶奮呼曰。殺敵殺敵。夫田應詔。周則。茫果敵邪。否乎。操戈同室。殘民以逞。而步雲不幸。以糜其軀。其在前世。廕及妻子。名廁忠義。事若甚赫赫也。而今無是傳。曰地發殺機。龍蛇起陸。四三年來。湖南之死人。奚翅百千萬。無以名之名。之曰不幸而已。然則薜蔚喪生不幸者。又豈獨步雲已哉。

### 多安橋鐵扶欄銘

澧徑縣治東。分枝繞城若隍。多安橋跨焉。橋兩簷立石爲扶欄。清末圯于漲。中華民國二年。王鎮守使割俸買鐵易之。又七年。吳恭亨來游。壯



其工爲刻銘

綿綿翼翼橋多安厥平如砥牢如磐澧合澧分弭波瀾天人錯悟生折剝二汎  
嚙檻檻失完誰實易之鐵扶欄百三十柱柱龍蟠距各四尺相擠攢立坊坊民  
匪飾觀中將治戎維桓桓化險不險餘力殫福者利者非一端鐵耶石耶長不  
刊悔晦勒銘昭艱難

文良制銘

制在澧縣西五里清同治時築以捍水護城者  
微一柱砥城其魚矣制水而不制于水下有蛟龍波瀾不起

經輿文選

李德羣字經輿湖南湘陰人今錄文二首

分湖舊隱圖跋

余家湘陰神鼎山下山勢綿亘數十里高逾二千尋峯頂平曠能容萬馬踞其

巖。瞰。湘。江。如。匹。練。相。傳。神。農。嘗。採。藥。於。此。顧。居。其。間。者。無。名。士。顯。人。雖。具。崇。高。之。勢。而。當。世。鮮。知。之。吾。恆。笑。山。靈。冥。頑。不。知。鍾。靈。於。人。而。自。隱。沒。其。巍。巍。也。蘇。之。分。湖。汪。洋。清。漪。爲。吳。越。間。巨。浸。文。人。閨。秀。生。長。於。是。者。代。不。乏。人。信。哉。湖。能。以。其。清。淑。之。氣。鍾。之。於。人。以。自。遠。也。吾。友。柳。亞。子。世。居。分。湖。之。濱。其。先。德。粥。粥。翁。嘗。撰。勝。溪。竹。枝。詞。及。分。湖。小。識。亞。子。以。遷。居。之。故。繪。分。湖。舊。隱。圖。自。記。其。端。遍。徵。題。詠。以。摠。懷。舊。之。念。是。則。柳。氏。尤。大。有。造。於。斯。湖。也。亞。子。渾。雅。淵。穆。主。盟。風。雅。其。夫。人。佩。宜。女。士。能。詩。文。彼。倡。此。和。不。慕。榮。利。人。間。清。福。無。逾。於。此。且。亞。子。之。才。不。讓。輔。之。仲。韶。靈。芬。諸。前。輩。而。昭。齊。瓊。章。姊。妹。視。佩。宜。夫。人。何。如。耶。後。之。覽。者。必。然。健。羨。矧。與。之。并。世。者。哉。吾。雖。未。覩。分。湖。之。勝。而。湖。能。產。陸。葉。諸。人。又。有。亞。子。伉。儷。其。秀。可。知。吾。甯。不。爲。分。湖。幸。然。而。吾。益。歎。吾。神。鼎。之。自。鍵。其。靈。秀。爲。固。也。已。

左仲允墓誌銘

君諱景祺。字仲允。湘陰人。清太傅左文襄公會孫也。祖諱孝威。以文學孝行。顯名于時。父諱念恂。仁厚早卒。君生而誠篤。長益敦純。燥髮受書。孜孜無倦。隆師敬業。樂羣進德。不矜華望。不隕高問。孝弟謹信。人無間言。年十八。補博士弟子員。詞采彬彬。蜚聲文苑。壯遊京師。肄樂陸軍貴胄學校。心有所觸。忽焉舍去。旋以兄蔭得同知。需次于皖。乞假歸省。忽遭國變。君以累葉厚祿。不欲再出家居。奉母。遁世無悶。昊天不惠。遽罹痼疾。竟以民國四年四月日卒。享春秋二十八。悲夫。君娶于金氏。子某。女某。以某月日。葬于某山之原。嗚呼。君幼體沈潛之姿。長膺純篤之行。年壽不永。鴻猷淹沒。而其志節。矯軼羣邁。倫宜勅貞石。以示後昆。銘曰。

於穆我君。孝悌溫恭。誕自華族。儉約束躬。博文約禮。集益虛衷。文爲國華。學足亢宗。懷才未施。而抱志終。君子嘉行。後昆所崇。宜作頌聲。垂于無窮。億載萬年。光茲幽宮。

冥鴻文選

仇亮字冥鴻湖南湘陰人今錄文一首

張振武傳

民國元年八月十五夜。大總統殺武昌起義元勳張振武於北京。死非其罪。時論惜之。振武湖北羅田人。原名堯鑫。字春山。更名竹山。寄籍鄖陽之竹山縣。幼岐嶷。性穎慧。過目能成誦。及長。卓犖不羣。不事帖括。好戰術。寢饋孫吳學者有年。入省師範校。受業於革命鉅子時先生象晉。先生講授時。每痛陳滿洲專制。外人欺侮狀。振武輒感憤不已。革命思想實孕育於此。甲午庚子之役。引爲奇恥。仰嘯俯泣。益痛覆亡無日。毅然曰。大丈夫忍爲奴隸國民耶。用變羅田產。東渡日本。入早稻田大學。研究法律政治。且入體育會。練習戰陣攻守諸法。時國勢阽危。而朝野上下。猶歌舞太平。滿廷益專橫無忌。孫中山倡同盟會於日本。振武由湖南人劉彥介紹入聯絡部。擔任湖北方面組織機關。丁未徐錫麟舉

義安徽振武陰爲之助。幾遭繯綬。因走長崎。繼又返鄂。思以口舌之力。警醒同胞。則開演說會。鼓吹革命。每一登壇。言論丰采。輒傾動一時。贛人朱錫麟慨捐巨金助之。乃撥入學務公所。以謀普通教育之發達。苦心孤詣。歷三年如一日。鄂人革命思想。至今一發而不可遏止者。振武提倡灌輸之力爲多也。清督陳夔龍時督鄂。忌之甚。偵騎四出。大索數日不得。振武匿跡養晦。迨捕網稍懈。卽出倡辦體育會。及公立學堂。藉教授生徒之名。以聯絡志士。黎元洪請大總統殺振武電。所謂充小學教員者。卽此時也。旋孫武高尙志約振武組織機關部。並與劉公譚人鳳蔣翬武蔡濟民鄧玉麟劉長庚李作棟楊玉如諸人分任事務。振武司理財部。首由劉公輸數千金。備購運軍火之資。不足。振武則旋里賣竹山縣產。繼之。然道見振武所爲。頗屬意偵察。而里人信振武甚篤。乃舉爲孝廉方正。以釋其疑。始得陰從事革命計畫。布置旣畢。以一子寄崇陽魯家。而囑之曰。果事敗。垂成。然善教此子。令繼我志也。蓋破釜沉舟之志早已決然矣。辛

亥八月。振武圖大舉。以黃絲夾炸彈。盛衣箱十餘口。進武昌城。戍守環觀之。堅欲查。是時風聲急。鄂垣戒嚴。君度不可免。以拳碎箱鎖。手血淋漓。令開視。戍兵轉爲意解。讓之入。振武臨機應變。成事於垂敗。雖曰天幸。不可謂非機智也。設機關部於武昌小朝街及漢口漢興里。原擬秋後舉義。乃八月十八日。孫武楊鴻勝因演試炸彈失慎。機關相繼破壞。被拘者三十餘人。搜去印信旗幟告示名冊無算。振武僅以身免。彭君祖藩及楊君鴻勝劉君復基同時遇害。振武悲痛幾不欲生。清督瑞澂欲嚴捕同黨。並收各營子彈以防之。時機關部員未被捕者。均潛逃他處。振武極力支持。與朱次璋李華模等磋商。定乘時大舉之計。通知軍學各界代表。約於十九日午後七點鐘起事。首發難者。爲工程營熊丙坤方維王光國鄧玉麟蔡濟民諸人。占領楚王台鎗砲庫。分發子彈。蔡濟民明安炯馬明禕周成勛謝湧泉周青林胡捷三雷永泰諸人。帶隊出起義門。迎砲隊入。先是瑞澂聞革命消息。密布憲兵警察巡防機關隊旗兵於督署周圍。以

防不測。兵力極雄厚。我軍連攻五次未下。杜芳余守本死之。且被瑞兵奪去大砲六尊。我軍抵死力戰。人數漸集。仍未得手。乃聚積大砲數十尊於蛇山頂。歸鄧玉麟吳兆麟指揮。以爲爭攻擊督署之主力。李忠義領鳳山砲台。並武勝大東小東各門。馬明禧馬少卿周青林雷永泰諸人占領保安平湖望山文昌各門。方維王光國阮寶山率兵由長街直搗督署。無不以一當百。卒破督署。清水師統領陳得龍帶領兵士擁護瑞激避艦中。清統制張彪亦遁。我軍遂占有武昌。二十日晨刻。佈告安民。城內平靜如故。蔡鵬來朱次章李華模劉長庚胡捷三王忠烈等。以振武胆識過人。欲推爲武漢總代表。振武力辭不受。並謂黎元洪得軍心。可共圖大事。特與蔡濟民率同志請黎出。舉爲此司令。而自副之。以諮議局爲事務所。適清管帶邵翊宸領兵二百餘人攻諮議局。黎元洪避。所中僅振武與朱次章等數人。分爲散隊。力敵邵軍。敵亦趑趄不進。恐中伏。振武指揮同志。抵死不肯讓。邵軍始退。而陸軍中學耿丹任重雷洪陳修劉瑞章榮

希盛等率領學生軍七百餘人來援。力乃厚。則以四十人毀模範及各監獄。出張廷甫。顧慶雲。牟鴻勛。胡瑛等三十餘人。軍心大振。時各營代表齊集。振武乃痛哭誓師。並極力推戴黎元洪。而自任總參謀。調朱次章至所。護元洪。殺漢奸數人。以示警戒。軍心大定。派學生軍守藩署及官錢銅幣各局。約劉公。胡瑛。李作棟。蔡濟民。鄧玉麟。吳兆麟等至。事務所辦事。編軍隊爲四協。令吳兆麟統領第一協。何錫蕃統領第二協。楊開甲統領第三協。杜錫鈞統領第四協。復招募新軍。以補不足。自是軍隊編制始稍就緒。二十二日。滿清官吏紛紛投効。振武皆妥爲安置。並勉以同心協力。共造新國。對旗人尤持人道主義。外人生命財產。力爲保護。城內賴以安堵。如平時。二十四日。振武令各軍整列。請元洪登壇。舉爲都督。二十五日。因軍務繁冗。非一人能肩任。乃分爲四部。一參謀部。楊開甲任之。二軍令部。杜錫鈞任之。三民政部。湯化龍任之。四軍務部。振武自任之。參議四人。劉庠。成聶。豫鄧。玉麟。李易。東任之。更分軍務部爲七科。李作棟任總



務。馮昌任軍事。胡瑛任外交。李華樸任軍需。那伯謙任經理。陳漢卿任軍法。紀光漢任軍械。蔡鵬來任民事。各司所職。秩序井然。振武又派人赴各省運動響應。而以何錫蕃爲指揮。林翼支爲協統。黃禎祥爲敢死隊隊長。派朱鎮漢方維等領軍隊至漢口禦清軍。諸人殊死戰。頗有斬獲。旋因何錫蕃負重傷。元洪派張景良代其職。而漢賊羅家炎劉錫祺宋錫全等與張景良蓄異志。私運子彈助敵。致我軍失利。漢口遂不能守。九月六日。孫武炸傷愈。出而視事。振武卽以軍務部正長讓之。退居次長。是時清軍王汝甲之叔殿菴投降武昌。僉以爲詐。將殺之。振武獨力保。親爲釋縛。察殿菴言論。娓娓動聽。爰官以祕書。殿菴感激涕零。函告汝甲勿爲滿洲用。汝甲爲之動。遂無戰志。清軍之戰。鬪力以減。九月八日。黃興至。推爲總指揮。胡培德孟華臣蔡濟民等統率奮勇軍。激戰於漢口。勝。初九日。又大勝。孟華臣陣亡。蔡鵬來黃禎祥受傷。北軍聞黃興至。大驚。乃大增援兵。乘虛佔領漢口。虜掠燒殺。無所不至。且進攻漢陽。時宋錫全守漢陽。聞

漢口失。卽率所屬軍隊遁走湖南。振武聞警。派將校敢死團團長金鴻鈞。領二百人守漢陽。北軍因不得渡漢而南。並急舉黃興爲總司令。鎮漢陽。適湖南援軍亦至。黃興督戰。自琴斷口渡河。斷其橋。誓與敵軍死戰。果獲利。由灰麵廠戰至龍王廟。敵軍敗走二十餘里。我軍無礮隊援助。未能持久。仍守漢陽。振武至青山。派胡捷三。蔡鵬來勸降。敵營巡防管帶夏占奎所帶兵隊。又遣偵探往北營運動。敵軍派代表來謁。振武招待甚優。與共寢食。敵軍感之。約次日率所部投誠。自是敵軍效順者日多。降兵登舟。猝被敵兵轟擊。淹斃九十餘人。振武厚恤其家。生還者咸犒以酒肉。敵軍聞之。降者如歸市。九月二十六日。敵軍將至新溝。搭浮橋渡河。至蔡甸。攻漢陽後路。美女仙娘兩山失守。鍋底扁担磨子諸山亦相繼陷。振武帶軍務部部員暨衛隊學生軍千五百餘人渡江。至十里埠。受黃興命令。率同夏道南。胡捷三。李華樸。右翼謝劉芳。甘緝熙。左翼鄧玉麟。孫洪炳。明安。烟劉高升。攻破磨子扁担二山。聲勢復振。鏖戰約七小時之久。翌日

北軍偵知我軍無礮隊。乃集三山礮火於一山。攻擊我軍。湖南劉統領陣亡。甘緝熙、孫洪炳等俱受傷。振武亦被彈傷右膀甚劇。溺水中。幸衛兵救護得不死。而所率軍隊死傷大半。振武獨負重傷。經十里埠。面晤黃興。報告北軍已至。請速行預防。始由衛生隊昇振武至武昌療養。是夕北軍轟斃我軍參謀長梁喜章。漢陽所駐軍隊潰散。遂失守。翌午振武聞漢陽失。負傷躍起。舉刀騎馬沿街呼號曰。漢陽失守。是我軍疑兵之計。實無是事。軍心大定。未幾黃興至都督府。開軍事大會。籌戰守之策。有主張退守南京者。振武抗聲曰。漢口與漢陽僅隔襄河。大敵臨前。尙能支持。月餘武昌爲兵事重地。據此一隅。足制全國。倘不死守。則東南搖動。望風而靡。此不可棄。武昌者一長江天塹。北軍僅四千人。豈能飛渡武昌。餉械充足。能戰之士數萬。背城借一。未必卽敗。此不可棄。武昌者二。各省援兵陸續來集。若退守南京。援軍將不戰自潰。則武昌旣失。敵據荊襄上游。以制湘桂。死命且分。兵攻九江。安慶。南京。雖爲我有。亦不過如洪秀全之苟。

延時日而已。此不可棄武昌者。三有此三。不可棄。敢言棄武昌者。斬計乃定。復開會議。激勸各協標營軍士爲死守計。軍士聞振武言。咸感憤。聲如雷動。願效死與城共存亡。由是令協統鄧玉麟。何錫蕃守武昌。敢死隊隊長陳龍守磁基山。協統羅洪升守大軍山。標統劉作龍守小軍山。管帶王錫齡守京口。標統張廷輔。謝流芳。張傑夫等守白沙洲。管帶李忠義。標統劉廷璧守青山。布署既定。遣人往各街演說。以安人心。時敵軍大礮向城中射擊不絕。各部人員有避去者。爰推李作棟任理財部長。徐聲金任編制部長。時功璧任銅元局長。令吳兆麟。方維守洪山。協統熊炳坤。楊載雄等守武勝門外新河一帶。翌日敵軍礮如雨集。城內居民震驚。振武請元洪避洪山卓刀泉。元洪泣謂振武曰。天下大事盡付君手。好自爲之。君亦泣誓死守。復宣令百姓出城暫避。詰旦敵軍礮擊軍務部。衛隊死傷三十餘人。俄彈落几案。坐中均駭。顏無人色。振武夷然笑謂曰。可移。至樓下照常辦公。勿驚恐。其沈毅堅定有如此者。是時江西統領馮嗣鴻。

率兵來援。令同鄂軍進發黃皮。與敵數戰。以撓其後。復有楚同兵艦王光國。楚謙兵艦王光熊黃宗貴等。力持青山防務。作犄角勢。軍勢稍振。振武每當日暮必親帶兵士沿街巡視。徹夜戒嚴。如是者三日。秩序漸定。迎元洪入城。而媾和議起。宣告停戰。振武恐和議無效。赴滬購槍械備急需。及和議成。則約孫武孫發緒張伯烈劉成禺時功玖等。組織民社本部於滬。還鄂。又與孫武設立民社武漢支部。正月二十七日之變。君與四鎮統制蔡漢卿竭力維持。事得速解。袁大總統以其才猷卓著。電促來京。畀以總統府顧問。不就。又委蒙古調查員。亦不就。遂歸。先是振武及蔣翌武孫武于鄂省起義爲首功。三人互不相能。而振武與孫武爲尤甚。黨孫者毀振武。黨振武者毀孫。黠者互以危詞媒孽。浸潤積久。益水火振武。又杭直無城府。好以氣陵人。賈禍之漸。所由來矣。當振武之自京還鄂也。元洪以不慊于振武。而振武又得鄂軍士心。恐其留鄂鼓亂。召參議員劉成禺鄭萬瞻旋鄂。爲孫武及振武解釋舊怨。杯酒握談。亦旣言歸于好矣。

成。禺。萬。瞻。還。京。元。洪。復。遣。人。勸。振。武。就。總。統。府。顧。問。振。武。乃。于。八。月。某。日。復。來。京。而。孫。武。亦。于。八。月。十。一。日。相。繼。至。十。五。夕。振。武。讌。客。于。六。國。飯。店。歸。經。正。陽。門。爲。步。軍。統。領。逮。赴。軍。警。執。法。處。此。次。與。振。武。同。來。之。鄂。軍。將。校。團。團。長。方。維。亦。自。金。台。旅。館。逮。至。振。武。不。知。所。爲。詢。其。故。則。以。黎。元。洪。電。示。之。振。武。斥。其。妄。復。示。以。大。總。統。命。令。振。武。始。慨。然。曰。死。耳。夫。復。何。言。豎。子。無。良。乃。一。至。此。耶。爲。致。元。洪。書。一。通。繼。擬。作。家。書。復。歎。曰。死。耳。夫。復。何。言。促。速。行。刑。遂。於。一。鐘。與。方。維。同。鎗。斃。方。維。長。偉。軀。幹。驍。勇。善。戰。以。積。功。任。將。校。團。長。因。善。振。武。遂。回。及。難。仇。亮。曰。振。武。以。諸。生。崛。起。行。間。號。召。儕。輩。據。有。武。漢。東。南。數。省。雲。集。響。應。不。數。月。滿。清。以。亡。此。其。智。力。勇。武。有。足。尙。矣。惟。豪。縱。恣。驕。恣。陵。躐。等。夷。則。不。學。無。術。所。由。致。死。也。嚮。使。元。洪。諸。人。能。棄。其。短。而。獎。其。長。使。中。於。繩。墨。未。始。非。宏。濟。才。也。而。元。洪。諸。人。不。能。容。振。武。則。又。豈。足。專。爲。振。武。罪。哉。當。振。武。既。死。之。翌。晨。步。軍。統。領。揭。其。罪。於。國。門。越。四。日。元。洪。有。振。武。十。罪。之。電。又。三。日。元。洪。有。十。四。罪。之。

通告中外。震駭為振。武悼痛嗚呼。振武已矣。後之覽者。其興感又當何如。

卷二終

上海图书馆藏书



A541 212 0016 5445B

308575